


馬東田漫稿序

心不大則無遠韻氣不勁則無昌言詩者性情禮義之宗言韻之精英也淺魯卑局而欲有軼塵邁俗之作難矣魏晉而下論詩例稱唐人唐人例稱李杜昌黎三君子之什膾炙下載不俟評議然蠛蠓貴近傲睨強藩勇犯人主此其為何如秋空江漢次寥無涯秦華匡廬俯視萬象神龍怪鱗莫可馬羈讀其詩想見其人使人毛髮森豎高岑王子孟而下達者摸稜廟堂窮者曳裾權倖揚揚施施營



身日清秀 前月
營叟叟昏酣陷溺相率而不自知是其鏗錡
巧麗之音非不足以竦動觀聽而獻諛售佞
希恩覬寵之懷牢橫不可破聶嚙觀望委靡
消縮情隘而莫伸氣卑而不暢言惴惴而不
敢盡故奄然莫能自振長慶之後作者類無
取焉有以也東田先生馬公蚤以詩名海內
海內之士翕然宗之半聯一語篇什未成輒
遠播數百里外公何以獨雄一世哉觀其所
存可知已劾萬二梁方汪直檢料嘉祥長公
主田蓋嘗屢犯

度威屢瀕於死而烈衷直節愈老愈勁正德
初逆瑾當

國霄焰熾天公以直嬰之瑾怒拮據下之獄
陳挺負校死生在毫芒獄吏引對奮色亢膺
無沮無懾目睫之下初不知有劉瑾瑾竟無
以加也至今談及往昔凜凜猶有生氣志士
想望風采思執鞭而不可得此其人為何如
故其詩類其為人憫時痛俗以極於體物盡
性而要諸變雄渾深沉無急感狹小之病間
於閨情幽思旅懷宮怨以自况而閒情逸興

時得之諷誦之外洪音廣調渾如也決如也
若不見紛麗於中而嶮巖於外者虎據詩壇
鳳呈佳瑞有由然哉玄圃不生礪石沉瀝不
受污濁即此可以談詩矣瑾誅後嬰禍者類
擢不次以旌直風公文章氣節資階譽望迥
出時右而嬰禍又最酷端揆之任謂不能舍
公他適顧畀以羸卒屬以巨寇功摧未成志
齎以沒天邪人邪衆方睚睚公獨崖崖孰不
思毀折以快慚妬又肯使之雍容紫禁完名
清世哉古語有之直道而事人焉往而不三

黜公之謂矣遺稿十喪七八公子監生師言
得詩賦歌詞樂府若干於蝨鼠之餘屬緒為
評論者謂公詩卑者亦邁許渾高者當在劉
長卿陸龜蒙之列今三子之集俱在試取而
讀之有公之骨次乎使公得列

廟堂虛衷融心和鳴

國家之盛昌言遠韻當與李杜昌黎下上惜
哉公不值也欲讀公詩先觀其人欲學李杜
昌黎詩當先論世以自厲不然竊片語掇數
字規規於聲韻步驟吾恐模倣愈工背馳愈

遠矣公河間故城人名中錫字天祿別號東
田成化甲午京闈解元乙未登進士歷官左
都御史史氏例有傳他不贅云

嘉靖丙戌冬十月望同邑晚生孫緒

序馬東田漫稿

賜進士大中大夫河南按察副使前遼東苑馬寺卿開州王崇慶撰

王子曰嗟乎予讀東田漫稿而知天下未
嘗無完士也若乃顛末則沙溪公備矣今
夫詩君子所以蹈情也含英者競其華鬪
巧者鑿其響好奇者亂其真而先王之雅
風荒矣是故詩而匪情是為玩物君子弗
由也先生篤於行而理於情則其發之乎
詩大而雅曲而中和而不淫怨而不怒有
以也夫昔者慶也聞諸父師先生在弘治

東田漫稿 前序 四
成化間為諫官立

朝正色蚤有雄辯片言隻辭往往輒為人
頌既九年而補外其直可知也由是天下
莫不想聞其風采逮至正德中逆瑾黜伏
天子詔而再起尋拜中丞大夫則又不能效
流俗委曲遷就以求合於世蓋脩乎鳳翔
矯乎龍躍虩乎雷行猶昔馬於是群小愈
益忌而毀之矣至以方張不制之寇責先
生完功於旦暮此其所以中傷之者為何
如而先生方且不失其初不懼其外可不

謂至偉至偉者乎然則世徒以文章稱而
慕之抑末矣先生既罹讒以沒功業未究
墓木既拱天下則又聞而悲之賴

天子明聖卒白其寃而諭之以祭嗟乎諸葛
出師而未捷命也屈原蒙謗而自沉亦命
也公也垂老之年幾無以自表見亦命也
若夫文如韓詩如杜公餘事也吾又豈暇
為先生道哉公之子監生師言是年秋七
月自故城來乞言且托郡大夫筆山文侯
校而梓行蓋筆山乃翁松齋司馬實先生

東田漫稿 前序 五
同年云於是筆山命匠惟謹而又謀及郡
博四峯許子相與訂之可謂不遺故舊矣
是特別駕崦山侯君三山張君節判別洲
包君桐岡嚴君蓮幕文子司訓洛軒張子
龍屋何子實共樂觀厥成焉書凡三月而
後出全刻復以昇公之子使歸而告諸墓
噫先生不沒矣

明嘉靖十七年秋九月甲午

馬東田漫稿目錄

卷之一

送王生南歸

默軒

明妃二絕

東西寧侯病中

輓邢亞卿

明妃怨

無題用韓貫道韻

送畢秀才還安東

送尹之訓門生下第

引子升天魚圖為王之孫吏部題

憶東郭別墅

憶庭槐

思田中春日

思門前流水

東日漢科
目録
逃亡屋

挽胡彥超兄茂宰

輓陳公佩父客死于秦時為茂宰致仕

輓張孟暘母太孺人

輓姚處士

送王舉人下第歸湖湘

輓葉伯昌妻

送人仕江南

壽滑宗源良醫正

送吳進士珍父歸吳中

送廣師授官東歸

輓周同年父母徵君孺人

張監生望雲思親圖

輓黃文選祖姑各二首

送謝上舍歸浙西泮隣書屋

送王庭光乃兄應貢授教職

贈靜樂張醫官

輓醫者

溪南別墅用韓掌科韻

輓張修撰父都閫公及其母太夫人

送畢司訓

偶成

題東海張處士慕親草堂

輓某處士

輓張都閫

送上海歸省和韻 遊西山八首

輓蒙陰李少叅

向行人使楚歸使壽其親

劉主事母十八歲孀居有遺腹子至其

孫憲方受 褒封沒後二載始旌表焉

送章德懋致仕二首 梅雪軒

送韓宗康 鍾馗圖

阻風 次童勉和韻

四月十一日潞河風靜喜而有作兼呈

正使西寧侯

井陘道中

回次井陘與西寧異途兩後有作

壽林千戶父退休林下

送張行人使占城

和靜之引鏡漫成韻

輓蒙陰李郎中

代元甫贈翁醫官歸八閩

送李二尹 送臧人尹

壽孫皇親 早春省中試筆

暮春寫懷和貫道韻

羊后絕句

又和貫道

首夏即事二首

午日

省中即事二首

寄贈秦僧官退休以得遣部使者

文卿招飲同年陳思敬在坐以入直不
赴二君青州人陳特為高陽令

自題蒲扇

主人念女

妾答主人

妾謝新人

新人慰妾

內帑受幣過海子橋觀荷花用蕭宣長

文明所限四韻

李賓之題陸先生小畫海榴書屋

八月三日夜雨如麻危及墻壁詩東晉

卿兼附昨日苦雨一首

是日晚晴再作 八月十六日書懷

和教靜之悼馬

送別和子美韻

送巡檢

和貫道雨中

早春省中試筆

追和莫掌科守歲

寄趙時中謫居廬山二首

東田漫稿 目錄
壽李遵化母得子字時年八十四月一
日生

寄文天爵

壽劉廷珍二親同臘八日初度

遊西山古剎

榮壽堂為白選部賦

贈徐處士

黃驛丞懷歸理荒二卷

送高原健依親 午日示李汝弼

環翠軒 夏日睡起即事

輓李彥明父

城塘書屋

冬夜小聚

用前韻賀郭子美添丁

輓蕭秀才母及其室

過慈恩寺二首 自嘆

祀竈和王都堂韻 述懷

病酒

和王彥平賞牡丹韻

再和三首 歲寒三友圖

登釣臺 輓婺源汪處士

壽王編修濟之二親俱年六十

送韓掌科弟敬代其父醫官歸洪洞

送萬閣老兄還蜀

贈天津楊千戶繫獄復官平羗弗果

靈籟亭

韓寅長需次頗久秋雨中會當寂寞詩

以戲之

擬去婦二首

輓趙錦衣

秋懷

靈僧官方丈題畫葡萄

哭江大叅

苦雨

悼楊景奇

壽陶孺人

齋宿大興隆寺

慶成宴王世賞編修限韻

同前題和王世賞 同前題和李德馨

後倪圖

里中惡少為怨家所殺詩以快之

二十九試筆

逢僧閒話

宮怨二首

婢病

飲王太史第時李德馨聯句畢復限韻

近寺訪友人坐間限韻

答王太史胡工曹席上見憶之作

王太史諸公見過寒舍小酌限韻二首

觀王太史書東坡圓澤傳限韻題劉振

之手卷

飲劉振之處和韻寄李寅長

飲李寅長第限韻 送李汝弼尹襄陵

贈隆福寺靈僧官

十八日王太史諸公過寒寓共酌限韻

和劉振之感懷 山行限韻三首

題功德寺航上人小畫

送勸農翁判簿考滿還任限韻

翟弘仁秀才處限韻

追和振之山行二首一過廣善寺一過

昭應宮

答浣靈問山行樂事用原韻

題錢世恒壁間畫竹用王太史韻

王太史席上限二十韻

高家控牡丹和限韻

天寧寺和韻 題崔鍊師壁

奉答李公夏日喜友見訪之作限韻

輓顏僉憲夫婦

李寅長期共餞虞廷評既而不如約詩

以問之

聯句諷王太史

齋宿大興隆寺聯句

和韻題錢世恒侍御卷中

用韻答胡彥超虞部美其子

題扇上蓮花鷺鷥 和王太保韻

楊友山隱君鄉飲 補過堂

夏日病中即事十首

和劉振之雨中感懷

和胡工部見贈韻

脩城池為寧都胡大尹賦

再和夏日病中即事十首

友恭堂為都人王伯通昆仲作

壽閣老商先生 歎衰

卷之二

奉答王宣溪見贈

和宣溪秋夜雨中感懷

和子美秋日出郭晚歸

秋日出郭限韻 題畫二絕

飲劉振之寓次用錢世恒韻

壽王宣溪

劉振之和其韻

代諸同寅送林克冲使暹羅四首

屠元勳秋官以畫梅贈張廷芳憲副求

詩其上次李西涯韻答之時張赴浙臬

飲董懋克所限韻

飲薛經府別圃和韻

用韻贈德馨二首

德馨宅即席限韻道別

飲胡冬官宅即席次韻

王太史過寒舍小酌即席限韻奉答

陳千戶莊上即席韻

朝天堂訪李鍊師不遇

輓錢方伯母

賀振之遷居次儲中舍韻

輓黃大叅

為慶州毛指揮作

王太史遺帶詩以謝之

九日飲薛京兆別圃再用前韻

秋夜不寐感而有作

慈恩寺登高用杜韻

東田漫稿 目錄 九
次韻王太史登慈恩寺閣

重陽後數日王存節鴻臚宅賞菊限韻

朝天宮訪真秀才 過黃翁飲用唐韻

次韻答郭子美書懷

春詞

幽居

道十燈

代王掌科送張省祭官

和韻慰郭子美下第是年予校文春闈

用前韻送楊文晦下第還家

送蘇鍊師還山

述懷和教靜之韻

四月八日陪王世賞編脩郊行限韻

和董子仁郊行飲王家莊上

輓陳民部繼母方孺人

郊行飲王家莊上再和前韻

省中和李汝弼韻

覆和前韻

書懷

和方文進寫懷韻

謁陵道中李文卿秋官限韻

憇沙河寺

答李士常侍御見候韻

和邵文敬民部墜馬韻

剪花

壽惟明處士時年七十四月朔日生

送孟鑑千戶侯漕運還家用郭子美韻

言懷用東坡次韶守狄大夫見贈韻

住俸

感懷和郭子美韻

自述

書大名察院

開守彭載道以名酒新鷺見遺詩以答

之時彭久病

過舊大名城

再過舊城

輓詹良弼茂宰二親

壽錢世恒父

送鄧職方考最還南京和汪文潔韻

送范法曹謫倅鳳翔

輓田廷尉母夫人邵氏

長安雪三首

寒夜自述再和舊韻

再贈范法曹

早朝值雪限韻

和韻賦雪

歲暮

禱雨有應

感懷次郭子美韻

次教靜之九日言懷韻

西涯侍講圭峯宣溪二太史夜飲寒舍
有作次韻奉答

劉振之遷居次其韻奉答

次屠秋官元勳韻壽劉振之

寄蕭文明次其韻

萬歲殿次王太史韻

清虛觀次王太史韻

瓊林初度為孫希說進士賦得聲字

冬夜偶書

寒夜

松鶴圖壽某處士

振之招飲以腹疾不赴作詩謝之兼東

王太史有感二首

得襄陵尹李汝弼書詩以報之

寄業師陳先生時舍姪從其遊

西掖晚歸有感時事聊賦短章用呈同

志者

悼亡女用蕭文明韻

和宣溪述懷

和陳粹之僉憲借居韻

帝王廟

題莊僉憲章江賦別卷用王太史韻
過廣恩寺有憶用長老

天寧寺次韻

題冀文華郎中墨牡丹卷

除夕分韻得未字 哭亡兒晉生

立春後禁直

輓鄧廷曜編脩父

除夕次韻三首

和吳掌科新正述懷

人日次劉振之韻

齋宿大興隆寺懷圭峯侍讀景范司封
各一首

十六日聚飲照上人房二首

張醫師牡丹卷

寄鄉先生趙君

壽蔡明府

輓王朝遠都堂

花朝後十二日山遊限韻二首

次周都尉韻

三月十一日過城西劉氏莊居限韻

十四日遊甕山次謝于喬太史韻二首

是日次李西涯一首

送冀文華郎中弟文緒偕其姪舟中還淮南

壽李侍講世賢二親

寄李大尹因時上舍附上

題漁舟便面

寄呂都憲天章

寄郭漑

崇恩樓

寄郭都憲

送錢世恒赴廣南料理邊儲

輓畢大尹

壽韓孺人

壽林待用父母

題携琴訪友便面

又題山水便面

送周仁廣通判三首

題王彥明秀才畫中梅花

遊潭柘山龍泉寺限韻

王太史園亭同明仲洗馬圭峯侍讀西

涯侍講曰川修撰正夫提學小飲

次夏憲副留別韻二首

夏憲副除山東得旨初詩以賀之

次韻喜羅洗馬得孫

夏日訪李鍊師

壽宗勉馬司封

送程二守赴嘉興 集杜送王彥平
秋懷和振之病中韻

小畫景

重陽前四日

題戴文進送別圖 送定師歸淮南

贈林千戶

十月七日同鄧侍御宗周巡視京東馬
房迄歸得詩十五首通州道中三首

泮石橋公館題壁用前韻

館中有老使自言鄉里人索詩甚勤用
前韻漫賦一首

官庄道中

宿石渠公館次壁間韻二首

石渠阻雨

登孤山書寶峯寺二首

宿南石渠公館題壁

碑刻月梅

村館偶書

石橋老中使送予至官庄別去再賦一
律遺之以酬其意

次韻送李德馨少叅進賀

萬歲聖節表還江西 送陳推府還徽州

東日漫稿 目錄 五
壽董都督

送孫約之僉憲致仕

送于守正還鶴慶 壽濟南湯氏二親

埧北馬房 北高馬房

湯山馬房 黃土馬房

過洪法寺次韻 喜雪

再次前韻 三笑圖

乘槎圖

穀日題艾鍊師壁次韻

十七日送李明府 送青縣劉明府

送客過法林寺

輓陸侍御抑之二親

題畫雪景

花朝前一日過真空寺

清明謁 陵出北關

次清河 次沙河

過通濟橋東同事者

與昌平館人話舊二首

發昌平道中遇雨三首

和齋房聯句韻 齋居

謁 裕陵

再過館人題壁

歸途和汪文潔韻 沙河道中

贈鄒訓科 遊白雲觀二首

靈惠寺訪亮上人 遊房公城西別業

題其先塋次韻 再用前韻即事

再即事 紅梅

題馬湖知府安土官家世卷

宣溪宅會飲限韻

夏日過長慶寺次程諭德韻

贈唐宗明少卿赴滁州分寺

送楊重光弟還閩中次其韻

禁直寓懷

和楊文卿近寺假榻

贈郭都憲謫官射洪

夏日飲李公宅次韻二首

劉臣節宅小酌其弟朋節侍御同在坐

題童勉和便面

和楊重光韻東照一天上人

和楊文卿近寺避暑

次文卿侍用重光聯句韻二首

卷之三

新春二首

春雪

人日

上巳拜先壠有作

春日同宗遠措大高峯上人遊東園限

韻有作

次西田述懷韻

與客遊東園限韻

自理隙地植花

燈下

次前韻

寄玉世賞內翰

中年少睡長夜感懷

誌夢

過塔院尋泰上人偶作

登縣城南樓

禱雨無應亢旱彌深感而有作

和西田所誦無題詩韻

有所思再疊前韻 春遊東園

再疊前韻

初度

官堤春行

東園次前韻

春夜同泰上人話舊有作兼東坐中諸

君子

同泰上人縱步東園偶作

春夢

和沈仲律提學凡贈韻

暮春遊東園 次眉菴韻自述

秋夜酒醒爽然無寐感而有作

雪夜

詠雪和韻兼疊志夢各一首

夢中誌所見

至京師呈舊遊諸君子

謝畢司封惠紙筆 答王宣溪

和玄善世 絕句二首

再補外亭

題漁樵小畫

捕魚二圖

百禽雙鳳圖為宋黃門廷用賦

旅懷二首 郵亭琵琶圖

清明 輓錢塘范處士

良鄉 涿州

新城 白溝

雄縣 鄭州

河間 獻縣

望家 東園避暑

李少參翁姥輓詩 浣靈卷為前人作

高良紀異卷為前人題

湖州宅同李汝弼賞蓮

赴延綏 雨臥書臬司壁

入宜君界 望中部

宿三川 曉發甘泉

安塞懷古 發安塞

保安即事 暮投園林驛

順寧道中 抵靖邊營

再發安塞 夜宿聶石峪鋪

書安定分司壁 望榆林

靖邊營分司十首 靖邊營

寧塞營 把都河堡

永濟堡 新安邊營

新興堡 定邊營次韻

舊安邊營

柳樹澗廢城和壁間王威寧韻

鎮靖堡 龍州城

清平堡 威武堡

給餉 懷遠堡

鄉水堡

龍州邊外

平夷堡

秋日榆林道中

干谷驛

延安分司題壁

鄜州

宜君道中

同官偶成次前韻

耀州

三原

春日敬陪 秦王郊行限韻四絕

奉送都憲韓公出鎮寧夏

華清宮

高陵

同官題壁

宜君道中

至宜君再次前韻 破屋

中部道中 洛川喜晴

中秋有感 鄜州

發安塞 再宿聶石峪郵舍

清澗 再過無定河

宿米脂二首

宿栢林堡次壁間曹大理韻

神木縣分司題壁 永興堡題壁

鎮羌堡書懷題壁 府谷縣

遊水寨 題壁

再賦水寨

孤山堡

神木堡

葭州

延長野寺牡丹

宿雲岩鋪有感

曉發雲岩

經廢武帝廟

再過廊州

宜川道中

山城驛次壁間鄧繼

申韻

石溝驛

高橋題河西道壁

寧州述懷

試諸生

次咸陽奉寄仰年兄

再疊前韻

二月二十四日富平道中見花

臨潼

再過新豐

灞橋春晚

鄠縣

重陽宮次白司馬韻

藍屋

郿縣

連雲棧東河橋驛

題壁二絕句

吳山

鳳翔書懷

鳳翔藩司有竹數百竿鄭方伯所種者

詩以東之

茂陵

涵碧池

賦太乙真人蓮葉舟應教

賦得荷葉露應教

送張希載侍御入京

白豹突馬 黑豹突馬

寄意 書堂應教賦蓮池

武功行臺寓留一飯即赴扶風

岐山行臺偶書 苦竹

隴州道中兼簡閔光甫大叅

和閔光甫韻 苦雨東鄭方伯

書華亭分司聽壁 華亭道中喜晴

宿安家空郵舍 過乾陵

晚渡咸陽 次韻題光甫草堂

題扇面小景二絕 途間喜晴

送馬宗勉太常還吳中

題便面小景

春日東軒小酌聯句

壽劉考功母

李國英菴上待遊山同伴

遊西湖 公署即事

促元溥水雲亭之遊

輓何都憲封君

送馬太常在告

登水雲亭

徐黃門兄弟奉使南中便道壽其翁

張黃門使廣便道壽其母

次李西涯韻簡屠元勳二首

早朝遇雨

輓人父母

輓謝方伯

輓謝方伯余夫人

送畢嘉會

題小畫二景

壽白司寇

題斗方鵝鴉飛鳴宿食

輓林黃門父教授君

送李彥明太守書最還泉州

送韓錄事

會合聯句

春社

暮雪

二月一日風惡

賜衣

嘲陳元溥瘡面

輓李黃門母

輓盧方伯

卷之四

居庸關三首

黃花鎮會屠元勳都憲和其韻

道中言懷用前韻 沙嶺道中即事

白瀑寺

龍門道中聞北虜入貢

德勝寺

紫荊關二首

浮圖峪

廣昌道中

倒馬關

阜平縣

龍泉關

溫湯

曲陽謁北岳廟

軍城鎮

龍華道中

過懷安廢城

柴溝堡

葛峪堡題壁

過揚武襄墓

威寧王公再起總制甘涼軍事

書行臺壁五首

帥府東圃

送何德章員外清理屯田還京

寄劉司徒時 賜告還家

登野狐嶺關

書懷

輓賈僉憲母趙孺人

春寒夜坐

春晚三首

別上谷

謝病還家八首

秋江獨釣便面寄元溥

魚舟晚泊便面寄周載文侍御

雨後 輓李都閩

圮橋進履 渡江擊楫

耕 織

朝田濟民 朝韓宗康

贈鄭端本民部遇例 馳封父母

遊鄰寺憶泰高峯上人

西田父子折居詩以朝之

和李石城學士祀闕里韻

簡景守馬世維 舊居

送王縣博謫山陰河泊因便道省其親

長沙 雪

新春試筆 雨中自述

再用前韻

西田見和苦遲又疊前韻促之

閨怨二首 述懷

過鄉校為群蒙正句讀有感

杏花 閨情

短述九絕

夜半聞雨時久旱二麥未登

偶成用別上谷韻 擇里

江村釣舟便面 即事二首

送王民望自陝藩陞秩巡撫次三原王

太宰韻

六月二十日新舍成與呂太守韓明府

會飲

次前韻

施太守見薦詩以柅之

太宰屠公致政歸四明詩以贈之

聞虜寇雲中感而有作二首

秋雨病中二首 卧病苦雨

簡施太守見過

白

述懷四首

謝黃侍御一首

九日述懷

贈歙商吳以時南還

報王僉憲

社飲

擬古八首

田家

長門行

點絳脣

庚申除夕

辛酉元日試筆

和元遺山正月九日立春韻

調迎春花

十日自述

對客自述

宮怨

病述四首

木蘭花慢

早春自述三首

杜工部

閒述

自咎

病起偶述

溪上即事言懷

花朝會飲

讀騷有感

索居用前韻

擬古

酌客

築塙

贈樊都尉

近村杏花

十姊妹花

連日風寒遊賞盡廢有作

約西田看杏花

田間自述

西園同西田看花三首

村飲

病起對鏡

寄王希魯都憲

留客

霽景樓卷

石城雪樵卷

東塲

東庄

自述

鄉會四首

題便面画二老携琴登山中茅亭

呂太守希仁高元健韓宗康二明府程

依仁少府俱致仕于家予亦 賜告每

月望日醖于予舍詩以紀之

東田八景八首 溪雨一月不止

盆池荷花 東塲早秋二首

蓮開獨賞二首 自述十首

琴瑟書畫四絕 寄師言

秋日期宗康不至 秋醜

自遣 言懷

寄顧良弼院長 寄三明仲大理

刑部陳郎中奉

勅畿內讞獄兼省其親憲使公於濟南詩
以贈之

贈馬宗源縣博之官太原

久雨屋漏書卷盡濕

盧指揮惠石菖蒲 秋日遊西園和韻

西園對客自述

與元健宗康放船小酌晚至東庄步歸

登樓懷古 秋雨簡社中諸友

東庄言懷 秋晚登樓

西庵四首 遊西庵二首

夏日清和 目錄 七九
秋日同希仁元健宗康飲西庵有作
久雨西齋

聞遠寺有竹遣人齎百錢求之至則惟
石竹數叢而已蓋北人初不識竹見者
謬認以告予也一笑有作

北村

送盧漕使還括蒼

絕句

踏莎行

園丁送黃菊

輓吳廷珍都憲母太安人

黃士華載酒西庵邀予賞菊遇雨

寄臨清馮太守

代人輓鄭宜人

約西田賞菊以病不至折枝贈之

逢小沙彌問訊日華上人

贈李汝弼

九日

踏莎行

卧病苦雨

聽雨

戴司寇自南都改北院臺長

靖康

卷之五

秋日西園

雪中

對雪

雪後自述

西田久病詩以奉問

賦雪二首

雪夜次韻

短述

雪夜言懷

偶述二首

陳瑞卿憲使寄惠宣聖壽星二圖久稽

奉謝因詩見意

自述

雪夜

雪

哭仰晉卿

春述八首

閨怨

便面小景

春日郊行

村行用韻

小園春集

村居絕句

重有感

落花

頭風

樓瞰

酬張給事

輓倪冢宰

簡張給事

輓蕭大司空

七月一日花下獨酌

是月二十三日北庄

贈李時雍大司空之南都

腰疾

夜雨不寐有作

東庄

九日對菊述懷

九日會客風雨偶作

菊二短絕

勉里胥方鑑後滿

送馮知州陞南都刑曹員外郎

修書成陞官

送曲宗潮之官嵩縣

獨笑亭

草亭書懷

夏日園亭即事

得雨

春懷

贈韓貫道尚書南都守備

貽鄉大夫三四五六七言

市醫獲盜受賞

田園秋興

李將軍射獵圖

二絕句

口號

白蓮

朱槿

芙蓉

薝蔔

瑞香

夜合

紫薇

斑竹

芭蕉

薔薇

薏苡

芍藥

送景守馬世維之京

寄友

壽韓宗康大尹乃翁

喜客載酒放船飲半里橋

半里橋

朱國用貧而無子狂而善畫一旦携妻
女寓予西庵賦此贈之取笑而已

抱甕瓦亭

重陽會客有活魚鮮鱓之饌

同宗康士華西壕泛舟

即事用柳韻

社飲

訪西庵有懷舊僧 春怨

不寐有感

貽朱國用

秋日西庵示國用 贈王廷璽風水人

對鏡有感

輓李汝弼

獨酌有述二首

送徐東之經憲判撫州

東庄縱步

寄朱朝用同年

春日與客泛舟

獨酌

贈錢御醫

憂旱

題扇面秋江蘆鴈漁舟吹笛

東庄二首

宗康年幾古希風情未衰股臂間忽感
風疾幸稍愈命妓酌酒如故詩以警之
夏雨

索居中無可與交者唯朱李兩生一工
繪事一精醫術時時過從談笑而已人
或見請詩以解嘲

漕運只百戶自江南載送花木喜而有
作

同錢大用早秋遊西園

大用屢載酒西園次韻奉答

壽韓通政母太恭人蘭氏特年九十

簡劉大司馬兼謝其推薦

中秋無月

自適

村庄秋熟

寄施兵備

秋齋即事

秋懷

寄王侍御

奉和錢大用見贈之作

贈只百戶漕畢還海寧

自遣

吊仰晉卿

調朱國用

述病

送司訓夏守道赴林縣

病中

照鏡

偶述

折枝梅花

西齋四友硯筆棊琴

和梁家庄驛壁間韻二首

贈錦衣景章同程侍御見過

早春半里橋散步

西園

雨後西園遊賞

書懷

送岳知縣調褒城

新建北樓

獨笑亭小憩

義聞

貞則

與客登城晚眺時譙樓已圯城中惟甘

陵舊址護國古刹存焉感而賦此

短述

看竹

東庄喜雨

成趣園與李醫小酌

調李醫

郭尖

題扇寄朝用方伯

詠美人

夜合花

張二尹祈雨有應

獨笑亭偶述

哭 泰陵

病述六首

七夕用前韻

秋夜與客舟中話舊口占

張良潤移贈紫西施相袍紅二菊

九日西園述懷

里中兒有善吹笛者一朝卒詩以悼之

西園即事

贈李壽官

北村六廢

紅梅

春遊言志

病懷

西園縱飲

小閣春酌

簡謝閣老木齋

又一首

簡陳太守希白

通州登岸途中一首

夜宿薊州

山海關

將至廣寧

廣寧視事口號

登問山有感

庭花盛鬪客邊無酒厨人時獻茗椀一

笑有作

行臺述懷

遼陽雜述三首

遼陽雜述四首

貽朱太監口號

壽王郎中乃翁七十

新秋宿寧遠

贈岑太監二絕句

寄壽馬公

前屯衛阻雨二首

發前屯衛

入山海關

次榆關驛

宿蘆峯驛

永平道中

山驛阻雨

曉發薊州聞鵲噪尋報代者出京

玉田道中

夏店道中村庄

通州道中

貽寶通寺恩長老

望京

自述呈舊遊諸公

題恩長老回卷

十月兵部中見菊

部堂即事

四時詞

梁叔厚少宰惠磴

十二月二十六日有南都之命喜及

新歲過家

改南京工侍

惜花春起早

愛月夜眠遲

掬水月在手

弄花香滿衣

過雄縣

卷之六

北園早春即事

春晚西園即事兼憶舊遊

早春至自京師再遊半里橋別諸親舊

登樓憶黃士華

自酌述懷

偶成二絕句

家園見梅

西壕寓目

臨清舟中別李醫二絕

清明舟中

安山書懷

夢李汝弼

張秋偶述

泊南旺湖連日阻風

南旺遣懷

過分水祠

舟中聞哭

濟州懷古

濟州感懷

魯橋道中

途中次任相之太守韻三首

和任太守二絕句 貽相之二子

過徐州次相之韻 阻風自遣

贈答任太守用其韻

晚泊孤村風雨驟至

倒用相之韻追和途中之什

阻風

次韻答任太守

次韻別任太守

渡江偶述

江口短述

輓紀宗直

送呂秉之太常考最

壽建業羅繡衣乃翁七十

送白尚文通府還安慶

南都官舍寓懷六首

賜婦

菊莊

野梅

柳樹

大道

城市

丁鴻臚孝思榮養卷

臨行題寓舍壁

途間戲簡王大宗伯

贈同年張用和陞南京右都御史

秋日歸田十首

過扁鵲廟

車過盧溝橋望京師漸近

謁獄神

獄中自述

獄鼠

出關道中

至廣寧贈毛總戎

傳舍

憶家

貽余星士

示黃少卿

陳記室乃翁壽卷

逆旅述懷八首

自述四首

扇

梁燕和張都憲韻

用前韻言懷三絕

賦得鶴再用前韻

再用前韻言懷

食瓜有感

詠錢

蝴蝶

喜舍姪周詔至廣寧

鑿巫問山賦

贈張都憲用和

夜坐聞雨

蜈蚣

壽劉都堂

示廣寧吳州判

書扇贈徐正郎

積雨忽晴

秋懷

題傅舍壁示吳生

邊城秋夜

卧病

秋熱二首

張大尹載酒

螃蟬

八月九日雨徹夜不止

書懷二首

苦雨

十一日再苦雨

重有感

送金遊擊還遼陽

夕陰偶晴見月

旅夜

邊懷八首用柳韻

感寓

寄贈甯州判

折枝黃紺二菊

劉都憲病瘥和韻

和栢山壽日獲鷹

折枝紙梅二絕句

雪中飲酒

讀史有感

客夜

和毛總戎韻

畫屏紅梅二首

代冒同年和韻

和毛總戎遊鑿問山亭之作二首

鹿徵佳隴

度索遺祥

燕乳新堂

湘筠復秀

送劉儀章省其季父都憲還濟南

別劉都憲

五月廿日下通州

後歸田十首

寄鈞陽馬少師

對菊

贈楊太守調真定

烏臺獎勸卷

和周耆老韻

悼才汝栗

新春試筆

送三原王太宰

四皓圖

畫圖小景四絕為韓宗器題

目錄終

馬東田漫稿卷之一

東田馬中錫著

沙溪孫緒評

筆山文三畏校

送王生南歸

都市楊花撲酒杯送君迢遞去天台應憐青
史何蕃傳故下黃金郭隗臺風軟林鶯當路
轉日高檣燕領潮回今宵那是相思處人倚
南樓月欲來

評云佳作

默軒

謝却市中喧青山敞一軒焚香耽靜坐讀易
到忘言談塵空懸壁吟筇不出村因憐王景
畧甕食虱對人捫

評云愈著題愈佳格調

明妃二絕

琵琶送酒單于醉毳帳生寒夜雪深若道漢
恩真不淺此時當秉子鄉心
徒令元帝誅迺壽畢竟明妃愧子鄉假使當
年留得住爭知一顧不傾城

評云二絕俱佳前
人未道也

東西寧侯病中

省吏緘書問五侯西風何事久埋頭金莖不
賜相如渴帶孔頻移沈約愁豈是綠窓常病
酒多應黃葉故悲秋憑誰識取真消息十二
行中第一流

評云佳作佳作
尾句尤妙

輓邢亞卿

西望秦關行路難哭君雙袖淚闌干春風桃
李門空掩故國松楸土未乾何地更能逢鮑

叔此生虛擬學任安傷心太液池邊柳曾得
司徒力疾看

評云此當是那遜之公
名儒故此詩極悲

明妃怨

莫道單于盡虜人關氏元是漢宮親始知錯
殺毛延壽婁敬和戎誤妾身

評云又勝
前作

無題用韓貫道韻五月十八日賦

朱顏未信妾凋零忍淚看花坐一庭五嫂賣
羨前日富三郎醉酒幾時醒數竒蛇足翻成

拙寵去蛾眉畫不青寄語主人休打鴨鴛鴦
池上恐難聽

評云此當有所諷
詞志悲苦

送畢秀才還安東

綠樹陰濃梅子黃南風一棹返江鄉馬因送
客臨晴渚鳥似留人語夕陽此日不須歌折
柳他年還擬看穿湯到家故舊如相問莫說
從遊馬季常

評云八句句
稱可傳

送尹之訓門生下第

東坡詩集 卷一
徙倚層城望去驂
陌頭楊柳正晴酣
論文愧我玄
猶白交誼還
誰青出藍燕
市酒香斟合
再陽關句好
疊湏三故園
朋舊如相問
為道嵇生七不堪

評云韻險入論

引于升天魚圖為玉之孫吏部題

恠颺吹倒不周山
壓怒海濤天地黑
馮夷駭走河伯啼
魚龍相顧無顏色
此時鯁鱸汚渠
中含穢咀濁方自
得冥頑不省風波
驚睥睨魚龍矜且
飾忽朝海上東風
來桃花浪煖迷

南北大魚作勢欲升天
小魚振鬣揚其翼
龍門萬丈復萬丈
一躍蹶如過戶闕

帝聞遂使戴群山
垂足下同撐四極
吁嗟不似潮陽魚
援引種類為民賊

評云此為先公題通篇橫逸奇崛兼有

老墓木俱拱矣悲夫

憶東郭別墅

別來水北原南圃
夜夜相思夢裏行
曲徑總教苔蘚合
短牆應有蒺藜生
東風白晝開花
事落日青林自鳥
聲回首光陰易流
轉不知

身在 鳳凰城

評云五六紆餘有韻

憶庭槐

庭外槐三五前年手自栽
花黃曾滿地陰綠想升臺
瘦怯秋風撼疎招夜月
未勝巢還也未羸馬幾時回

評云得韻見

思口中春日

南陌東阡二月時
杖藜隨處足成詩
青迷揚柳村村樹
紅滿桃花處處枝
茅屋有旗人賞

酒田家無局紙圍碁自從身入

金門裏惆悵春風已屬誰

思門前流水

讀書臺下舊溪流
巢父前年自飲牛
曉載落花紅惹岸
春圍芳草綠吞洲
煙波島嶼雙蓬鬢
風雨村墟一釣舟
潦倒

帝鄉歸未得可能狎鷺更盟鷗

評云惹字吞字

逃亡屋

齊魯郊垆正暮春
家家破屋自比隣
桃花零

東田漫稿 一卷 五
落應無主燕子歸來不見人故井敗垣存賦
稅短墻方圃有荆榛東風過處成追憶獨倚
闌干欲濕巾

挽胡彥超兄茂宰其在母

湯溪秋水淨滿酌吊斜暉讀易人何在鳴琴
政已非紅揮妻妾淚白製弟兄衣恠底慈闈
裏年來不斷機

挽陳公佩父客死于秦時為茂宰致仕
柴桑不見晉陶潛五柳含愁鎖翠烟有子為
收秦地骨無人還上蜀江船黃應孤塚埋三

尺青已魏科選萬錢漠漠遊魂歸得否故園
風雨正淒然

西川有君子蚤歲佩儒紳力學期追古讀書
不厭貧賢科魁蜀士德政治秦民南洛曾飛
馬西風却憶尊孤松猶在徑五柳僅容春底
事林泉志翻成湖海身遨遊窮地誌行樂見
天真掛席方尋楚乘軒又入秦膏肓俄有恙
杖屨忽生塵青史增循吏黃華失主人訃聞
京國信襯旅渭租津故老吞聲久佳兒涕淚
新恩封空有待造化未全仁墳草年年綠行

人亦濕巾

輓張孟暘母太孺人

風吹庭木影扶踈誰抱終天恨有餘老母白
頭三尺土孤兒紅淚一緘書空遺 鸞誥榮
闈壺無復魚軒賁里問惆悵年年芳草遍斷
機窓下不堪鋤

輓姚處士

瀟瀟風雨蜀山前處士云亡年又年冷淡一
尊稱壽酒荒涼十頃濟貧田生前冠冕榮泉
石死後兒孫繼簡編割股事非慈母逝野烟

荒塚怨啼鵓

送王舉人下第歸湖湘

失意桃花浪秋來作倦還買舟尋楚水東卷
別燕山綠酒青旗下紅亭碧樹間勸君須盡
醉莫聽唱陽關

輓葉伯昌妻

花落深閨冷芳魂何處尋裙遺蝴蝶錦釵新
鳳凰金阡陌荒春首風霜不夜砧可憐埋玉
後夫婿戴朝簪

評云聯好

東日漫抄 卷一 七
送人仕江南

送君朝發五雲城，拂面東風曉正晴。共把一杯離別酒，獨將千里宦遊情。鳳鸞南去可無詔，鴻鴈北來當寄聲。遙想到官無一事，甘棠樹底聽流鶯。

壽滑宗源父良醫正

楚館逢初度，開筵倒玉壺。鳩栖童子杖，鶴舞老人圖。白首藩恩闊，斑衣

帝渥殊何須。問年紀門外，杏株株。

送吳進士珍父歸吳中

黃鳥轉春風，吳舟欲向東。柳辭京國綠，花到故園紅。別酒人皆醉，離歌句未工。獨憐鳳池客，相望白雲中。

評云三四是記程途謂蚤春

送廣師授官東歸

花落鳳凰城，送師春正晴。水邊千里目，柳外一聲鶯。飛錫歸東魯。

除書下北平，遙知到山日。掃石話無生。

輓周同年父母徵君孺人

楚尾吳頭是故墟，隱君夫婦此同居。西風有

客空留劔落日無人更倚問白髮揔歸三尺
土紅羅已見兩行書庭幃莫道

恩封日還似當年教子初

張監生望雲思親圖

天外秋風起白雲天涯遊子正思親坐窮南
浦千山日望倚西樓萬里身京國風雲迷壯
歲橋門燈火悞歸輪披圖我亦傷懷抱點檢
斑衣半是塵

評云第六

輓黃文選祖姑各二首嘗號琴趣處士

琴自適

先生舊業半消磨荒塚累累可柰何石上文
章高士傳案前書卷散人歌橫琴秋壑飛黃
葉遺宅春山長碧莎那更鯉庭悲不盡朝朝
風雨到寒柯

其二

樹接天台帶夕曛先生曾此避塵氛愛山結
屋栽週竹就石彈琴坐破雲老去詩書荒舊
案年來風雨暗新墳獨憐南國孤兒苦庭木
悲聲夜夜聞

其一

拋擲寒窓織錦機鏡鸞今夜各分飛
 辛盤不進厨中食手線空留架上衣
 早相玉人嚴內範老隨金母覓西歸
 青裙白髮無消息明月還來照翠帏

評云以五六甚巧于對偶末句
 姓用事頗近于戲

其二

北堂白髮老鬢髮金鴈鈿蟬總不堪
 已托楸梧啼謝豹曾將桑柘熟吳蚕
 哭夫誓死惟從一教子遷居却過三
 今日越山埋玉後月明

何處覓鸞驂

評云好三四

送謝上舍歸浙西

鶯轉都門曉何蕃
 歸去來酒臨春水
 餞帆候早潮開
 東卷辭燕壁寧親
 過越臺故園何日到
 黃落雨中梅

泮鄰書屋

卜居喜近泮林邊
 剪棘誅茅四壁連
 書擬鄴侯千萬卷
 屋如孟氏兩三椽
 秋燈課子伊吾夜
 春服從儒浣濯年
 聞道子雲今已逝
 室中

惟有太玄篇

送王庭光乃兄應貢授教職

囊綻螢枯坐榻穿士林從昔羨君賢方陳
天子言三萬又拜儒官路五千都下處空姜
氏被馬頭忽東鄭虔羶遙知壇杏東風裏望
絕江南弟子員

評云

送教官詩自難
作此詩亦脫俗

贈靜樂張醫官

自慚啞啞不堪醫京國逢君兩鬢絲囊底雖
無酬藥費卷中還有送行詩拜官此日歸三
晉種杏他年擬萬株我有贈言須記取小民
莫吝起瘡痍

挽醫者

黃金購得囊中藥門掩春風放杏花
宣召生前人望重

褒封死後

聖恩賒山林此日雲無侶風雨孤兒淚似麻
聞道近來丘隴上白楊如柱已巢鴉

溪南別墅用韓掌科韻

圍棋誰賭此林泉貧阮為鄰滯一川隔岸柳

歲沽酒店負隄人灌種花田鷄鳴大吠間村
塢燕語鶯啼小洞天幾度醉埽春水北短筇
扶上夕陽舡

輓張脩撰父都閩公及其母太夫人

曾讀遺碑究始終將軍文武迥難同三餘黃
卷青燈苦百戰金戈錢馬功弱草漫緣高塚
綠團花空上舊袍紅董狐况復賢卽是會看
名揚信史中

夫子旌旗望酒泉夫人閨閣度年年事親曾
進厨中食抱孺親教膝上編白髮老來金鴈

下碧莎長慶石麟穿此情不獨諸孤苦原不
知知亦惘然

評云此詩中聯俱佳後詩
五六句未向差駢

其二

母儀閨範總戎家老棄人寰歲月賒玉櫝有
金緘鳳誥鉄衣無線剗龍沙麒麟白臥墳邊
石躋蜀紅開籠上花死後諸孤今盡貴將軍
節鉞相公麻

送畢司訓

獨携一束舊青氊又上南風潞水舡囊底無

錢空似谷人前有筆大如椽教嚴直欲追胡
瑗官冷何須說鄭虔獨有江南諸弟子朝朝
懸望杏壇邊

偶成

回首東風柳色新馬蹄依舊沒黃塵無才敢
上韓休疏有志將甘原憲貧十載讀書曾繼
畧一年司諫又經春涉川本自知艱險聊居
同舟共濟人

題東海張處士慕親草堂

草堂突兀面朝開誰復龍鍾笑老萊一闥雲
山遺恨在八窓風雨送愁來心如繭底吳蚕
苦情比枝頭謝豹哀却嘆黃金懸肘客終身
只慕上燕臺

輓某處士

世路黃塵沒兩輪先生林下一閒身無官不
失為高士有粟還能濟寡人老愛住山因買
宅病嘗耽酒即呼鄰自從墳土壘壘後宰木
斜陽春又春

輓張都閩

曾識將軍舊羽旌將軍應邁霍嫖姚龍門少

日窺三級虎帳中年覽六韜飲羽尚聞逋醜
虜團花不見上征袍勛名誰勒燕然石蔓草
荒原恨未銷

評云

張君想是儒將
故有第三句

送上舍歸省和韻

共餞何蕃萬里歸玉杯涵酒漾金輝柴門白
日人思切槐市清陰客到稀手檢舊書囊底
富眼看新燕馬頭飛行莫悞還家路澤國
紅蓮暎夕暉

遊西山八首

載酒追陪出

鳳城村村風景足閒行石田白鳥衝人起茅
屋青旗滂柳橫路向斜陽蕭寺去詩過流水
小橋成歸來半醉黃昏後馬首山花弄月明

和彭載道

貫酒人家戶不關紫駟暫繫綠楊間衰翁見
客走相問穉嬾引雛春未閒松下步回尋白
石水邊吟去看青山樂遊不盡登臨興十里
薰風吹醉還

評云

三四景
是山

和張用和

傷春四月勞塵夢載酒西湖趁曉晴泉向石
間流下白山從林外送來青五侯池館鶯花
候百姓村庄日杵聲歸騎偶經蕭寺過逢僧
閒上水心亭

和張一之

西山佳氣晚氤氳芳草生香過麝群花塢詩
成狂索酒石枰茶罷倦看雲栗留村郭春應
老蝌蚪池塘夏未殷一色垂楊隄十里吟鞭
歸去帶微醺

和吳艾夫

落花香靄燕啣泥湖上薰風柳夾堤回磴下
觀山遠近斷橋平隔岸東西水浮荇帶紅猶
濕雨插秧針綠未齊遊客去來禽鳥樂樹林
陰鬱夕陽低

和童勉和

玉駮嘶斷芰荷風問水尋山到梵宮隄柳繞
塘垂濕綠野桃夾路帶乾紅偶逢田父驅耕
犢閒看村兒理釣筒日暮錦囊詩又足却尋
歸路過湖東

東日詩
評云起句
俊逸

和葉伯昌

勝日尋芳湖水西
落花紅襯紫駟蹄
曉禽帶雨偷櫻啄
春筍穿雲與竹齊
問路忽驚村寺近
看山還愛野垣低
倦遊環坐溪亭上
共把新詩分舊題

評云五六句
好第

和劉臣節

草色湖光襲翠袍
詩狂渾欲跨鯨鰲
鏤開石罅泉噴冷
斷斷雲根山露高
時藉竹風吹短

鬢旋承花露染
新毫背岩誰識
春猶在顛倒
柔枝放小桃

輓蒙陰李少叅

東蒙有佳士
抱道樂耕莘
雅志終泉石
芳名動縉紳
賢科魁一省
甲榜揭三春
上國絲綸使
南臺諫諍臣
星軺持獨節
霜簡凜同寅
外補朝辭

闕西行暮入秦藩垣
知倚重
部屋盡還淳
却卸黃金帶
仍籠烏角巾
行囊無一物
高價重千鈞
覬贖煩

秦郎謳吟思雍民
 歸來山水雅
 老去性情真
 春酒呼鄰共
 秋燈課子頻
 乾坤雙短髮
 松菊一閒身
 不受青雲役
 寧甘白髮新
 流年俄遇坎
 往事遽成塵
 國史增名宦
 鄉祠祀丈人
 諸孫方隱豹
 二子已攀麟
 上舍袍紆粉
 中郎帶束銀

恩封泉壤貴
 哀輓簡編陳
 遺像圖金豸
 高原臥石麟
 知公猶不死
 世世立通津

評云輓詩排律如此亦自不惡

向行人使楚
 歸便壽其親

遊子乘輶下

紫宸高堂此日舊
 生申天香兩袖皇
 華使壽酒千行
 白髮親綺席承歡
 更夜炬鳳城遙望
 入秋旻莫言膝下
 還當別猶勝東華
 待漏人

劉主事母十八歲
 孀居有遺腹子至其
 孫憲方受

褒封沒之後二載
 始旌表焉

少小夫亡老大愁
 淒風苦雨度春秋
 不因遺腹曾存趙
 誰為陳情欲報劉

天上褒封書衮衮人間生死路悠悠有靈應
笑東鄰婦幾作新人未白頭

評云三四切題
尾句粗直

送章德懋致仕二首

未緣封事忤

龍顏自是知幾合倦還萬里雲霄黃鵠舉五
湖煙水白鷗閒曾經蜀險思周道欲話吳儂
看越山可笑封侯班定遠老來猶度玉門關
早魁多士戴朝簪事業前脩可並駮史有闕
文如夏五政無詭道似朝三方期唐介還此

用詎意嵇康已不堪一葉扁舟歸去好桐江
風日正晴酣

梅雪軒

誰結幽軒剛八尺自題梅雪在新楣初疑和
靖孤吟處又似袁安高臥時沽酒謾勞人掃
路綺窓何用月橫枝春來門外東風起流水
飛花總不知

評云言雪消梅謝耳
若作晚詩尤佳

送韓宗康

明日都亭文送君為君今夜獨傷神燒殘紅

燭已三鼓交到白頭能幾人半世相知憐鮑
叔十年遂背笑陳辛何時重臥西窓下風雨
連床說舊因

評云五六當有所諷

鍾馗圖

圖中前鬼張燈後鬼擁蓋鍾馗騎驢醉行雪中

山鬼張燈風打滅終南老仙覆耳熱林深路
黑六出飛破蓋蹇驢行不輟此時應被鬼擲
揄瞋目控拳還氣噓大呼深夜宵無人悔不
出門持寸鐵憶昔明皇晝寤時為除虛耗寧
遺牙口流津沫堪鬼胸手把髑髏飲鬼血帝

醒傳古覓晝師畫成容度真奇絕藍袍烏帶
貌爭寧群鬼見之皆吐舌從此官家安枕臥
遂令宮掖無妖孽誰知此特最尔妖南衙一
鬼尤黠架腹中有劍能殺人偃月堂深如虎
穴耗盡元氣負三郎請聽白頭宮女說我家
寶刀名太阿磨時澗水聲悲咽斬除魑魅血
不殺色正銖寒秋稟列壁間高掛已十年恨
不當初贈豪傑烏虜豪傑豪傑今也亡伏對
南山滋不悅

阻風

潞河四月怒濤生
槎掉沙頭滯去程
北闕新持

天子節南薰
故惱使臣情
危檣日暮旌旗動
極浦雲昏鼓吹鳴
獨倚蓬窓正凝思
忽聞津吏報潮平

次童勉和韻

敢因鄉思計歸程

王事忡忡動旅情

霍闕日高承

上命孤舟風急滯
西行駭人白浪滔
天起極目黃沙帶霧生
向晚倘應狂颶息
中流回首

五雲城

四月十一日潞河風靜喜而有作兼呈

正使西寧侯

路渚風初靜
星槎曉欲行
夾隄官柳暗
隔水驛樓明
封建親

宗室殷勤遣巨卿
幸因為介副不媿濫筭笙
井陘道中

石磴盤迴足馬遲
井陘西望亂山歎
黃埃滿面客容改
赤日燦人鄉思危
父老衣冠貧不具
吏民言語譯方知

九重若問觀風事大不如前唐叔時

回次井陘與西寧異途雨後有作

雨餘雲淨亂山橫
疋馬長途自在行
烟火隔林方午爨
桑麻連野足秋成
誰從郭外鳴笳鼓
我獨膏中有甲兵
更把傳呼都屏却
免令父老出村迎

壽林千户父退休林下

舊與馮唐共拜郎
多應年紀似馮唐
旌旗倦指黃沙磧
詩酒酣隨綠野堂
此中稱觴羅子文
當時據馬笑君王
依南星大渾如斗
曾照

將軍甲上霜

評云 詩緻 壯武弁 尤健

送張行人使占城

漢使銜

恩出上方東南萬里是
炎荒金函詰曲頒周
誥黃者趨蹌拜越裳
薏苡任教煩 齒頰葡萄
休遣獻

君王明朝一節海天去
回首中原山水長

和靜之引鏡漫成韻

綠髮當奩短帶霜
依然未嫁到眉長
敢誇妾

更顏如玉唯願君休背有芒歲月鏡中流水
去花枝頭上少年狂而今贏得朱門裏垂首
無言舊業荒

挽蒙陰李郎中

勤王老病臥孤舟百藥無功萬事休富弼當
時功未奏曾參垂死語空留政成南畝公私
足雲黯東蒙草木愁有淚哭君君不起西風
洒向潞河流

代元甫贈翁醫官歸八閩

閩海尊香小阮田司徒親送出金臺馬頭黃

葉經霜柳驛路寒花冒雪梅民瘼正須盧扁
術我詩深媿社陵才良醫良相君家事莫惜
臨岐酒一杯

評云

此是翁戶部
世資之第

送李二尹

二月飛鷁到

上京潞河今又促歸程邑人正憶哦松化朝
士方深折柳情行李北來春料峭孤舟南望
水縱橫我詩急就休嗤短已勝陽關祗四聲
送臧大尹

名字新題上

御屏又歸花縣戴晨星一鞭行色催長道四
月離情付短亭父老正望飛鳥去君侯休遣
傳車停明朝小謝相思處雲繞燕山草木青
評云第二句第四句好

壽孫

皇親

昨夜孤星十丈光侯門此日列壺觴連枝喬
木來東魯並帶蟠桃出
尚方父子一堂俱鶴髮君臣千載托椒房于
今政治歸儒術貴戚何憂世不長

早春省中試筆

銅龍聲靜禁鴉啼獨坐長廊日正西宮柳受
風東面弱館松留雪北枝低陽春初轉仍陰
在白髮新添與黑齊三載瑣闥員一夢此心
深媿負鹽齏

暮春寫懷和貫道韻

宮袍顏色半凋零過盡東風坐小庭燕子不
來簾未捲桃花亂落酒初醒鏡中短髮三分
白門外西山十里青無那官閒清晝永呼兒
讀取楚辭聽

羊后絕句

包羞甘入犬羊群，鳳枕依然夜夜春。不念前朝開宴處，青衣行酒是何人。

評云

羊后死有餘臭，罵得痛快。

又和賈道

揚花輕薄已飄零，又逐東風入謝庭。宦境忽驚三月過，醉鄉能有幾人醒。顛毛老我真成白，眸子於誰不可青。漫說齊芋能亂瑟，君王元自未曾聽。

首夏即事二首

脫却羅衣試葛衣，東風別我去遲遲。柳眠庭院晝初永，花落園林鶯未知。病酒苦遭兒女聒，懶朝長被吏人嗤。北窓此日渾無事，正是陶潛高臥時。

評云

曉東衣冠趨

上陽退朝官舍任疎狂，栽花註誤蝶戀網。拈

竹扶持豆過牆，賓客到門題鳥去。兒童繞砌

弄雛忙，故園昨日有書寄。歸夢不知山水長。

評云

第六句好。

午日

輦前中使羽旗開日日南宮射柳回自是君
王勤武備韓休諫疏不須來

評云蓄好句含

省中即事二首

宮樹團陰日正長
阜囊封罷坐西廊
新荷已逐雨乾沒
飛絮又憑風
主張往事浪書三載
績強顏還預七人行
幾回退直金門早朝士
相嘲喚夕郎

畫省風吹縹緲香
直郎獨坐日偏長
銅龍吐

水深三尺金獸啣環列兩行
禁樹碧依人俯檻宮花紅
逐鳥過墻憑誰為剪
松蘿蔓莫放攀緣上廟廊

評云後四句有興致有含蓄不愧作者

寄贈秦僧官退休以得謫部使者

二十餘年方外臣
更於閒處乞閒身
菩提樹大難為用
優鉢花開別有春
一葉帝浮師過巨
浸兩輪推我向紅塵
相逢無限思歸者
似此能歸定幾人

評云方外臣三字未有人道

文卿招飲同年陳思敬在坐以入直不
赴二君青州人陳時為高陽令

東閣煩君折東呼玉盤刻午出行厨尊中有
物稱從事席上何人號酒徒本謂團寮同舉
白豈期袒跣不成盧晚來退直

金門去還過黃公訪舊壚

評云三四切題

自題蒲扇

感君贈我蒲葵扇手自題詩在上頭一夜華
風生死草幾時紗帽對閒鷗也應面為元規

避何用書從逸必求只恐青蝇馬逐盡棄捐
巾笥不勝秋

主人念妾婢妾詩四

銀床何處看娉婷明月空來照戶庭雲雨無
憑神女去鶯花有恨壽玉醒燈孤鴛枕情猶
在鏡破蛾眉畫不青豈料生離同死別蔡家
鸚鵡屬儂聽

妾答主人

妾身敢自負娉婷嫁入盧家擅後庭絕色被
人常見妬讒言中主意難醒信陵矯命羞婦

魏昌國遭嫌始去青不是鸞膠求不得斷絃
誰續有誰聽

評云三四句念亦以句况

妾謝新人

妾身初嫁亦娉婷妾自緣輕別主庭鏡裏愁
容番怕見夢中清淚每啼醒承恩舞袖空拋
絲入道長衫擬着青寄與新人須自重放臣
言語未宜聽

新人慰妾

承恩元不在娉婷趙后昭儀共一庭猛虎昔

騎應值怒驪龍今睡未曾醒嗟予苞箬猶網
錦喜汝成竿已殺青萬事古來皆若此願歌
新曲舊人聽

內帑受幣過海子橋觀荷花用蕭寅長
文明所限四韻

內湖人競采蓮歌湖上橫橋四度過地密每
嚴中使禁香來偏逐下風多陶公底事情鍾
菊楚客應憐眼製荷葉想舞裙花想面輕盈
應不數天魔

評云第四句好

李賓之題陸先生小畫海榴書屋

海榴花下玉堂前同醉春風十五年今日畫
圖詩卷裏與君携手一茫然

八月三日夜雨如麻危及墻壁庭前水
與階平甚憂入室奴輩操鋪守隄婢子
燃燭達旦幸然無事詩東晉卿同志想
同患也兼附昨日苦雨一首紙尾

屋漏床床水到門吾廬無處可安身短垣不
浸才三版陋巷連陰已二旬燈下舊棋多阻
客病中今雨少來人嫌疑畢竟妨仁愛猶喜

曾無魯國隣

宿靄欲晴還不晴御溝流水與隄平未辭騎
馬衝泥去已厭聞鳩隔屋鳴

雙闕樓臺雲裏暝萬家烟火雨中生知他誰
是先憂者請聽芭蕉葉上聲

評云

勝前作

是日晚晴再作

簾捲西風趁晚晴小樓黃葉下梧桐已無急
雨翻階白且喜斜陽滿樹紅

帝闕遠浮雲氣外人家猶住水聲中絕勝昨

夜空齋裏二尺青燈四壁虫

評云五六如畫可喜

八月十六日書懷

醉據繩床擊唾壺浮華過眼有還無玄都道士桃千樹栗里先生柳五株白髮漸疎難受
憤黃金將盡未成盧扁舟擬欲從張翰又恐
人疑不為鱸

和教靜之悼馬

敝帷何處瘞龍媒無復黃雲塞上回憶昨花
邊嘶曉月從今脚底聽春雷百金忍售涓人

市九日空臨霸王臺却笑不如驢背穩杜陵
常曲任騎來

送別和子美韻

蕭蕭黃葉滿林顛遠送何蕃下日邊燕市酒
闌秋正菊路河人去水如天十年共歎隨蓬
轉兩地相思類藕牽後會不知何處所江南
江北路參千

評云絕似中唐

送巡檢

莫說鄖陽道路長竹溪又遠隔鄖陽時平却

喜無群盜官小猶堪善一鄉邊徼夜昏嚴鼓
角河橋風冷上帆檣遙知邏卒歡迎處多說
司巡舊姓業

和貫道雨中

水浮荒館雨連綿茶竈生柴濕費煎四面頽
無司馬壁一囊貯有阮孚錢陰晴紅燭花前
卜貧病青苔榻上眠早是客中耽寂寞不堪
還佐莫秋天

評云五六好

早春省中試筆

畫廊簾幙捲東風退食今朝又自公向煖柳
條才半綠怯寒花朶未全紅朝衣正辦江頭
醉方藥難醫左耳聾何日上章辭

北闕扁舟去趁陸龜蒙

追和莫掌科守歲

妻子團圞守歲除煨殘榾柮坐籩條三年
禁闥蝸名拙千里關河鴈信疎剛制尚然甘
旨酒健忘徒尔好奇書明朝又是春來到詹
尹從今擬卜居

評云五六新

寄趙時中謫居廬山二首

故人別去動經年一在燕山一蜀天
兩地感懷良有以殊方無鴈豈其然
塞翁得失難憑馬杜甫淒涼正拜鵲
寄語升沉真孟浪何須重咏卜居篇

蜀天何處倚闌時欲寄相思鴈到遲
破屋且宜潜杜老扁舟未可學鷓夷

朝廷有道終收用邊徼無聊莫怨咨
肯為一麾成潦倒還看文教變侏離

評云勝前

壽李遵化母得子字年八十四月一日生

高堂上壽人如市遊子獻圖來

帝里齒長十年春夢婆誕先七日
金仙氏酒開巨甕碧於油果熟蟠桃甘
勝李白髮蒙頭子有孫眼着孫大還生子

評云壽詩似此亦難得
四著題可喜

寄文天爵

空齋猶記對牀眠南北相望忽四年
羨子量如黃叔度嗟予諫乏柳公權
當時棋子燈花約今日江雲渭樹天
片紙短章情不盡行人臨

發重茫然

壽劉廷珩二親同臘八日初度

君家翁姥雪盈顛
揔是蓬壺降謫仙
海上蟠桃應並熟
尊前壽酒合誰先
獻圖每及嘉平節
笑老同經已亥年
我亦有親歸未得
題詩相贈重茫然

遊西山谷剎

繫馬在田廊
來參淨梵王
水清池見底
花發樹生香
寺額題前代
碑文撰上皇
白頭僧尚健
迎下講經堂

榮壽堂為白選部賦選部封其父官乃叔

脫下鹿皮冠

天書降紫鸞
父皆因子貴
祖及見孫官
石慶榮如許
彭鏗壽若干
高堂題扁處
惟許柳家看

贈徐處士生七月為醫士張氏後張後有子乃復姓盡得其術云

本是徐卿第二雛
却隨弓正嗣
觀孤長樂早
得醫傳扁小范
終期姓易朱
何事未能忘
水祗緣已解識
之無獨憐留得
王孫劍不見
烟波舊釣徒

評云三四用

黃驛丞懷歸理荒二卷

驛路塵如霧名場志已灰苦思籬下菊懶寄
隴頭梅仕宦聊為尔田園歸去來笑他南竄
客冠蓋幾人迴

田園久蕪沒料得欲歸時自詫淵明徑人稱
叔度坡誅茅重覆蓋植杖或耘耔回首青雲
客未門鎖免葵

送高元健依親三首

奚奴結束貢時書追逐何蕃出

帝畿月落潮平飛綵鷁酒醒人遠語烏衣榮
歸門巷應多轍久別糟糠定下機莫謂此回
身計了好勤經史赴秋闈

今日送君歸故國秋來還擬赴科場休便午
市槐陰爽要襲天風桂子香芻狗都門陳祖
道檣烏浴渚指歸航到家正遇黃雲熟漂麥
工夫可自強

又携書劍下金臺楊柳薰風拂面來別我虎
闈新乞假多君司馬舊掄材停雲碧漢人千
里落日滄洲酒一杯去去倚門親望父數殘

青杏更無梅

評云勝前

午日示李汝弼

海榴庭院午初晴
讀罷離騷憶屈平
楚俗虎懸千古艾
漢廷梟賜百官羹
六年此候常逢雨
五斗何人為解醒
今日葛蒲新酒綠
西鄰况復是狂生

環翠軒

竹木四簷蒼鍾山
帶夕陽人言揚子宅
我道輞川莊
春酒叫跳醉夏陰
環抱涼主翁湖海

倦歸臥學羲皇

評云甚佳

夏日睡起即事

庭靜午鈞簾無風
樹影圍花間
數脣綴榻下一
猫眠籬笋高
希杖盆荷小學
錢官閒常睡足
起坐兀如禪

評云好句

挽李彥明父年七十二以正卒七子

白首龍鍾古亦稀
雍琴聲裏忽生悲
豈知杜甫愁陰日
便是堯夫觀化時
年紀更加應入

東坡詩集 卷二 三十四
老至兒曹差欠未稱慈如何拋擲入懷去不待
迴鸞下

赤墀

城唐書屋在揚羨山北

除却牙籤載五車蕭然一室可盤蝸柴門流
水揚雄宅茅屋秋風杜甫家書帶已生階下
草月團常試雨前茶笑他金谷銅駝地早歇
歌鐘噪暮鴉

評云亦不媿中唐

冬夜小聚

書卷因官廢囊金為酒貧一身三世佛兩鬢
二毛人婢醜妻停妬兒遲女見親夜來燈火
下咲語聒比鄰

評云五六名言也

用前韻賀郭子美添丁

既得添丁喜何憂失位貧與徐皆二子比竇
少三人夢衍芝蘭室歡騰瓜葛親試詢來賀
客幾萬卜為鄰

輓蕭秀才母及其室

舉案與眉齊生平陋會稽柳家和膽母龐老

東坡詩集卷之二十一
挽車妻鸞向鏡中去鹿從蕉下迷獨憐斷機
處風雨正淒淒

何物五更風名花一夜空藁砧衣上淚謝豹
口邊紅雖正丘狐首終同楚鵠籠兒夫聞欲
貴底事棄房櫳

過慈恩寺二首

碧眼胡僧勢絕倫中華盤據已根深太官飽
饋中牢肉常侍親頰內帑金不見渡江能折
筭祇聞持鉢誑吞針微臣蟻虱天門遠感此
空懷報國心

評云此首起得突兀二詩俱感慨

少年抱璞老亡羊與俗浮沉亦可傷十有九
旬常結舌百無一事敢剛腸賈生比日惟應
哭阮籍當時豈是狂信馬獨歸蕭寺掩冷雲
寒日下西廊

評云信馬獨歸有多少憂

自歎

諫垣潦倒幾經春剡薦那堪到
紫宸壁上枯粘真可戒枝頭乾死未應嗔在
生有論歸飄瓦汲黯無端歎積薪老我於時

無寸補浮名敢計不如人

祀竈和王都堂韻

萬竈張燈夜祀神黃羊如瓠酒如春願馳火
騎朝天帝莫與清姑謗下人爛胃可堪都尉
賤生塵不但宰官貧嗟予一突常如墨過客
無勞教徒薪

述懷

懶性從來通刺踈

紫宸朝散避門居閒中靜坐花叅我醉後狂
吟酒起予六載虛名占仕籍一言無路達公

車幾回欲上危樓臥自媿元龍豪氣除

評云 韵律頗類 陸放翁

病酒

昨與次公同典衣至今未解麴生園嘔心自
取風流病失步真成潦倒歸半夜忽生夸父
暍侵晨深悔伯倫非五勞無柰仍耽此饒睡
昏昏對落暉

評云 頗近戲然 亦可喜

和王彥平賞牡丹韻

主人春酒挹天漿鹿韭新開闢萬粧正好臨

東坡詩集 卷之三十七
風拚一醉不堪花外又斜陽

牡丹庭館爛晴霞載酒人人入魏家自笑林
逋窮相眼一生惟解看梅花

姚黃狼藉委香塵魏紫歲華亦愴神記得至
人常有語看花須看十分春

再和三首

全開始現滿月相初放真成半面粧若使此
花還解語豈宜飛燕在昭陽

忽憶當年周茂叔瀟溪底事卜為家池蓮庭
草都看遍不看人間富貴花

花當好處春無幾詩到狂時筆有神吟得洛
陽添紙價牡丹依舊趁殘春

歲寒三友圖

誰寫歲寒意筆蹤橫復斜石疑松侍者梅似
竹渾家止渴徒為謬封官亦可嗟誰如此君
好抱璞度年華

登釣臺

獨上桐江舊釣磯江山無恙昔賢非祠前潮
長經春雨浦口帆來帶夕暉偷餌黃猿欺客
下啣魚白鳥避人飛如何漢祖徵求急猶許

嚴光著布衣

評云何必此八句儘可傳

挽婺源汪處士

早食婺溪鱸黃墩亦故吾讀書長世隱事毋
少人孤壁上琴亡父囊中句在無靈椿搖落
後愁殺賣家佳

壽王編脩濟之二親俱年六十

兩人共百二十禩壽酒花前合對傾算老忽
驚邁伯玉同庚還訝許飛瓊一龍早得推恩
寵三豕重看紀以行更喜年來俱耳順不曾

重聽問安聲

送韓掌科弟敬代其父醫官歸洪洞

少事長桑術有神長年走馬六街塵河東承
襲衣冠舊都下歸來雨露新諱疾漫勞悲世
態折肱已見重儒紳不知沈約堪醫否欲問
門前種杏人

送萬閣老允還蜀

殘柳都門試晚晴幾人冠蓋送君行西風鷹
度黃沙磧落日帆歸白帝城別去鸞臺應有
憂老來狗監未知名到家若遇梅花使好為

姜肱一寄聲

評云今人送宰相家詩文極其諛佞此作不但詩佳曾無一字道及萬公

勛業文章蓋萬公小人不足數也公真人傑也哉

贈天津楊千戶繫獄復官平羗弗果

少年淹貫十三篇雲擁油幢早著鞭暫蹶未
為夸父累重來應許寇恂賢腦中兵甲雄謀
國帳下貔貅飽控絃謾說玉門閑外去于今
烽火遠甘泉

靈籟亭

新岡陰木林護短籬數椽新構剪茅茨天風滿

壑靜聽虞山月到簷孤坐時穎水棄瓢誠俗
耳添園齊物是真知憑誰寄語桓伊道短笛
柯亭莫漫吹

韓寅長需次頗久秋雨中命當寂寞詩
以戲之

君非吏隱又非歸空署官衙在瑣闥黃葉閉
門今雨夕清風滿座故人稀何當肘後懸金
印仍復螭頭侍

袞衣我得朝朝陪笑語不羞幽暗借春暉
擬去婦二首

誤逐流鶯過短牆誰知歸路竟茫茫房櫳寂寞空啼血風雨蕭騷欲斷腸來世有緣甘遣妾此生無分更逢郎侯門許寄相思信一寫
 蠅頭字萬行

評云起句悔恨自傷未屬後望忠厚之至也

錯被傍人比柳枝侯門一失悔何追此身擬化望夫石是耳難聽去婦詞腸到九迴無曲處淚滄雙袖更啼時嗟奴不似深宮怨紅葉西風莫漫吹

輓趙錦衣

空馬司隸漢官名勲業頻看照汗青生
 賜錦衣常宿禁死無紅袖哭辭靈囚徒不學
 商君論道路寧勞蜀相經惆悵西風人去遠
 遼陽空有鶴丁寧

評云三四見得迥聲色然則趙君亦賢矣

秋懷

起來搔首坐長嘆庭院蕭條蕙蕊殘萬樹西風蟬蛻歇一天秋雨鴈聲寒向平婚嫁猶為累張翰萼鱸未解官何日扁舟便歸去蓼花灘上買魚竿

靈僧官方文題畫葡萄

白草黃雲萬里秋大宛戰骨未全收如何漢使歸來日只帶葡萄入

帝州

評云有風致亦

大宛移種幾千秋上苑常同首蓂收不似荔枝難為致年年一騎發涪州

哭江大參予少日嘗從師客寄公家今

語及公之面貌儼然一古之君子也公時以憂家居暇常過予師為予正句讀

禮尊長亦謂公曰葵花當向日公撫掌曰反見梅子矣遂題予卷上曰此無事可紹箕裘之業今卷尚在東海亦家食古藤齊趙犬牙密邇又得此亦聞今備員諫職以即公之前官名傷懷不計自已遂以一月之內亦實也

二十年前識典刑中間聚散等

笑雀為乳今日空傳鶴姓丁諫院題名慚後進藩地任政有餘聲哭君無地逢君不面望斷吳山一

苦雨 千門萬戶雨浪浪官舍連旬漏滿不首莫道鳴

東田漫稿 卷之四
鳩非謝豹已結管鶴是商羊元陰有斧應難
劈溽暑蒸人未易常安得好風天外至吹開
雲滃靄見晴光

悼陽景奇

春桂曾攀第五枝名郎高價動
京師豈知一謫江南日便是三生石上時半
世功名尼父史平生出處蔡邕碑可堪埋骨
閩山下瘴雨蠻煙哭子規

壽陶孺人

堂上誰家母年齡過古稀抱孫垂白髮看子
著斑衣壽酒斜斟綠蟠桃小染緋夜闌蕭鼓
散燈火入慈闈

齋宿大興隆寺

齋禁初嚴夜未央兩年三度宿禪房梅檀禮
罷僧歸院榼柚煨殘月轉廊未擬坐前文帝
席且須醒上遠公堂于今

聖主隆禋祀豈有閒情到上方

慶成宴王世賞編修限韻

戍壘應無士病劓郊禋時節屬勾芒筵開光
祿依簾影陞衛期門列劍鉞玉食每催中使

身日清和 卷一
進黃封先賜近臣嘗自慚身逐孫供奉侍宴
頻年對

御牀

同前題和王賞一首

歎宮日暖瑞煙侵侍衛森森盡羽林郊李畢
時天合鑿御筵開處

上親臨優旃競進吹竽伎臣甫常懷獻賦心
最是不堪春滿短 六龍回馭 五雲深

同前題和李德馨寅長一首

春宴承恩詎有涯酒闌還賜鳳團茶爐煙直

上風初定簾影頻移日欲斜三賦未陳懷杜
甫一官常默媿蚺蛙年年此會花應發不待
君王羯鼓撾

評云三四莊重嚴肅宛然朝著
氣象蛙字撾字俱押得倒
後視圖

後視自是獸中王竒毛燦爛生金光尾端結
毳大如斗百獸見之皆伏藏空林無人日色
薄引子出吼時跳梁草木震動山石磨流泉
奔潰聲浪浪是誰弄筆巧為此使我披拂心
徬徨長安客舍靜無事獨坐思與雲悠揚平

生不識負嵎虎未路乃遭當道狼仰天長嘯
重展玩安得借我懸中堂

里中惡少為怨家所殺詩以快之

誰持匕首殺奸兇欲信還疑是夢中折屐敢
為私已喜免冠深謝上天公生前抵合投豺
虎死後猶虞化射工寄語白頭嚴氏毋休將
血淚洒東風

二十九日試筆

明日新正三十日今朝試筆記居諸才過穀
雨二旬久猶隔花朝半月餘臣甫采陳三賦

後奴星將送五窮初可憐春已三分一猶有
寒冰在鼠須

逢僧閒話

偶逢老宿閒論舊笑我為官七不堪牙齒脫
殘如達磨鬚毛衰盡類瞿曇酒無賢聖分常
貫藥有君臣病已諳却喜身閒公事少日高
才放吏人參

宮怨二首

睡徹芙蓉別館鐘越羅帶皺倚薰籠金繩語
澹綠鸚鵡銀合血寒紅守宮草色長門留宿

雨花枝上苑笑春風如何買賦全無效只恐相如亦病中

評云瀚富艷然亦入晚唐矣

漢宮恩寵近如何流水浮雲亦易過莫道長門無客賦也知永巷有人歌妾心不似君心改兒淚爭如母淚多從此憂來成底事洛陽風雨泣銅駝

婢病

病來瘦褪石榴裙人與梅花共十分夕御舊惟辭入月晝眠今減夢行雲翻羨事往心須

醒煮藥聲殘已厭聞却笑相看猶掩面豈知予亦似休文

飲王太史第時李德馨諸公聯句畢復限韻

簾幙沉沉午夜風華堂官燭影搖紅詩當白戰推君獨酒酌黃封許我同惟願有文歸太史不求題姓上元功從今雅會知常繼賴有王維在社中

有約題詩到浣花酒闌杯斝亂如麻彌明得句驚侯喜山簡乘春醉習家寒盡東風侵坐

軟夜深北斗壓城斜百年此會知能幾金谷
交遊未足誇

評云穩妥三四

近寺訪友人坐間限韻

前度思君各一方相逢春晚話僧廊東風入
座茶烟細西日臨檐樹影長常羨鼠須真健
筆敢誇雞舌是名香明朝有約重携酒莫作
攢眉社裏狂

答王太史胡工曹席上見憶之作

瞽頤默默坐懷君庭外春陰戰蟻群我與潘

三同眊噪誰招杜二共酣醺尋常有約聯秋
雨咫尺無勞賦暮雲今日小軒新釀熟一尊
留待可人分

評云二聯俱佳第一句尤好

王太史諸公見過寒舍小酌限韻二首

柴門酒熟轄初投樹色侵檐翠欲流有約灤
西尋杜甫無人濠上識莊周看花乍信雙眸
晦岸幘還驚兩鬢秋此日尊前將盡醉不須
重倚仲宣樓

評云熟律絕似陸放翁格調當勝

東坡詩集 卷之二十一 四十七
一尊相對樂陶然席上分明有鄭玄傾倒莫
辭棄落酒清貧猶足水衡錢西園花發春如
海下里歌殘日似年薄暮客歸中散醉孤鴻
目送沒長天

觀王太史書東坡圓澤傳限韻題劉振
之手卷

吳越山川到處非瞿塘煙棹合忘機李源不
訪三生石圓澤誰傳百衲衣臨水謾悲村婦
汲隔溪還見牧童歸坡仙有傳留青簡太史
今書在翠微

評云

老成穩受
亦自佳作

飲劉振之處和韻寄李寅長

長笑風流杜牧之水嬉空守十年期不知吳
媪懷他約猶自題詩有所思

飲李寅長第限韻

高齋促席話同衿豈是悠悠行路心阮籍向
人能眼白叔牙於我最情深尋春擬著登山
屐沽酒知拚買賦金日暮詩成懽蒲座蹇予
才拙尚孤吟

清晝沉沉報午雞相逢一笑讓東西前期有

約開新釀後會無憑續舊題醉極渾忘辭地
主詩狂直欲躡天梯底須更問春多少門外
風吹碧草齊

送李汝弼尹襄陵

旗亭春色照離觴
旆翩翩赴晉陽
爾位豈終山縣長
我官不是水曹郎
少年受易田何館
今日鳴琴子賤堂
會見政成期報主
肯將斗酒博西涼

評云

起句好後六句實太多

贈隆福寺靈僧官

軟紅元未識空翠近應寒
我道僧皆佛誰知釋有官
翻經新

賜館說法舊登壇肯信東山路
支郎笑謝安

十八日王太史諸公過寒寓共酌限韻

同醉長安尺五天孔融尊蒲日
如年我呼張文忘形久誰壓
元郎得句先兩省衣冠成夜
宴五侯庭館散春烟無人說
與涼州守斗酒渾勝祿二千

和劉振之感懷

垂柳陰陰覆苑池
春去吏先知
官鳥搗

蝶衝閒幔簷雀將雛過別枝盡日皂囊無一事
幾時黃色見雙眉爲郎媿我身先老白髮
年來漸覺私

山行限韻二首

春風湖上杖藜行水碧沙明眼界清得句謾
題蕭寺壁逢僧閒問遠山名莓苔有徑俱人
跡花柳無村不鳥聲回首却驚歸路晚幾時
聽鼓再離城

評云第四句新

臺殿參差石徑通捫蘿直上訪支公岩雲溪

日陰晴異茶椀熏爐笑語同山色八窓濃淡
裏湖光十里有無中我來欲結東林社聞說
維摩有晉風

看花湖上得歸逢花蒲南枝共北枝細雨釀
寒纔歇後遊絲墮地更飛時酒香茅店人初
到春去園林鳥未知不是紅塵山路少東風
無力馬前吹

題功德寺航上人小畫

青山如髻立林梢隔水茅茨遠市朝我欲談
玄尋惠遠搞梧携過虎溪橋

送勸農翁判簿考滿還任限韻

北山不用誦移文田畷聲名到處聞官首簿
書苔護硯野無葭莠麥如雲書勤又復逾三
載為政時能寬一分別我旗亭尊酒盡夕陽
林外閃鴉群

翟弘仁秀才處限韻

看竹因君到小庭新梢含露入簾青是誰曾
有騎龍伎對此宜傳相鶴經問柳尋花應並
俗傾銀注瓦了難醒何時共向西窓下風雨
蕭蕭一卧聽

評云第

好二

追和振之山行二首

過廣善寺

寺僻林幽石逕賒案頭經卷是楞伽犬聞長
晝眠芳草僧背斜陽掃落花一幔隔村題酒
店亂疊臨水晒漁家偶來竹院留詩在香積
厨人為具茶

過昭應宮

翠濕松梢露滴珠洞門下馬獨躊躇丹成勾
漏知何在花發玄都恐未知遊客謾勞題鳳
字道流不喜換鴛書分明也任人間世徃徃

相逢說步虛

答浣靈問山行樂事用原韻

浪逐能詩水部何城西無地不經過殺雞為
黍遭田父走馬看花作醉魔雲度水來山瘦
却春拋人去鳥知麼倦遊回首村莊晚社鼓
迎春處處難

評云押險韻故
只如此

題錢世恒壁間畫竹用王太史韻

不向園林問主看壁間自有翠琅玕夜深却
恐西窓臥勾引秋風到耳寒

王太史席上限二十韻

誰捉中山管篴管寫萬枝上番看籜解醉日
帶根移簾薄青侵入厓懸翠倒垂柯亭無笛
奏緱嶺有笙吹鸞尾禽常駭貓頭鼠暗窺王
猷居可柰蔣詡逕偏宜梅影招臨水桃花許
近籬身隨龍欲化心託鳳相知驚夢風敲戶
傳神小浸池白敲聲緩度鶴睡意俱遲野寺
逢僧處山窓待我時清陰同柳競靜色與松
疑興易追素粲才難侶左思未須鑄琬琰聊
復寫烏絲注瓦思前度移家恐後期却憐湘

水調不及衛風詩病葉經春瘥枯梢待雨醫
分泉筒遠引避石笋旁滋枕上三竿日林間
一局碁此君與我厚聊賦竹枝辭

評云警句甚多集中排律此為第一

高家庄牡丹和限韻

午院花香撲酒卮牡丹深處赴佳期臨風欲
問如將語帶雨來看報更奇百寶闌中曾引
醉沉香亭北已無詩天桃繁李都飛盡始向
城西見一枝

天寧寺和韻

遠公招我到東林一逕通幽草木深巢燕啄
泥沾柳絮野蜂釀蜜抱花心衆芳雨過收春
事清楚風來送午音潦倒可堪重入社進賢
冠已不勝簪

評云穩妥不和韻

題崔鍊師壁

道人留我坐長松一笑紅塵隔萬重小院有
花防鳥啄古碑無字任苔封修琴前日城中
見賣藥何年市上逢客去閉門惟點易乳鴉
啼樹綠陰濃

評云幽景自在

奉答李公夏日喜友見訪之作限韻

綠槐庭院午初晴
發齒苔深跡欲平
客子杖藜看竹入
主人岸幘出花迎
鳥啼偶爾動詩興
林靜忽然忘宦情
更喜晝長無一事
隔簾風送煮茶聲

評云杖藜入岸幘迎本是常談下看竹出花字使覺俊爽可喜風送茶聲

沈

挽顏僉憲天婦顏嘗按鄧四川以憂去

水濱停采藻
劍外有甘棠
孤塚埋雙璧
三年

舉二喪泣枯遊子血斷盡世人腸
可報當時月還來照影堂

李寅長期共餞虞廷評既而不如約詩以問之

黃金臺迫祖筵開
記得前期許奉陪
君忽城東偕客去
我猶橋下待人來
寒盟謾想剗三血
別酒何由醉一杯
番笑監河緣底事
等閑衝雨罷畋回

聯句諷王太史

未許離群又逸群
可堪風月共誰分
青雲會

東坡先生集卷之五
五
裏元無子北海尊前祗欠君地主尚期還枉
駕山靈想亦然移文王猷清興如將盡莫遣
回轅到夕曛

齋宿大興隆寺聯句

松暝禪房鶴已歸蕭蕭窗外雨聲稀坐憐兩
省簪袍集吟伴孤燈笑語違茶送月團煩地
主箭傳玉漏出黃扉桑林心事憂民切慚媿
無能補

舜衣

和韻題錢世恒侍御卷中

此會應知是煖寒尊前令轉急於湍狂吞竹
葉如泥醉笑指桃花當雨看詩律任人論老
細帶圍憐我為愁寬東風未必明朝別還擬
尋君到藥闌

評云第四句好

用韻答胡彥迢虞部美其子

老驥應無歛段駒會看飛鞚上天衢世兒莫
謾相欺得楊炯當年亦讓盧

白面無多不面牆讀書有志欲書香河東薛
氏稱三鳳今併郎君四鳳凰

此子君家千里駒雙翻碧玉下雲衢功名若
許擣蒲賭管取他年定擲盧

榆白城秋月度墻天風吹動桂花香阿戎有
志冲霄去折得高枝誇鳳凰

題扇上蓮花路馬鷺

風動蕙葭水氣涼雙雙屬玉睡橫塘遊魚莫
謾驚相避紅藕花牽夢正長

和王太保韻

莫羨冥鴻去不來黃金百尺有高臺裴公可
是龍鍾者馬援貞成矍鑠哉煙水五湖如自

計邊疆萬里伏誰問封書遙問班都護授筆
初心底事灰

評云此當是威寧伯王公此
詩雄渾磊落類其人

揚友山隱君鄉飲

笑殺南山種豆人年年沉醉瓮頭春恥為曾
相看碑客聊作陳蕃下榻賓某水舊臨秋把
釣太玄今對雪盈巾莫嫌狗監無官職曾識
文園渴侍臣

補過堂

畢秀才父嘗為曲陽令退
休作此自號東湖野夫

北闕辭榮後東湖退老時名堂心有在憂國

意俱遲長笑陶元亮還思范子皮柴桑與陶
上可復念安危

夏日病中即事十首

柴門土榻寄吟窩一卧經旬夏半過衣為客
來應典盡方從病後更抄多丹心耿耿雖常
在華髮蕭蕭柰老何強欲看花扶杖起不知
庭樹已婆娑

高卧藤床七尺軀起居全賴杖枝梧池塘過
雨蛙生子庭院無風燕教雛朋每盍簪綠問
疾室常懸磬苦為酷十年濫預吹竽列猶幸

王門未試

長安官舍犬餘寬闢地栽花帶病看
書科斗字鳥啣蟬戴惠文冠烹茶午榻留賓
啜輟藥晴窓教婢丸却笑老樗無所用正宜
三世不遷官

鶯啼臥病過蜩鳴門巷苔深少客行筭發故
林新間舊藤纏枯樹死猶生十圍窓下盛蒼
筓三足床頭煮藥鐺何必入山方是隱山間
惟以隱為名

心如病酒縈飛絮情似傷春對落花茅屋牖

殘聞布谷鶯籬編就架菰瓜客來具飯還燒
笋僕出分泉自煮茶誰向山中飽諳此笑人
呵馬候東華

爐棄置藥爐傍獨臥空庭晚正涼井是菜
畦湯沐邑荷為花館水沉香醒嬾醉後尋言
復病覺靜中滋味長即此安心是良劑世人
何用檢醫方

柳市南頭買藥回柴扉無事莫開門
雙鳥午時睡庭外數竿辰日栽几案
紛然堆簡札堦除久矣長莓苔憑誰點檢門
前客今雨

何如舊雨來

簾幙無風枕簟涼午時起坐到斜陽
憐蛾救脫蠨蛸網愛豆扶過薜荔牆
老至浮沉當世俗病來加減古人方
金釵十二非吾事笑殺談經馬季常

病眠北牖草堂空暫免東華踏軟紅
紫芥繞籬猫捕蝶綠莎覆砌蟻啣虫
樹當缺處纔通日花有香來不見風
即此便為栖養地何須別用訪叅同

病起巡簷賴竹扶花香過鼻有還無
籬邊媚

五犬搖尾階下啄人雞護雛藥裘按方常自
合酒尊因忌暫停酤欲將筆硯辭封事那得
閒情賦兩都

評云

十詩不堆故實故多警句

和劉振之雨中感懷

七年踪跡寄行窩昨夜園林一雨過寒鼓到
窓鄉夢破剛風鳴樹旅愁多和燧對影成三
客殫酒甦詩有二魔感此不眠心耿耿唾壺
擊缺更高歌

和胡工部見贈韻

曾騎赤鯉追仙英水曹官職詩人名長安城
中十萬戶徧題豪句雷霆轟梁園昔傳枚乘
死探環忽與羊公生鬚眉不變筆愈健剔抉
渾沌搜區萌相逢一笑呂公枕為君聊賦邯
鄲行

評云

有古意

修城池為寧都胡大尹賦

引水周山縣為樓瞰女墻四民欣保障萬古
重金湯壕鴈迷寒雨城烏背夕陽知君初理
廢回首幾堪傷

再和夏日病中即事十首

槿籬藥砌即行窩何必園林處處過
山色上樓看漸近雨聲入樹聽偏多
高陽酒伴元名簡南國詩人舊姓何
此興病來俱減盡倚闌看鶴舞婆娑

評云

三四和得肖力

蜂腰螳背鶴身軀兀坐中庭據槁梧
嫁女已拚奴賣犬愛鳥肯信子探雛
書堆案上何曾答酒剩床頭不用酤
却羨商丘為計好行年七十尚吹竽

塵事縈心強自寬古方無效病猶看
衰容瘦盡難臨鏡短髮梳殘不稱冠
蚪蚪水邊將學吹蟻娘堦下已推丸
閉門一臥空庭晚潦倒羞稱奉引官

紫禁城西紫陌傍重門深掩畫蒼涼
雨餘楊柳鶯愁濕花落池塘水亦香
囊底黃金捐欲盡鏡中白髮病添長
不知葛令今存否人世空傳肘後方

日落空階一蚓鳴強扶藜杖下階行
也知服藥能除病未暇從醫問養生
老至徒懷三尺

劍官貧惟煮半升鐺清時是處堪藏拙城市
山林吏隱名

自從帶孔頻移後開盡林花到水花挑有醫
授期報李棗無神與大如瓜清貧枉售千金
帚老病難禁七椀茶輪指風光驚夏晚案頭
書卷廢南華

綠羅蔭戶北窓涼煮藥聲殘對夕陽苔襯蝸
牛綠敗壁花招蝴蝶過鄰墻貧無點石成金
術病憶延年却老方昨暮偶扶方竹起不知
籬蔓共吾長

風簾搖曳夢初回天際輕陰午未開奴向市
中挑杏鬻兒從檐上買花栽蛙聲似鼓喧池
草鳥跡如書印砌苔除却迎醫燕問疾日長
庭院少人來

老病侵尋萬慮空藥爐茶灶火初紅止酷厭
聽提壺鳥戒得常怜蠅蠖垂簾影暗移堪測
日水紋微皺可觀風此時逸興真成獨不與
尋花問柳同

病體全憑藥餌扶風情才思兩俱無黃梅雨
過魚初乳綠樹陰濃鳥尚雛書卷拋來還省

借俸資支盡僅償醕令人苦憶歸邛令車騎
當年我甚都

評云十詩和得流麗
自在不減前作

友恭堂為都人王伯通昆仲作

花底墳篋叶堂中兄弟怡紫荆田氏宅春草
謝家池願此同胞義還為白首期莫教千載
後專美鵲鳩詩

壽閣老商先生

早魁多士賦嘉魚兩拜黃麻秉化樞望重可
方周太保官高兼領漢尚書開筵舊許賓籠

鵠就第今蒙

上賜車醉倒碧山稱壽處不知世上有誰如
曾向先朝侍講筵更逢

今上領貂蟬萊公拜相天禧後韋老還家地
節前鵠放金籠賓客散魚懸玉帶子孫傳年
年二月逢初度費盡山中酒十千

評云後篇
勝前

歎衰

少小拋人去衰年百病增耳鳴疑有鼓髮短
欲如僧食肉牙尋杖觀書眼怕燈壯心雖復

在潦倒竟無能

東山堂稿卷之一

國家圖書館, NATIONAL CENTRAL LIBRARY, TAIWAN, R.O.C.



馬東田漫稿卷之二

東田馬中錫著


沙溪孫緒評

筆山文三畏校

奉答王宣溪見贈

不徒皮裏擅陽秋下筆瞿塘水倒流孝武又
章輸董馬建安人物數曹劉殘燈曾共三更
剪短刺相從百遍投怪底書來香滿葉朝朝
常侍

翠雲表



和宣溪秋夜雨中感懷

病怯衾寒瘦怯衣宦情全不似當時酒於前
月從醅戒詩過中年得句遲黃葉戰殘秋雨
墮白頭搔向夜燈悲無端更被西風惱勾引
蛩聲到短籬

評云秋雨西風不厭相類

和子美秋日出郭晚歸

白鴈霜前尚未還遠村近郭亂鳴蟬田翁早
捐挑肩上里婦閉花插髮邊斜日青山催短
景破林黃葉換流年獨騎羸馬歸來晚家住

長安尺五天

評云第五句謂山礪斜日易晚第六句亦對得起尾句不泛

秋日出郭限韻二首

紅槿黃桑拂馬頭野塘水入稻田流酒煩地
主鳴鞭送詩憶山僧授簡求籬落豆花驚欲
晚家山柿葉想俱秋非關對景添惆悵自是
相如故倦遊

樹深疑接武陵溪野水平橋日欲西擺經郭
中千頃稻嗶啞林外一聲雞名園花盡秋容
淡曲徑人稀草色迷衰颯可堪詩思苦也騎

羸馬共分題

題畫二絕

樹裏柴門晝不開野橋十里盡莓苔時人莫道無奇字恐有劉芬載酒來

山腰茅屋得雲先有底幽人住洞天不是獻書仁壽未定應解印義熙年

評云

得雲先三字新

飲劉振之寓次用錢世恒韻

酒殘午夜人皆醉花暗禪房月到遲頭白閣梨猶健在移燈照我舊題詩

杯因多病常嫌大句到中年得每遲惟有風流王太史人前能酒更能詩

香消金獸灰寒久水澁銅龍漏下蓬今夜一尊聊對月明年何處更題詩

壽王宣溪

雨過秋槐萬乳閑繡筵涼爽客初來行厨燒葉頻温酒老鶴衝花故墮杯人薦子雲文似馬我期平仲國封萊百年此亦堪為壽何必逢人說姓回

劉振之和其韻

東田漫稿 二卷
往往新詩逼后村偶然飄泊寄都門卞和有
玉期三獻方朔於書誦萬言白帽自為高士
態綈袍誰下故人恩感時莫憶江南路紅槿
花開叫蜀魂

代諸同寅送林克冲使暹羅四首

過海樓船候北風外藩旌節隔年通初聞蠻
語疑啼鳥欲寄鄉書少便鴻退食舊從門下
省歸心今繞建
章宮夷王若問
中朝事為道車書萬國同

評云起語

黃葉西風遍六街使君一騎發金臺遠啣丹
詔經年去直到滄溟盡處開異域住多諳海
味遠人相敬酌蠻壘歸時若更留文字定引
夷王遣子來

建侯欲慰遠方人

聖主臨軒遣近臣丹詔下時雙闕曉碧
幢到處百蠻春珠璣飾象迎天使簫鼓開船
祀海神聞說夷邦應更喜此君元不厭清貧
三年直省卧青綾今使殊方可慣曾海水帶

鹹渾似鹵夷民削髮盡如僧地偏蒸濕冬猶
扇船避魚龍夜不燈君自逢人能問俗愛君
特地語頻仍

唐元勳秋官以畫梅贈張廷芳憲副求
詩其上次李西涯韻答之時張赴浙臬
和靖寒花一樹無湖田聞有吏催逋寫圖不
盡都官意此去憑君自泛湖

評云

句意甚工有韻
有刺有含蓄

飲董懋克所限韻

竹木臨簷翠欲疑早秋時節氣猶蒸詩因覓

句韻知險月到上弦輪漸增投轄井中留客
飲舉杯花底記吾曾醉歸忘却來時路打馬
當筵恐未能

評云

押險韻不見其
難八句俱可

飲薛經府別圃和韻

放衙常向此看山京北行窩十笏寬飲我不
妨尊似海送人曾記谷名盤話長日轉園亭
晚坐近風來几席寒不是聽雞騎馬累為留
今夕盡餘懽

評云

後四句
當勝

用韻贈德馨二首

諫院相知近十秋每多滄海內
涓流君嘗有句能凌謝我獨無才
近媿劉萬事任棋隨局變兩情如漆與膠
接感恩嘗笑田文客只解秦宮盜白裘

一見堂顏即厚顏為題詩罷更茫然
人從毀齒心猶赤君獨終身志不遷
白首弄雛方可喜青年懷橘未須憐
世間突兀惟斯屋綠野耆英亦浪傳

德馨宅即席限韻道別

抄秋雲冷鴈來時愁賦河橋送別詩
官裡聽雞人已去省中聞鳥吏應思
殘尊此夜張燈酒病柳明朝中雨枝
去去扁舟定回首九年曾受

聖明知

評云三四一氣說去却有興致

飲胡冬官宅即席次韻

懷抱經秋鬱未開偶携方竹為君來
淨生能幾見落木老態醉愁行滑苔
元結為官真漫浪少陵退食每遲回
從今擬覓香厨尉說與

世人休見猜

評云三四跌宕自成一家言

王太史過寒舍小酌即席限韻奉答

駐馬勞君叩竹扉
樹頭殘葉掛斜暉
家惟斗酒妻藏久
厨澁盤殮客過稀
籬下雖無元亮菊
篋中猶有杜陵衣
分明記得華堂宴
夜夜春城月出歸

陳千戶莊上即席韻二首

彷彿裴家綠野堂
柴門茅屋竹床方
近簷雲宿林花潤
隔塢風來水稻香
白鳥度秋山欲

暝紫騶馱醉路偏長
相過此地年來幾回首
人間吏事忙

評云五六極其用力點綴景意

十里平原一笛風
習家池上醉仙翁
林幽地似居塵外
山遠人疑在畫中
流水繞村浮淺碧
斜陽戀樹閃殘紅
重來莫謾思前度
時節逢秋自不同

朝天宮訪李鍊師不遇

到處逢人說
姓回棕櫚秋老暗
庭臺池邊換
字鷺空在天上
聽經鶴未來
丹竈不因燒葉

東坡詩集 三卷
吟洞門曾為看雲開何時更擬携琴過相對
山花一舉杯

評云

三四自在與前篇
鳳字爲書不同

輓錢方伯母

久住襄陽着布裙老來一夢入秋雲空勞藥
累多年在無復機聲到夜分終古青雲悲仲
子九原白髮見封君令人却報梁鴻婦不與
要離相對墳

和振之遷居次儲中舍韻

時振之自李
中遷居李德

警字故詩
中云云

萬錢買宅豈無因燈火知君閉戶親更喜看
花連上苑肯因撲棗拒西鄰遠公社裏攢眉
客楊子門前問字人今日移家天咫尺莫嫌
鐘鼓聽來頻

懶與支郎共結因移家城市許相親從前辛
苦非關竹此去安居願卜鄰雪裏謾疑袁氏
宅城南不數杜陵人浮生到處都如寄莫厭
相過載酒頻

輓黃大叅

官衙可但寫銘旌死有遺勳頌政平藩臬兩

夏月沙希 二二卷
司俱歷宦甲科三殿舊知名朝臣尚注東南
目閩水空流日夜聲料得不憂身後事諸郎
已見貴慈明

為慶州毛指揮作

誰無終古恨君獨少年孤克謹春秋祀還驚
歲月徂望雲心已醉陟圯淚應枯可柰西風
棹年年漕上都

王太史遺帶詩以謝之

繫玉懸金想寂寥老橫角帶在臣僚惟愁沈
約頰移孔敢與公西並立朝塵世能消幾兩
屐時人謾詫十圍腰從今裝束因君換不道
龍鍾可挿貂

九日飲薛京兆別圃再用前韻

地主應疑我姓山故將別野闢教寬品題謾
作茱萸泝清苦真成首蒼盤樹密每忘西日
落酒酣偏耐北風寒重來况是重陽日肯負
黃花不盡懽

秋夜不寐感而有作

白頭搔短對殘缸寒鼓聲沉月到窓為客不
逢牛渚謝携妻欲學鹿門龐愁憑酒破須頻

酌病與詩麈未即降却憶扁舟歸去者蘆花
今夜卧秋江

評云是起

慈恩寺登高用杜韻

即海印寺

慈恩寺裏西風急與客携壺上古臺此日聊
同萍梗聚昔人曾見菊花開浮雲多態舒還
卷流水無情去不來安得長繩能繫日莫教
鐘磬上方催

重陽載酒慈恩寺十里湖光百尺臺近水田
園連宅買出林樓閣背城開黃頭郎擢官船

過碧眼僧騎御馬來獨有籬花并

內賜一枝留待我詩催

評云感憤悲壯可想見其情尾句差弱

次韻王太史登慈恩寺閣

幸林隱隱水悠悠一犬寥寥吠不休黃葉滿
身僧入定紅塵拂面客來遊天寒北鴈縱橫
過日暮西山紫翠浮只恐菊花還笑我功名
未了髮先秋

評云三四新

重陽後數日王存節鴻臚宅賞菊即席

限韻

微官纔了簿書忙步屨來尋五柳庄黃菊尚
如前日好白頭無復少年狂西風落帽人何
在左手持螯酒正香醉極不妨搔首坐冷雲
飛盡暮天長

朝天宮訪真秀才

庭院經秋碧蘚生白雲兩屐雨餘輕敲門一
犬籬邊吠倚柱群魚水面行半榻喜君依靜
舍十年慚我住都城今宵共剪西窗燭笑語
還驚鶴夢清

過黃翁家留飲用唐韻

遠尋地主故遲回秋盡黃金百尺臺邈若隔
山爐尚在醉能濯足客重來馴鳥得食莎階
靜小犬迎人竹戶開潦倒謾題詩在壁不妨
風雨長莓苔

次韻答郭子美書懷

三十七年空擾擾公私都作冷齏吹健忘自
笑聰明減多病從將懶惰疑何畏彼哉非恃
酒徒勞人耳是能詩何時一棹柴桑去揮手
紅塵謝世兒

評云
春詞

五六雖自戲自笑然自負正復不淺

紅梅花插銀瓶小紫降烟隨金篆裊病酒偎
香起尚遲流蘇帳煖雞催曉是誰偷捲繡簾
窺庭院堆鹽揔不知小立風前梳洗罷笑團
雪打綠衣兒

評云

如此作豈在溫飛御晏叔原之下

幽居

幽居人不到撫景自留連露重花垂地風狂
絮上天鶯聲行酒曲榆筴買春錢只恐王維

過相疑是輞川

評云

其二聯甚口

道士燈

泥塑黃冠紙作身兒童燈下喚全真雖然外
似人模樣到底中心不是人

評云

此當有新諷

代王掌科送張省祭官

十年為吏了囊金博得青衫返故林白髮高
堂忻戲彩綠波春水惜分襟平蕪一騎辭燕
壁落日孤村望楚岑莫把宦情從此薄張湯

元亦戴朝簪

和韻慰郭子美下第是年予校文春闈
早歲青雲期致身中年兩鬢尚風塵龍門點
額誰憐子滄海遺珠我媿人大器終成休恨
晚好花遲發會逢春從今莫問窮通事高岸
林間折角巾

評云

末句有含蓄謂標格能如郭太則一第得失不足為榮辱也

用前韻送楊文晦下第還家

濁酒都門又送君東風輕颺化衣塵校文我
監吹竽列失意誰憐鼓瑟人一棹遠投南浦

夕兩鶯初轉上林春懸知此別重逢日高領
宮花插醉巾

評云

景語閑曠有趣

送蘇鍊師還山

南北東西自在行黃冠高岸餌黃精市廛賣
藥無人識石鼎聯詩有客驚了道許留丹曰
別好書已養白鷺成山中此去何年出聞說
脩琴再入城

述懷和教靜之韻

幾年騎馬走黃塵富貴邛邛一欠伸世上雞

虫無了日山中猿鶴已嗔人文園卧病思封
禪宣室求賢問鬼神讀罷古書長太息小簷
花落又殘春

評云

憤情幽思種
種可想見

四月八日陪王世賞編修郊行限韻

撚斷吟髭已數莖高才摩詰句先成編題蘭
若凌晨往聞說瞿曇此日生陌上風花常撲
面眼前山水足怡情絕勝嚴武西川道小隊
行春列騎兵

城市囂塵汨此身偶來城外避囂塵興同刻
曲乘舟客吟對新豐濯足人雞黍淹留期盡
日鶯花狼籍已辭春何時重覓今朝會狂脫
尊前漉酒巾

評云

雞黍鶯花之句是尋春
景意故對偶太巧不妨

一春孤負賣餚天四月尋芳到水邊社鼓正
祈收麥雨村炊遙起隔林烟屐穿林媪栽花
圃酒載陶翁種秫田為語同遊諸諫議好因
風景惜華年

和董子仁郊行飲王家座上

青山環列補頽墻景物依稀似謝庄日轉當

送移柳蓋風來隔澗奏松簧經春村郭花辭
樹近水田疇稻著秧休沐此遊多勝事不堪
回首故園荒

輓陳氏部繼母方孺人

斷弦重續太丘家七十流年兩鬢華舉世有
寸吟柳絮平生無子衣蘆花剪刀院冷填黃
葉織錦窗虛暗綠紗遺恨鼓盆人尚健與誰
同挽鹿門車

郊行飲王家座上再和前韻

綠水環村雲度壻相逢一笑剗川庄交花野
樹明如錦學語林鶯巧似簧陌上遊人狂載
酒田間少婦解分秧我來不為看紅藥地主
休辭後圃荒

評云

起語
闊曠

省中和李汝弼韻

承恩日直殿西廊絳闕沉沉晝漏長垣竹映
窗分綠淨宮花隔幔墜紅香迂踈自幸為文
吏淺薄將何報武皇回首却慚雙鬢改六年
供奉綴班行

覆和前韻

白首叨陪鷓鴣驚行北自爭似傲羲皇酒開春
甕愁仍醉花落風簾夢亦香夜雨溪聲來枕
近夕陽山影到門長自慚岐路迷歸轍猶戴
朝簪直省郎

書懷

一夜西風到小樓寂寥門巷不勝秋雨中茂
樹皆黃葉燈下羈人欲白頭富貴無心聊作
宦功名有分莫封侯他年事畢投章甫擬著
漁簑理釣舟

評云前四句好

和方文進瀉懷韻

六年潦倒面

宸旒知足常懷馬少游龍尾趨朝行老病蠅
頭射利豈良謀畏途泥淖驥垂耳宦海風濤
魚中釣却笑相逢關令尹不知誰擬駕青牛

謁陵道中李文卿秋官限韻

諸陵秋樹暮雲遮樹杪群峯似犬牙人望
寢園才一舍路經村市祗三家烝嘗

先帝應如在廟貌前王更莫加寄語驪山
山下冢當時此地是龍沙

蘇汝河寺

五年三度謁 西陵野寺頻過識
病僧聞說先皇殂
落後玻璃未滅佛前燈

答李士常侍御見候韻

衝泥何處駐輪蹄
水繞孤村渡欲迷
自覺省郎渾倦思
謾勞柱史又分題
馬諳熟路常先發
鴉閃殘陽定後栖
却憶曉辭三殿罷
香烟携出午門西

評云五六

和邵文敬

却墜馬韻

風流曹長擅詞場
走馬長安墜欲傷
快意豈知翻取辱
全神不道醉為狂
曼卿誤矣誇非瓦
樂正危乎殆下堂
從此坦途還可畏
人間無處不瞿塘

剪花

我持鬼國鐵剪碎
洛陽錦紅紫觸手空
綠陰意得甚是以芳
菲姿見予恒凜凜
感之問西鄰園英有
竒品護以百寶闌
萬卉皆斂衽嗟我
忽頽然背花擁高枕

壽惟明處士時年七十四月朔日生

白頭老子地行仙曾杜柴門草太玄生此釋
曇先七日壽惟絳叟長三年元龜引氣搯林
下老鶴呈祥舞席前若道延齡真有訣此翁
嘗治養生篇

送孟鑑千戶侯漕運還家用郭子美韻
繻棄關門吏共賢相逢京國憶當年遼東近
擬收三箭圮下元從受一編漕運遠承民部
檄餞行深媿水衡錢紅亭酒盡行人發十里
垂楊鎖暮烟

言懷用東坡次韶守狄大夫見贈韻

少年人說白眉良末路羈栖歲未央四壁若
為歸隱計一函惟貯養生方秋來卧病踈毛
穎老去甘貧絕杜康况復無才堪補衮強含
雞舌侍 岩廊

評云

句律句稱絕
熟自是作者

住俸

自歎謀生拙似鳩閉門停祿卧高秋東方曼
倩將飢死司馬相如欲倦遊善飯豈能誇間
使加飡何以答書郵明當拂袖柴桑里醉倒
東籬百不憂

麥秋停祿到瓜期老病那堪更斷炊八口二
旬才九食五年一飯已三遺監河侯欲捐金
日魯郡公將乞米時却憶故園禾黍好不勝
鄉思獨支頤

感懷和郭子美韻

知君豪氣少相投高卧元龍百尺樓紗帽白
侵頭欲雪酒爐紅燒葉初秋驚人有句貧逾
壯干世無書老尚愁安得祁奚今在位薦賢
不念解狐惟言

評云

三四句法

自米

門門高卧與蕭然金槩無心草太玄黃葉擁
階堪者藥青藜倚壁倦挑錢強拋不得惟浮
世力挽難回是少年却欲相從陶處士掀髯
一笑菊花天

書大名察院

時為長公主

嘉祥地

我來欲下翳桑壺鼠輩欺民錐併無政使士
夫逃唾罵豈能將相便身都破車忤主人何
在判磔還僧勢亦孤明發歸朝見
天子會須還上鄭公圖

評云

語雖粗直孤憤凜凜可畏

開守彭載道以名酒新鷺見遺詩以答之時彭久病

三年兩地惜離群今日開緘宛見君送酒慢勞賢刺史籠鷺深媿右將軍誰同夜刻澶淵燭我獨朝停魏博雲來使却歸煩問訊主人何似沈休文

評云

八句俱穩矣恨末句休文與聯內右軍重疊耳

過舊大名城

高原立馬夕陽春為訪前朝避暑宮野黍揚

黃兼鴨綠渚蓮孤白亂猩紅北門鎖鑰沉沙
久東郡輿圖劫火空惟有斷碑荒草裡數行
殘字紀天雉

評云

三四頗傷工巧

再過舊城

停車重上魏城隅宋祖行宮迹半蕪獨樹邊
流空照影敗荷擎雨不成珠斷碑有字題科
斗古井無聲汲鹿盧欲問當年典廢事野人
長嘯起林鳥

評云

二詩懷古俱佳後篇勝前篇

輓唐良弼茂宰二親

馬安山下埋雙玉風雨年深長薜蘿明府悲
愁天共久中郎文字世難磨
窗前有石支機在門外無船載酒過
聞說近來原上樹秋風應比舊時多

壽錢世恒父

七十行年兩鬢絲此翁高壽更誰如
少陵有癖仍耽句玄晏無官愛讀書
春酒熟當修禊後曉筵開憶設弧
初豈知塵世求名者老幹龍鍾尚曳履

評云

三四自尾句頗近課馬

送鄧職方考最還南京和汪文潔韻

西垣有客憶當年風雨簾牀共子連
話舊各悲三峽遠書勤獨占兩京先
便從薊北冰霜地歸去江南橘抽天
萬里相思書咫尺春來好寄五雲邊

送范法曹謫倅鳳翔

疋馬蕭蕭行路難遠從燕壁謫秦關
寒城歲秋驚分袂春殿年華憶賜環
富貴宛成棊累卵功名何異觸爭蠻
憐君無計留君住媿我

徒君供奉班

輓田廷尉母夫人邵氏

夫子門前食客謹
夫人况出故侯門
錦堂忽棄三牲養
白髮空傳八座尊
嘔血已聞悲阮籍
倚問誰復望王孫
高陽故國堪埋玉
風雨蕭蕭黃葉村

長安雪二首

關河初凍合風雨到
凶時籬犬驚常吠
林鳥下復疑紅樓人
起晏白屋婦春遲
更念邊城卒戎衣
冒冷披

漠漠同雲合天寒鳥過稀
午橋飛六出甲第掃三歸
帶雨凝金勒隨風打鉄衣
何如袁處士高卧掩柴扉

評云

二詩俱佳後篇勝前篇

寒夜自述再和舊韻

飲醅聊取醉挾絮未嫌貧
持比飢寒者猶為富貴人
一家通十口千里隔雙親
今夕團欒處悲懽達近隣

再贈范法曹

君佐宗資郡予留郭隗臺
再三斟酒別萬一

寄書來足馬衝風去殘鴉背雪回茲行安義命

聖主合憐才

評云第六句好

早朝值雪限韻

曙色微明

三殿開九天風雪浩無涯僵髯綴凍頻須捋
病眼生花錯費措中使掃迷龍尾道昭容行
沒鳳頭鞋茂陵若起相如病未必梁園賦最
佳

評云細潤可喜韻險愈見其難

和韻賦雪

北風吹面利於鏹十二街中亂撒鹽入寺天
花紛作陣巡簷冰柱倒懸尖短衾正好蒙頭
睡凍筆何堪信手拈聞說近來多道殢苦將
三白為誰占

評云世爭傳東坡雪詩如此二詩韻險更甚而雄渾自在更出坡翁之上

觀者當自得之筆舌不能盡述也

歲暮

歲暮支頤獨倚樓宦情羈思共悠悠清貧擬

貧靡居士老病誰憐沈隱侯朔雪欲消山日
冥北風初起塞雲收天時人事闌珊盡時復
寒禽噪瓦溝

禱雨有應

清曉齋廬豁病眸好風將雨入西疇已添太
守名亭喜頰減詩人為國憂水面漚多池欲
沸山腰雲擁地如浮憑君謾說秋成事肉食
從來不共謀

評云

佳作恨尾
句太露

感懷次郭子美韻

自慚無補

聖明時半世齊竽只濫吹性懶敢嗔人共棄
官貧却免盜相疑陶潛罷去綠耽酒杜甫流
離坐善詩何用載書三十乘從來了事屬癡
兒

次教靜之九日言懷韻

騎馬聞雞有底忙一秋憔悴沈東陽身隨杖
竹空存節髮比籬花不耐霜官裏八年三見
閨夢中十夜九還鄉何須更落西風帽黃葉
填門獨舉觴

評云

好前四句
不似和詩句

西涯侍講圭峯宣溪二太史夜飲寒舍

有作次韻奉答

空堂坐久嫩寒生紅燭花殘墮地輕十月風
光緒共賞百年杖履幾隨行官曹雖隔中書
省里巷同居北斗城今夜一尊聊會合小簾
低度漏聲清

評云

起結俱
俊語

劉振之遷居次其韻奉答

移家深巷閉門居對酒顛狂對客愚詩卷盡

圖交插架晚菘春韭混成區書投光範蓋同
愈跡隱中條擬學圖我願卜為鄰舍住行囊
爭柰一錢無

次屠秋官元勳韻壽劉振之

君才十倍蔡中郎尺牘何年奏未央項下有
絳仁者壽眼中常白醒而狂朱門不結王生
襪皓首期為陸氏莊我欲預儲千斛酒每逢
初度一登堂

寄蕭文明次其韻

聊復題詩寄遠人天涯一別幾晨昏玄都觀

裏非前度武德年中，有讜言瑣闥尚懷同出。

入瘴鄉深喜，獨生存始知去住皆。

君賜莫道南遷不是恩。

評云：蕭海釣一代偉人，故此詩極其珍重。三四謂今時又非海釣，扶言時矣。

萬歲殿次王太史韻

在天宮

門鎖蓬萊落葉多

先皇行殿尚巍峩，當時朝士重來少。此日微

臣再拜過銅狄，猗猗寒可怖。巨靈顛顛夜猶

翠華一去無消息，宮樹年深附女蘿。

青虛觀次王太史韻

城市分明有洞天，插雲樓閣翠相連。已聞滄

海能成陸，底用豐碑為紀年。伏火丹砂雞未

試，開林黃葉鶴無眠。方平今夜知何處，又共

麻姑醉不還。

瓊林初度為孫希說進士賦得聲字

蘇門長嘯作鸞鳴，怪底年來喜事并。賓館曉

燈初獻壽，禮闈春榜更題名。宴開聞喜

六，恩重酒酌長生醉。眼明只恐隔花聽法部

山陰笛奏鶴南聲

冬夜偶書

甲第儒換刺朝衣瘦不勝睡於冬夜足詩句
增家近通書易官貧立券仍幾思歸栗
里江守欠王弘

評云第四句

寒夜

小窗吟罷坐孤燈
燭火無情銷
硯已冰猶
百
墻
虛
不
了
分
明
似
中
僧

松鶴圖

聞說而翁壽方瞳夾秀眉種松身可抱養鶴
背堪騎靜鍊形俱瘦寒期操不移畫圖渾未
盡更與一題詩

振之招飲以腹疾不赴作詩謝之兼柬
王太史

不得尊前共一卮閉門獨自擁衾時光陰可
但如過客造化分明似小兒拙引世人生口
語幸惟吾子是心知明朝痛定相尋去未許
山公擅習池

有感二首

性資愚拙賦命迫遭擠之日交
遊中道改路甚至有擠之井

而又下石者因賦
短章用東同志

隱几慚歌伐木篇
翻雲覆雨最堪憐
也知天道如弓在
爭柰人心似面然
秦晉結姻空累世
耳餘貽笑已多年
早知木槿花殘易
定覓長松種眼前

怪似鵝鷓惡似鷓
向人談笑替人嗤
多方難避含沙毒
有計無過入甕竒
渠死定應淪十獄
我文何用罵三尸
年來禍福分明甚
莫道後前造化私

得襄陵尹李汝弼書詩以報之

遠書珍重見情親
記得君行是暮春
別後相逢惟有夢
老來交契更何人
薊門飛雪風初
臘易水流漸日正
申題罷一緘無可
贈空勞白鴈去來
頻

寄業師陳先生時舍姪從其遊

曾事先生住白牛
別來人世幾經秋
天涯自嘆侯芭老
門下今看小阮遊
情有萬端書不
盡夢雖一見醒還
休關河流水年年
綠不識相思到水
頭

西掖晚歸有感時事聊賦述短章用呈

同志者

矮面缺月照人寒，殘雪留簷凍木乾。
衰信已憑雙鬢寄世緣，聊作一枰看斜封官好空批。
射神武門高未掛冠，悞却登山與臨水十年。
騎馬走長安。

評云

稱約

悼亡女用蕭文明韻

二尺新墳瘞汝身，倚門雙眼哭將昏。
病來不共龐公化老去，誰諳伏勝言。
憶昨燈前聞笑語，從今地下失溫存。
也知過慟渾無益，筆素

難拋父子恩

和宣溪述懷

百事無成柰老何，顛毛衰盡類頭陀。
病駒可但饒芻豆，傷鳥猶思脫畢羅。
昨日已非今日是好懷，常少惡懷多憑誰。
為鼓湘江掉唱徹，滄浪孺子歌。

評云

熟筆不費力

和陳粹之僉憲借居韻

一官纔滿又移居，蹤跡如樵復類漁。
地僻未栽王氏竹，車多先載陸家書。
正堂聊借三間

足負郭應無二頃餘為報使君書最畢還來
花底坐籃輿

帝王廟

內有元世祖像

世祖祠堂帶夕曛碧苔年久暗碑文薊門此
日瞻遺像起輦何人識故墳綽楔半存蒙古
字陰廊多繪伯顏軍可憐樹老無花發白晝
鴉鳴到夜分

題莊僉憲章江賦別卷用王太史韻

記符王維送別詩樹分楊子湫相思豈應從
此愁繁骨謫向江南盡別離

江初發木蘭舟人倚膝玉歌舞樓今日君
歸江水逝相思載過海東頭

許云

盛唐人語也

過廣恩寺有憶用長老

門長鏤野烟疑瓦礫年深積漸增紫陌縱
來前度客白頭不見舊時僧疎林罷菓寒鷗
嘯影索留塵夜鼠登獨有雨花臺尚在無人
說法為傳燈

天寧寺次韻

參差烟樹似東林塔院年深草亦深靜極不

通車馬路來多應換市朝心
屐經苔過留僧
跡磬隔花敲答梵音我亦故饒林下興幾回
感此欲投簪

評云三四好惜尾句相犯

題冀文華郎中墨牡丹卷

卯酒初醒宣喚急沉香亭上已鈎簾太真倦
理烏雲髻背倚闌干暫黑甜
銀燭夜殘花已睡瑤臺月暗酒初醺此時試
凭雕闌看始信丹青手十分
烏龍行雨黑風吹注消羲之洗墨池流出百

花根底過牡丹一夜變成緇

評云三絕俱可喜不減陳簡齋墨梅之句
除夕分韻得未字

閉門不謁金貂貴坐擁寒爐縮如蝟僵髯撚
斷肩聳山聲比飢鷲僅餘氣流年一去不復
回徒嘔狂心甚無謂急呼妻子洗甕罌隔隣
貰酒聊相慰須臾酒盡吻更乾悔不即時作
兵尉兵尉有時還自來阮郎嗜酒非因味便
將此意問玄冥脉脉無言似深諱令人感此
重茫然起視中庭夜央未

哭亡兒晉生

浪在人間過五齡只呼小字未呼名病多常
是居懷抱年小焉知痛死生老淚橫流措到
曉悲勝如割怕聞更雖然時共人談笑無那
愁心暗裏縈

立春後禁直

禁門深鎖隔梁魚吏散空階鳥下遲殘雪未
消鳩鵲觀暖風先到
鳳凰池一官多暇文書靜十載無能鬢髮衰
便合放舟江海去豈應常戀好文時

評云

富麗閑闕下
咸盛唐諸作

挽鄧廷曜編修父

門外閩山遮莫青鳥皮几在更誰凭圖書壓
架思玄晏水竹移居失杜陵墓石文章鐫細
字影堂風雨暗孤燈可憐東省西曹客摠為
而翁淚滿膺

評云

挽詩似此者在古
亦少未句未稱

除夕次韻三首

歲杪東風到尚遲撚髭脉脉白尋思一冬寂
寞將除夜十口團樂共守時燭燼剪殘猶命

酒爐灰撥盡未成詩為君預料明朝事同受
新年更莫辭

評云可喜可笑

楫拙煨殘酒緩行重城清漏下三更欲留此
夜知無計堪笑流年太薄情報國筋骸將老
憊當家兒女未生成歲寒心事誰同語坐對
燈花百感生

評云甚好三四

白髮綠愁積漸生山林朝市兩無成也知冷
暖分今夕不道光陰亦世情眼暗已難看細

曆耳聾猶可數殘更明朝媿受新年

寵雉尾前頭奉引行

評云第三句好
惜對不起

和吳掌科新正述懷

閒據胡牀遂弄三東風吹面髮鬢參細思往
事誰非夢同受新年我獨慚世上雞虫何日
了山中猿鶴此心甘狂來且學少陵老典却
春衣日醉酣

人日次劉振之韻

客裏驚逢挑菜天東風回首一茫然占豐已

過牛羊日筭老徒增犬馬年性僻懶投時貴
刺官貧常負市沽錢濫竽猶幸無人試敢恨
班資久不遷

評云三四可喜五六亦佳

齋宿大興隆寺懷圭峯侍讀景范司封
各一首

絳園風暖雪晴時殘臘階前樹合知借榻偶
然三過宿懷人聊爾一題詩因尋方丈奈初
罷閒立迴廊月較遲料得徒吟狂杜甫寂寥
燈下亦深思

蕭寺鐘鳴月在東憶君閒立柳邊風春知雪
意還留白寒妬花枝未放紅寂寞齋居三日
後從容扈蹕

五雲中分明便有仙凡隔不獨官曹舊不同

評云三四寫得好

十六日聚飲照上人房二首

蒼苔林深未試花蕭然興味野人家春寒客
醉貂僕酒泉遠僧分雪煮茶局裏殘棊狂着
辭皇問新字醉題斜晚來騎馬東西去門掩
西階啄凍鴉

評云潭成自在未
句與意不

閒尋蕭寺及初春禪榻無塵最可人僧已白
頭身尚健客俱青眼意尤真收燈時節花將
發掃雪人家酒正醇莫怪相逢即沉醉浮生
踪跡易參辰

評云前下詩及

張醫師牡丹卷

誰將洛陽花寫向洛陽紙千年無人收流落
杏林裏

評云細
可善

寄鄉先生趙君

遠書珍重寄相思聊復題詩問起居別久白
頭知尚健住多青瑣媿先衰暖風楊柳才黃
處春雨薜蘿正綠時却憶故園花下酒無由
縮地一追隨

壽蔡明府黃通政
婦翁也

五柳庄前鶴髮翁秀眉盈尺炯方瞳逢人愛
說先朝事得壽疑修內景功遠地獻圖
當誕日頻年開宴對薰風銀臺不是東窓客
誰索題詩寄越中

挽王都堂朝遠

兩浙三秦舊有聲，勲勞不說虎頭生。身因許國成多病，心為憂時退亦驚。山水已難留大雅，子孫相繼守幽貞。他年信史還當錄，不獨區區月旦評。

花朝後十二日山遊限韻二首

未覺滄洲減吏情，五年三度此經行。山明似與花爭媚，春到先憑鳥寄聲。閒欲出城頻假沐，醉雖題句懶留名。重來朋舊渾應少，惆悵湖西草又生。

似與山靈隔歲期，重遊風景記前時。寺因路遠來常少，僧怯春寒起故遲。草色漸分岩下石，花枝斜亞水邊籬。醉歸莫話閒行事，只恐城中人未知。

次周都尉韻

春日湖西路，相期訪道林。水肥魚已乳，花老樹多陰。燃竹行厨午，彈棊小院深。頓令城市客，忘却去留心。

三月十一日過城西劉氏庄居有作限韻

偶乘休沐此經過花事闌珊可柰何十日身
終一日暇三分春已二分多柳深村巷鳴黃
鳥水暖池塘泛子鷺撫景不勝鄉思發幾時
歸唱濯纓歌

十四日遊甕山次謝于喬太史韻二首
柳外湖光花外樓四時佳興屬春遊隔林陽
飲初疑馬度水晴雲欲亂鷗客醉不禁寒食
酒僧歸還上夕陽舟自慚潦倒東風裏也復
看山逐勝流

評云佳甚不
堪唐人

草色湖光遠帶樓一春過盡始尋遊未愁花
落如紅雨祇恐身忙媿白鷗寺僻豈無玄度
屐樹深疑有武陵舟山人若肯招携住洗耳
寧甘逐下流

評云後首微不
及前作

是日次李西涯一首

醉騎羸馬行常後重到西湖髮已華一笑不
知身是客十年真以宦為家園林此日堪携
酒城郭經春始見花寄語同來看山者暫時
幽賞未須誇

東日... 卷一
送冀文華郎中弟文緒偕其姪還淮南
為客思南國還家下北州大馮才共被小阮
又同舟回首鶯花暮驚心兔麥秋可堪圖畫
裏池草重添愁

評云

着題可喜鶯花兔麥對偶巧而不卑

壽李侍講世賢二親

教子官 鸞掖同妻隱鹿門此時方具慶前
歲已馳 恩珠翟頭初白青藜眼未昏會應
躋上壽膝下見玄孫

評云

穩重

寄李大尹因時上舍附上

故園不見動經年時復人傳令尹賢桃李有
花春繞縣村庄無吏夜徵錢印從事少文生
綠琴為彈多指膩弦遠地忽聞歡不盡題詩
叩葑孝廉船

題漁舟便面

不了烟波事非關傲列侯懸厓斜出樹折芡
倒侵舟天濶鴈愁度水寒魚倦遊科頭蓬底
坐話盡忽驚秋

評云

中聯俱好三四尤佳

兩翁閒坐處抵掌話封侯
鴈影沉江水蘆花隱釣舟
始知九鼎食不及五湖遊
却笑磻溪老逢人髮已秋

寄呂都憲天章

獨擁旌旄駐漢關
勲名不讓虎頭班
兵臨沙漠風雲合
威振單于士馬閒
可但肝腸堅似鐵
也知號令重於山
裁書幾度慚還止
老我接遲省署間

寄郭澹

都憲之子

問年猶自少終軍
對客揮毫已善文
金彈不

曾綠鳥擲蘭膏
時復為書焚而翁
舊共青綾被
老我空懷白練裙
今日寄詩聊爾爾
他時看汝賦凌雲

崇恩樓

周尚寶所創蓋以藏三朝制誥者

不為殘年惜俸資
清溪溪上構新居
兩肩華髮三朝寵
百尺危樓滿架書

聖製煇煌追帝典
名流歌咏過黃初
主人况是先憂者
暇日登臨思有餘

寄郭都憲

一從車騎駐桑乾
欲寄音書鴛到難
去病又

增新食邑子雲猶拜舊郎官省中青瑣頻年
別塞上黃雲盛夏寒最是憶君無那遠空勞
魂夢繞邊關

評云

次聯不
及前聯

送錢世恒赴廣南料理邊儲

太倉粟陳紅四海正寧一

天子念邊儲臺臣持斧出悠悠赴南荒飽歷
蛟龍室所至更弊端庾胥應股栗乃知激揚
才亦諳會計術漳雨細於塵瘴烟暗於漆借
問彼唱籌何如此簪筆願言聞早歸

鶴首觀 天日

輓畢大尹

三春返哺慚烏鳥萬里歸心付白鷗相識祇
知仁者壽夫人豈謂卒于官東風花縣吏應
泣落日秣田人不還最苦阿戎聞訃處解冠
揮淚別劉寬

壽韓孺人

記得歸龐老當時髮似鴉而今垂白髮初度
對黃花建業家應舊淮陰胄亦華題詩聊致
祝桃熟歲方賒

壽林待用父母

都官堂上白頭親，歲釀黃柑一甕雲。隔月壽筵凡再舉，百年遐筭已平分。山中舊業惟籬菊，廡下渾家只布裙。共此優游應未老，會嫌竹祖笑桐君。

題携琴訪友便面

野叟携方竹，山奴抱古桐。知音渾不見，延佇夕陽中。

又題山水便面

遠寺鐘聲盡，空江月色新。倉忙沙岸者，應是

後歸人。

評云

冲淡有深趣

送周仁廣通判三首

除紙親持出

帝居福州民吏候，征車莫教瘴海炎。鄉化不及方城漢水初，時望盡歸新別駕。家聲猶屬舊尚書，懸知別後懷君者。極目停雲倚直廬，門巷應嫌俗轍通。草堂買占市橋東，官廳禁署同卿月。人出名家有父風，久判此中千日醉。未能忙裏一尊同，何當共學嵇中散。矍目

林間送去鴻

評云

卿月父風
對屬太巧

頻年杖屨得追隨
今度園亭醉莫辭
騎馬慣忘通刺入連墻
深悔定交遲
室懸別榻空勞下
笛據胡牀已盡吹
却笑世間反覆手
恩私容易向人施

題王彥明秀才畫中梅花

曾到江南見此花
托根多在野人家
縱令他日調羹用
只解含酸濺齒牙

遊潭柘山龍泉寺限韻

聽盡泉聲看盡山
好山仍在翠湖間
一身酒債兼詩癖
半日僧忙讓客閒
老屋人家多玉著
斷碑年月紀完顏
却疑此地非塵世
挿竹沿流誌往還

評云

第六句可
備故實

落日蒼涼拂樹林
一聲清磬出雲深
已從睥睨知山近
更與殷勤着屐尋
石磴縵迴蘭若外
野僧閒立貝多陰
同來我亦萍踪客
載酒何年此重臨

評云

山境幽夔寺僧閒適故殷勤尋訪
又欲載酒重來也應得委曲盡妙

東田漫稿 二卷 四十一
王太史園亭同明仲洗馬圭峯侍讀西
涯侍講曰川修撰正夫提學小飲

再到王猷看竹庭新梢無數入簾青酒開上
若斟瓊液門對青山列畫屏晝永陰雲垂雨
脚樹深幽鳥墮風翎相逢莫漫談曹事恐惹
花枝笑獨醒

評云

佳作佳起
得十分豪健

銀燭光搖四座寒主人留客興多端春分酒
出吟懷逸夜合花開暑氣闌行愛莓苔常避
屐坐便風露偶忘冠同來莫惜同傾倒塵世

相逢一笑難

評云

自在
可喜

次夏憲副留別韻二首

明日都亭餞使君為君今夜賦停雲十年南
北名空仰兩月東西路又分尊酒不勞辭滿
酌簿書須莫事深文淮陽此去還當召好趣
征車見 放勳

逆旅逢君又送君可堪離思繞行雲客程水
路兼山路夏事三分已二分知己豈無揚得
意憂心空切范希文平生賴有閒風月足向

詩壇別立勳

夏憲副除山東得 旨詩以賀之

貞元朝士幾人存君又驅車出薊門
兩月外臺聊借重三年東海定無
冤文章董賈纔堪並學術申韓未
足論此去也知非遠別可禁蕭索
對清尊

次韻喜羅洗馬得孫

短檠誰繼讀書燈梧竹孫枝喜又
增此日開顏先慰祖他年正字莫
遺朋人間已應麒麟北夢乘行將
鸞鷲憑料得玉堂初報處紫薇

花外引鈴繩

評云賀孫勳題又押鈴韻故用
事大亦不得如此

夏日訪李鍊師

紫霞盃裏注黃流來鶴亭前記舊
遊得句喜狂渾折屐掃苔環坐共
科頭殘鴉背日初投樹新月窺人
欲上樓不是奚奴催返轡會須
秉燭夜深留

巨勝花開候道流共言今度是重
遊坐依高樹驚蟬蛻歸見斜陽墮
馬頭滿地碧苔倚小院一聲鉄笛
隱重樓何當月夕風晨裏尊酒

期君十日留

評云中聯押韻
九覺勝前

壽宗勉馬司封

京國逢君已十霜情深爾汝兩相忘道分南北原同姓曹隔東西揔是卽再歲登堂人未老百壺開宴酒初香將來願似陶弘景白髮蒙頭眼更方

送程貳守赴嘉興

再領銀青赴浙川暑風將雨濕征衫十年郡國繁霜鬢萬里關河耿布帆奉檄又叅新府事判花仍署舊官街東南閭說多彫敝此去憑君遠寄緘

集杜送王彥平

蒼惶忽就長途往萬里風烟接素秋念我龍書數字至悲君已是十年滄久存膠漆應難並高視乾坤又可愁此別應須各努力春山無伴獨相求

秋懷和振之病中韻

宮槐涼影坐間移曲几方林靜可依稀久不知殘葉下起來錯認落花飛南風不競西風

東田漫稿 二卷
急新髮無端舊髮稀
獨有醉時心尚壯
恥惡中夜泣牛衣

評云三四見
得病意

小畫景

橋頭泥滑滑
山腹雨飛飛
戴笠支藤者
應從城市歸

重陽前四日

茱萸酒熟授衣時
遠客登樓有所思
一舸腰頻移帶孔
十年面已似靴皮
雨聲向竹無虛葉
風致瓶花僅折枝
幾度欲投章甫去
此生

爭受

九重知

評云五六
好

題戴文進送別圖

白雲紅樹路悠悠
三兩行人古渡頭
一向江南一江北
不知何地著離愁

送定師歸淮南

幾年遠故國
今日送歸僧
薊北天將雪
淮南水未冰
喜飛名刹錫
還續舊壇燈
不道東山路
支公獨養鷹

祠部來南土
袈裟離北州
自稱臨濟派
人道

遠公流下水孤槎晚邊淮獨樹秋遙知到山
日說法見獼猴

評云五六似
唐人

贈林千戶

將軍豈合領牙籌到處風光豁壯眸萬里雖
同韓滉漕十年真作子長遊別離都下水霜
早歸去江南橘柚秋何事山川看不盡更為
圖畫感孤舟

十月十七日同鄧侍御宗周巡視京東
馬房迄歸得詩十五首通州道中三首

一官羈絆老京塵此日重臨析木津黃葉樹
兼紅葉樹黑頭人變白頭人來牛去馬生涯
倦南陌東阡世路新賴是雲山行處有不然
何地著吟身

曙分平麓少風塵野色蒼茫遠帶津瘦馬獨
吟行部客蹇驢遙辨上京人天寒白馬霜前
度木落青山雨後新却笑經年在城市匆匆
真是不閒身

又駘羸騎出東城官道無塵似掌平南去比
來今老大舊村新館幾紛更樹頭敗葉經霜

東坡詩集 三卷 四七
盡天末殘霞照水明惟有青山終古在淡粧
濃抹送人行

泔石橋公館題壁用前韻

鬢髮髮髮足黃塵遠道初窮涉近津駐節暫
留中監宅題詩還對北臺人酒乾銀甕寒應
退燭剪金刀話轉新明日又鞭官騎去萍蓬
終恐是前身

館中有老中使自言鄉里人索詩甚勤
用前韻漫賦一首

多少貂璫在後塵黃金小帶立華津感恩猶

先帝聞語遙知是北人沙苑久居風致美霜
天留飲月華新醉來却笑涼州守斗酒何勞
致此身

官庄道中

內廐養馬草場

漠漠平沙野望寬漢家小苑近長安孤鴻墮
日青山小萬馬嘶風白草寒遠火隔村明候
館驚塵如霧撲征鞍長途不盡吟懷倦始覺
人間行路難

評云

三四鍛鍊甚工

宿北石渠公館次壁間韻二首

十二天閑此最遙
蒼山重疊水周遭
偶來中夜占天駟
自笑微官類馬曹
歌枕嚴更初隱約
打窓寒葉正蕭騷
無端更被詩神惱
撚斷吟髭月漸高

評云五六雄豪自在

小隊清笳引路遙
酒標隨處苦相遭
偶然有作留山館
見者休驚是水曹
零雨出門泥布護
長風吹帽髮刀騷
明朝西掖相望此
一抹寒雲鴈影高

石渠阻雨

沙村孤館迥客到亦應稀
木落山新瘦泥深
雨正肥長途愁去馬
薄冷透征衣欲發還成
住空勞詠式微

登孤山書寶峯寺二首

野寺凌山頂羊腸一迳斜
客來嘶驥裹僧出
具袈裟遠岫雲疑雨
寒天樹歇花嗟予行役
倦就欲此移家

禪宮金碧照林丘
人道重經內監脩
鶴擾下聽僧說法
犬鳴知有客來遊
山腰石潤初過

雨碑額苔深不記秋不是簿書催我去放歌
於此十句留

評云

二聯有風味犬
鳴字未經見

宿南石渠公館題壁

酸風吹破山窓紙寒月窺人到石林惟枕不
眠聽鼓坐一更聲短一更長

評云

末句即坡公所謂
長短更也可笑

碑刻月梅

寒天日落孤山黑南北東西不辨行惟有梅
花先得月一枝踈影自分明

評云

格致甚高脫灑飄
逸惜末句氣索

村館偶書

荒村逢館主留我日將晴落葉紛天井濃茶
出地壚得詩求益菜敗興極催租不是衝泥
怯前庄就野夫

石橋老中使送予至官庄別去再一律
遺之以酬其意

小窓剪燭曾同話遠道迂車復送行樹下我
無三宿戀客中君有十分情飲之醇酒惟知
醉報以新詩固不輕臨別匆匆還致語幾時

驕馬入都城

評云

尾句眼前事語
但無人道及耳

次韻送李德馨少叅進賀

萬歲節表還江西

紫宸韶護慶長年萬國衣冠聚日邊按節喜
君來遠道病軀慚我類瞿禪襟期至此還多
阻會合於人少十全莫怪向來情落莫杳無
一字寄江天

送陳推府還徽州

雙闕纔呼萬歲聲又鞭官騎出重城甘棠有
樹還聽訟凍柳無枝可寄情離夢不隨燕鴈
斷歸心遙望婺星明郡齋到日如多假好為
裁書達

帝京

壽董都督

曾提虎旅鎮吳中老棄兜鍪伴赤松肯為雞
鳴還舞劍自甘鳥盡合藏弓客從元日知生
日子以儒風繼父風試向貂蟬班列數幾人
福壽得如公

送孫約之僉憲致仕

早向 明時遂引年都門為別思茫然分
司舊摠三章法負郭今耕二頃田林下似君
能有幾道傍觀者共稱賢何時我亦投簪去
擬近香山結數椽

送于守正還鶴慶

雙旆衝寒入

帝京路人猶識舊乘驄二年謫宦丹心在萬
里歸來一索空獻納固應思汲黯平反却喜
得于公相逢且盡燈前酒榮辱升沉摠夢中

壽濟南湯氏二親

此翁此姥髮如絲壽酒平分醉玉卮尚父共
稱天下老大家真是女中師蟠桃並蒂三千
歲花甲同庚八十時况復家臨東海住神仙
應已識安期

填北馬房

按節來沙苑駟馳半日間地寬饒白草林亭
隱青山落日鴉還樹寒天馬入閑主人留飲
慶燈火夜爛斑

評云 中二 聯好

北高馬房

樹色曉龍蔥相逢

御苑中詣山初得日萬馬正嘶風座擁金璫
賈歌番玉樹工嗟予猶病酒三爵未能終

湯山馬房

萬馬平沙祭錦雲纓黃遙望杳難分斜陽舊
識吳門練老眼今看薊北群冰度野河連底
凍草經獵火帶原焚晚來還借官坊宿長短
山更徹夜聞

黃土馬坊

歷盡天閑此駐鞍主人留飲故情懽燈傳火
令燒殘夜酒檀兵權戰退寒隔座偶成詩草
草歸期漸指月團團此行不為公家事安得
閒身逐豸冠

過洪法寺次韻

白髮吳僧健談空坐講堂留人多啜茗供佛
祇焚香日落鴉爭樹天寒鶴共房嘆予行役
倦風雨欲連林

評云第六句好

歇馬城西寺林幽斷宿攀鳥窺遊客下雲共
定僧開萬竹偏東長諸經自

內頌茲行亦奇絕日暮不知還

夜長餘刻漏身病戀衾裯老樹風驚夢疎窓

月照愁

評云此絕甚佳中

喜雪唐以上語也諸歲十一月二十六日遂寧學士

揚先生有詩因次其韻

一夕氛氣暖重重年盡冰花馭朔風官道白

從今日始群山青戒舊時濃自緣

明主回天意不獨貧民兆歲豐我亦有樓高

百尺曉來登眺快元龍

再次前韻

誰啓瓊樓十二重亂飄瑤屑下天風萬家農

事占年稔四郭山光失曉濃郢曲調高慚下

里灞橋思苦入新豐世間醉眼休驚怪不是

長空戰玉龍

評云雪詩自難故二

三笑圖

東晉山河半屬劉虎溪橋水尚東流當時空

有真豪傑也只林間一笑休

評云觀此則東晉不亡

乘槎圖

一望銀河萬里長，人間天上兩茫茫。不知博望乘槎去，曾有書來慰武皇。

評云：起句好，末不稱。

穀日題艾鍊師壁次韻

古墻風雨暗莓苔，老我重騎瘦馬來。玉屋楸枰依舊在，玄都桃樹幾番栽。感時懷抱徒增劇，過眼年光更不回。便欲乞官勾漏去，自慚不是葛洪才。

十七日送李明府

征車又駕出重城，楊柳東風拂面輕。

三殿昨隨方岳覲，百壺今送使君行。向來盡省雲山隔，此去花封父老迎。我幸有親俱白首，喜逢賢令過餘生。

送青縣劉明府

早春飛鳥覲，瑤京又向都亭折柳行。

天上已沾新歲寵，馬頭還問舊時程。到官桃李花初暖，在路風烟曉正晴。此別相逢定何日，依依雲樹獨關情。

送客過法林寺

地僻無人到時因送客來斷碑橫道左清磬
出林隈日午僧猶定春寒花未開忽思塵世
累欲去更徘徊

輓陸侍御抑之二親

怪底江天雲霧裏少微星隱婺星藏壠頭春
及無龐老廡下年來失孟光茅屋月臨機已
斷野塘風冷屐猶香可憐遊子還家日淚血
洗瀾洒夕陽

題畫雪景

山人住向水雲鄉一夜雪深三尺強已辦青

錢沽酒到小舟仍喚打魚郎

評云

此絕句好未
句不蕭索耳

花朝前一日過真空寺

野寺年深水壞垣數家半落不成村看碑人
去鴉還樹乞食僧歸犬候門古殿不關空白
畫殘燈無燄欲黃昏我來聊復題詩在塵壁
從教暗墨痕

評云

曾遊此寺者方知
此詩模寫之工

清明謁

陵出北關

瘦馬凌兢度北城野田隨處有人耕數家茅

屋村邊合三尺青旗柳外橫風景滿前聊爾
爾 寢園謁後重行行東華漸遠清河近此
是 西陵第一程

次清河

晴山疊疊水泆泆沙暖芳洲睡鴈群到處青
旗非舊主誰家黃土蓋新墳貴游萬騎兼千
騎春色三分已二分清景滿前酬不盡詩才
應媿鮑參軍

次沙河

長嘯沙邊起白鷗東風芳芷思悠悠野桃臨

水繞半面山杏出墻剛一頭歇馬暫依沽酒
店渡人曾借打魚舟

諸陵望望 神宮近日照黃金萬瓦流

評云

清新婉媚
自是作者

過通濟橋東同事者

野店村橋馬去遲垂楊十里正絲絲人家又
過秋千節天氣渾如夏五時燕掠飛花衝去
旆龜眠芳草載殘碑同來總是傷春者何事
春歸獨欠詩

評云

二詩俱高妙却
恨末句俱氣索

東坡詩集 三卷 五十七
與昌平館人話舊二首

山館相逢及暮春，風花又是一番新。
舊遊在坐嗟無幾，往事重論記失真。
醉後酒母多酌我，老來詩已不驚人。
八年省署頻行役，潦倒無能媿此身。

北來重向此停驂，地主留人酒正酣。
簾捲斜陽通晚燕，紙經新水浴春蚕。
茲行管取一年一，明發又逢三月三。
安得粗酬身世了，醉歸花底墮華簪。

發昌平道中遇雨三首

欵段搖搖去路長，東風吹雨濕衣裳。

諸陵漸近山光紫，三月纔臨柳色黃。
春事每先官事了，老年番比少年狂。
道傍翁仲如相識，笑我來多兩鬢蒼。

曉發昌平道，餘寒襲緇袍。
陽坡平似掌，零雨細於毛。
柳色東偏重，山形北漸高。

長陵在何許，奔駁敢辭勞。

用韻

一年一度駕征駟，老去邯鄲夢獨酣。
誰道知長能及馬，我嗟性巧不如蚕。
茂陵松栢園應

十揚子龍蛇世已三安得便拋塵鞅去免令
華髮上朝簪

和齋房聯句韻

徙倚虛簷送落暉清明烟火望中微林花欲
盡風猶惡山雨初晴雲未歸天外斷鴻來渺
渺水邊獨騎去依依憑誰為起文園病猶及
春前可拂衣

評云

二聯好未句亦只是前數
篇意却喜壯健不疑索耳

齋居

齋廬久坐嫩寒生四壁蕭然一炬明聊假寐
餘還假寐舊經行處重經行林深似有山靈
泣風靜惟聞捩馬鳴爭及夜來村館裏倚榻
吟度短長更

謁裕陵

燭影幢幢寢殿寒東壇祠罷復西壇太常
奠獻遵周典都尉齋明肅漢官香氣滿天蒸
宿靄松聲入夜雜鳴湍小臣曾沐貞元治瞻
仰神宮欲去難

再過館人題壁

山縣春晴花柳妍欲歸重向此留連感時一

東坡詩集 三卷 五十九
百餘五日計齒三旬又九年揚子有官猶執
戟茂陵無樹不參天醉來暗與心相約酒量
詩才總媿前

評云五六淹帶可傷

歸途和汪文潔韻

木末纔窮到水隈山靈留我故遲回春光已
盡方探杏病眼驚看錯認梅路遠市橋聊駐
馬償廡村釀且啣盃無端苦被斜陽惱特隔
平林一見催

沙河道中

時初二日清明

遠道歸來勝得春清明節與禊除鄰紙錢已
見祠新鬼珠玑明當賦麗人衣近浴沂單可
着酒逢禁火冷猶巡何須重憶當年事綿上
山陰總不真

評云第四句可紀事

贈鄒訓科

春滿旗亭柳萬株杏林人去賦驪駒蹇予多
病渾如沈恐爾前身或姓盧鶚薦有書隨上
計鵬程即日便南圖湖相近說民彫瘵憑仗
刀圭療得無

評云

雖未免用醫家故實然
中調詞戲語亦自可喜

遊白雲觀二首

春老玄都觀劉郎又獨來
草侵蝸砌長花傍鳥巢開
白日長還靜遊絲去復回
詩成吟未穩踏遍一庭苔

評云

尾句可喜

沐浴聊過此何妨醉借苔
東風花尚好前日燕初回
官事未易了好懷胡不開
主人如愛客百遍亦能來

評云

此是韻

靈惠寺訪亮上人二首用韻

簷蔔花香盡日留矮窓團坐
對湯休階前草合無人到
簾外春歸有燕秋莫道光陰
非過客也知塵世似虛舟
何當便結束林社不向城中作漫遊

長廊高樹夕陽紅坐看遊絲墮
碧空量減不禁蕉葉酒春殘
已過柳花風家鄉白馬青山
外心事黃簾綠幕中莫向浮屠
誇靜勝朝朝騎馬薊門東

評云

雄渾感慨

遊房公城西別業

平生山水元多癖此日風光始出城
春已去殘猶未雨地因來少不知
名吠人村巷時聞犬立馬溪橋獨聽鶯
賴有詩家房次律一尊花底待同聽

題其先塋次韻

高冢纍纍對遠岑
穹碑文字已苔侵
階前未許崇韜拜
林下時容德操尋
方圃繁化留晚蝶
斜陽深樹變春禽
我來掃石題詩在
為感松楸故國心

評云

五在六在

再用前韻即事

捲簾坐對郭西岑
清曉惟餘爽氣侵
此日一尊聊騁望
何時聯騎許重尋
官閒已免羈塵鞅
林茂兼聞轉夏禽
便合放懷成痛飲
肯教辜負百年心

再即事

北苑臨初夏南風襲
芡袍樹因花長婚筵
與竹爭高輕靄天
施幕新莎地出毛
何由消此日揪局與松醪

紅梅

上苑花光別是春一株寒玉漬紅雲真妃半
醉葡萄酒湘女初圍茜草裙東閣詩篇元未
及西湖風月許平分而今漫有幽香在已與
南枝迥不羣

評云

如此詠物亦自可喜

題馬湖知府安士官家世卷

露冕行春荷

主恩百蠻迎處拜朱轡傳家已歷漢唐宋作
郡兼聞祖子孫季扎比來賢始著尉佗南向

節猶存即今四海車書一留取忠貞照後昆

宣溪宅會飲限韻

種竹庭依柳市東一樽談笑北窓風情深却
恨交猶晚老至那能日再中世事奕棊看已
倦人心如面了難回何當便結青山社不作
朝來木槿紅

夏日過長慶寺次程諭德韻

禪房幽徑隔花分老衲留人禮數勤旋碾綠
塵供茗具細刻蒼蘚辯碑文庭槐初合藏鴉
舅山雨將來戰蟻君到此頓令懷抱爽回看

軒冕是浮雲

贈唐宗明少卿赴滁州分寺

一尊相送出瑤京陌上涼風白
亭輕老我舊同青
瑣客多君今拜馬曹卿
天香滿袖辭三殿
江雨掀篷過石城
想到滁陽官事少
醉翁亭上聽泉聲

送楊重光弟還閩中次其韻

岸柳陰陰白鳥雙
行人歸思繞蓬窓
還家謾作荆山泣
失意番令李邵降
池草有詩勞遠夢
筆花何日灑長江
閩中列岫青無數
誰辨

尋常石與珙

評云前六句俱好

禁直寓懷

搔首埤垣對落暉
鄉心撩亂宦情微
八旬老父雖猶健
七品微官未得歸
畫省也知勝白屋
青衫無那誤斑衣
不須蘧瑗行年到
已覺從前事事非

評云情真故一氣下來不厭直

和楊文卿近寺假榻

風景依稀杜曲南
碧槐庭院畫潭潭
門深過

東坡詩集 卷六 六十四
客敲應再厨澁兼僧食僅三息慮有時同戒
定攢眉無復更沉酣知君此日惟高枕一任
浮雲蔽蔚藍

評云

通篇自在不似
和詩起句尤佳

贈郭都憲謫官射洪

曾駟組練淨胡塵蜀道於今作放臣豈是
朝廷輕用法自緣州縣合勞人

賜環消息知何日橫槊分明誤此身去去定
經斜谷口莫將成敗問遺民

夏日飲李公宅次韻二首

種來窓竹過墻不客到簾應為竹鉤風景隔
年渾似昨園亭過雨忽驚秋每慚坐席香三
日敢向詩壇較一籌薄暮出門成獨笑此生
長為酒杯留

門巷還容再到不醉歸曾計月如鉤花間雨
過香猶濕竹裏風來爽似秋但願長繩能繫
日從教滄海易添籌何因得脫羈銜累此地
高歌十日留

評云

勝前
篇

劉臣節員外宅小酌次韻其弟朋節侍

御同在坐

老我無能兩鬢星每從昆玉挹餘馨情深酒
價寧論費思苦詩神欲乞靈隔座繁陰隨日
轉撲簾雨氣借風醒醉歸况抱文園渴準擬
分泉入夜瓶

題童勉和便面

黑雲天際垂白浪江間作說與扁舟翁前途
風雨惡

評云佳

和楊重光韻兼東照一天上人

高樹涼生暑解嚴客窓風味許誰兼越南羈
客惟莊舄吳下詩僧數道潛賓館有特勞貫
酒故山無日不釣簾止緣禁直經過少滿地
蒼苔苔護笋尖

評云韻愈險句律愈莊重
渾成故自不可及

和楊文卿近寺避暑

蕭寺移居避市喧小窓清比綠筠軒也知未
了詩篇債猶喜權無簿領繁龕近殘燈分許
半井寒烹茗汲多渾想應不似邯鄲道軒冕
年年役夢竟

東坡雜詩 二卷 六六
次文卿待用重光聯句韻二首

遠公蓮漏幾籌添話久僧先讓黑甜涼雨忽
從林葉到曉晴還伏燭花占靜便此地塵喧
少貧幸西隣酒價廉怪底夜深衣袂濕陰雲
猶自宿重簷

流年白髮鏡中添潦倒深慚蔗境甜此夜客
邊聽雨坐幾時歸計許眉占簿書債了還何
益山水情多獨未廉偶共故人清話久濕螢
無力墮前檐

馬東田漫稿卷之二

馬東田漫稿卷之三

東田馬中錫著

沙溪孫緒評

筆山文三畏校

新春二首

草堂昨日受新年無那東風太放顛吹破紙
窓奔野馬翻殘書案亂蒲編崎嶇末路猶雙
屐羞澁空囊祇一錢如此情懷空對爾豈徒
堪恨落花前

評云

受字
可喜

東風榆柳變新烟水暖池塘倦鳴眠詞客漸
輸沽酒券王孫先辦買山錢自嗟華髮仍多
病空負青春正好天留取牀頭筇竹杖踏青
扶我待明年

春雪

春雪深三尺柴門僅一開炕溫兒懶下路掃
客初來壓樹枝垂瓦烹茶水沸雷所希能瑞
國忍凍把詩裁

人日

世事勞形鬢雪侵况逢人日晝陰陰半生兩

泣思親血萬死難回報

主心野外尚聞多白骨牀頭何必富黃金東
風無限傷懷處消得凭闌一再吟

評云

三四悲婉
不忍讀

上巳拜先壠有作

郭西先壠枕城闌上巳時臨奠一尊男女分
行昭穆序祖宗遺德子孫繁掃勤豈有樵登
墓祭罷惟多丐乞墦却笑唐陵并漢寢石麟
無語卧荒原

春日同宗遠措大高峯上人遊東園限

韻有作

滿座衣冠盡舊遊况逢僧是遠公流花香草
暖纔三月犬吠鷄鳴共一丘樂事可應輸白
社宦情久已付滄洲同來祇欠朱轡客日暮
停雲使我愁

評云

不得第四句則第三句止是平語耳是日公兄吳興太守不與故未

云句云

次西田述懷韻

十莖玄髮九莖皤青鏡流年可柰何殘齒未
忘綾餅惠壯心還擊唾壺歌

朝無故識如戡在業有新吟比仲多回
五雲天北極馮唐事業轉蹉跎

評云

三四句可念五六句可喜

與客遊東園限韻

春闌興未闌着屐向林間草軟色堪誇樹低
枝可攀斜陽催短景薄靄釀餘寒客散柴門
靜歸鴉意自安

評云

頗逼老杜

自理隙地植花

自闢庭前地為方十笏賒土寒難種竹水近

東田漫稿 三卷 三
易澆花留草觀生意分春過別家何須師老
圃方始得生涯

評云第六
句新

燈下

手罷殘編對短檠感時懷抱不能平人心
伏千重險世態春無十日晴甚美終然藏
惡多愁政爾坐多情何因得似浮圖變濟
東祠過此生

次前韻

春雲低樹鷓鴣鳴清曉登樓野望平近郭
家初播種養花天氣易陰晴危闌偶受東風
倚芳草偏勞遠客情況復日來新病起沈腰
消瘦可憐生

寄王世賞內翰

京國歸來歲月深故交一字惜於金已分天
上人間路空切江東渭北心多病未能忘藥
裹此生無分更朝簪封書却寄雲霄客抱甕
知吾老漢陰

評云

亦是第四句喚
得第三句精神

中年少睡長夜感懷

夜長不寐覺神清月轉踈檮紙半明自是衰
年應少睡况兼世事更牽情聲聲漏向牀頭
數句句詩於枕上成爭及華山陳處士白雲
高卧了平生

誌夢進退韻

夢裏分明見玉容醒來依舊各西東蓬萊水
隔三千里巫峽山迷十二重花月嬾娜猶似
昨梨雲落莫竟成空不堪歌枕尋思處腸斷
孤城一杵鍾

評云

觀此作似當衙轄怪
矣健美之餘不勝欵悃

過塔院尋泰上人偶作

縣城南面水西涯樹繞村回路不賒出屋青
旗知酒店倚門紅袖是誰家居民慣識難乘
馬健僕扶行穩當車莫恠歸來常薄暮東林
惠遠坐留茶

評云第六句好

登縣城南樓

城邊踈柳薄籠烟城上高樓迥接天東望岱
宗三百里西來漳水幾千年笑談聲徹浮雲
外芻牧人歸落照邊倚遍闌干渾不厭渚鷗

東田漫稿 二卷 五
汀鷺總堪憐

評云三四是唐人語格

禱雨無應亢旱彌深感而有作

望絕農時雨露遙密雲低日在西郊臣嘗有
疏天忘耳民果何辜地不毛旱魃豈真能
肆虐乾封自古只徒勞憑誰走報東方朔早
晚長安米價高

和西田所誦無題詩韻

軟玉嬌如病香雲倦不梳臨池添齒蓄對月
少蟾蜍枕畔知心後筵前識面初每思腸即

斷忍讀寄來書

有所思再疊前韻

想像當時貌雲鬟內樣梳鞦韆金插蛺蝶領玉
綴蟾蜍淺黛春山遠嬌姿艷杏初而今成間
阻何處可通書

評云勝前

春遊東園

莫向襄陽問習家且從茅屋醉年華浮生能
有幾多歲芳樹尚餘三兩花田壠麥深初沒
雉水塘沙涸未鳴蛙與君傾倒不須惜塵世

紛紛事若麻

評云三四回傷爲一事山形依舊枕寒流者

此語似尤勝

再疊前韻

柳市東頭第一家草堂清楚敵繁華病中杖履猶隨酒春後園林漸失花藥圃分泉牽玉虎松牌題句涸銅蛙同來况是同心者不媿孤蓬欲倚麻

初度

火虎司年得此身眼看四十二回春半生南

去北來路每日東塗西抹人九曲有腸空白苦十圍無腹故應貧長生美酒朝來熟先壽高堂白髮親

官堤春行

堤柳垂垂陌草長偶隨流水到斜陽溪邊網散魚吹浪花外車來馬觸香鐘鼎於人真孟浪林泉得意且徜徉村翁笑我猶多事日遣奚奴負錦囊

評云俱好

東園次前韻

東坡詩集 卷之三 七
出郭行吟野逕長
村村桃李類河陽
人眠芍草衣沾綠
尊落殘花酒帶香
萬事筭來輸酪
酏百年能得幾
徜徉從今牛馬
皆堪應處世
何勞穎脫囊

春夜同泰上人話舊有作兼東坐中諸君子

坐久東林月漸升
良宵清話病猶能
花前補衲僧
全老石上爭碁
我亦曾倚壁未
規方竹杖閉門
重剪小龕燈
年來此地應蕭
索塵委空罍不
養鷹鳥

同泰上人縱步東園偶作

散策東園一徑斜
去城尺五未為賒
春光試暖先揚柳
風信猶寒困杏花
心靜久無朝報
擾眼明應少市塵
遮從來此地誰為
伴惠遠年高髮亦
華

評云三四明
媚可喜

春夢

塵世勞勞虱處禪
暫時一枕卧東軒
蚍蜉絕屈守槐國
蝴蝶又招遊漆園
官境寵榮兼謫辱
故人零落忽生存
醒來萬事皆無有
滿

東坡詩集 三卷
地梨花晝掩門

和沈仲律提學見贈韻

宦情全減道情添老屋黃茅取次苫地僻喜
君來得得身閒折我病淹淹箋天事徃空搔
首即席詩成共撚髯便欲相從問相識蒼生
誰爲察眉尖

暮春遊東園

聞說園林春色老強扶衰病從君遊梨花點
帽亂如雪棘刺挽衣堅勝鈎坐久瘦軀憑几
閣日長清興倒尊休人生何必爲形役華屋

蓬門等一漚

評云三四語晚唐人語

次眉菴韻自述

十載承

思立諫坡歸來還作飯牛歌無人更避揚朱
席有客方銜李白靴家業蕭蕭生事少顛毛
種種老形多早知用世渾無益只合終身隱
薜蘿

秋夜酒醒爽然無寐感而有作

竦櫺射月紙鳴風萬斛愁懷向此中老母在

堂漸列野先人即世廢良弓匆匆歲月隨流
水落落生涯類轉蓬惟有丹心終不改欲持
晚節效韓公

雪夜

數盡殘更撥盡灰不知門外雪皚皚詩憑白
戰且降矣酒

賜黃封安在哉斗帳寒疑風竊入紙窓明訝
月初來侵晨試上危樓望直北深迷郭隗堂

評云未謂禮賢無後
燕昭王也

詠雪和韻兼疊誌夢各一首

暮暮同雲四野垂漁簑江上畫堪竒農占宜
麥飄當又松作僵龍擬可差獨往禦寒須仗
酒苦吟禁體亦成詩夜深無寐驚窓白墻外
時聞折竹枝

評云雪詩自難又和難韻
如此作亦自難得

柳比腰肢花比容分明昨夜桂堂東情悰繾
綣渾如故言語丁寧不厭重蠟屐自來同是
累黃梁醒後亦成空古人有語君知否不要
功名上景鐘

評云起句真
是夢詩

夢中誌所見

來時款款去匆匆笑語悲啼恍惚中舊約已
迷巫峽雨新粧猶倚杜常風枕邊玉漏沉還
滴窓下銀缸滅復却被鷄聲驚覺起不勝
惆悵桂堂東

至京師呈

雙袖龍鍾破笠斜又騎羸馬客京華傷心蘇
武歸來杯滿日劉郎去後花往事謾勞驚昨
夢吾廬今已屬誰家明朝後恐匆匆別末路
崑崙未有涯

評云

三四情况可念然不應以劉禹錫

泰陵北唐憲宗則得矣

謝畢司封惠紙筆

簪筆箋天事已乖故人猶自謬憐才惠來兔
穎兼溪楮絕勝鷲毛及隴梅從此不須憂價
長當時曾亦夢花開感餘欲報瓊瑤句陡覺
衰遲萬慮灰

評云

兔穎鷲毛溪楮隴梅雖傷于巧亦難得也

答王宣溪

惠來珠玉自橫斜似惜睽違隔歲華拜領此

東田漫稿 三卷
心應有媿諦觀雙眼欲生花雕虫未技歸餘
子倚馬高才屬大家嗟我一麾今潦倒敢回
詩酒作生涯

和玄善世

隻履西歸道亦歸高僧出世更扶衰了經殘
月歸龕處說法諸天遶坐時
先帝賜衣今尚在祖師傳鉢鎮相隨我來不
盡題詩意恐浣山人洗墨池

評云 第三句好

絕句二首

春草碧連天春鶯黃妬柳行人歸未能且醉
長安酒

評云 佳佳作

寄語長亭柳東風莫漫吹黃金臺下客猶未
有歸期

評云 後篇模放太甚不及前作

再補外臺

醉歎烏帽裹鞭絲依舊長途老畫師知已漫
勞深惜別遠匡已喜得量移官亭揚柳前年
酒春水靡蕪此日詩却恐路傍雙堠子笑人

東田詩稿 卷三
來往欲何為

評云

三四好謂自雲南
集司復除閔陝耳

題漁樵小畫

釣歸柳市魚爲酒醉卧蘆洲水作家若向此
中論歲月磻溪不及富春賒

一卷殘書兩束薪歸來愚婦苦相嗔時人莫
笑貧如許猶勝臨邛滌器人

捕魚二圖

腋持武陵棹柳貫武昌魚寧犯波濤險不同
豺虎居

曉把木蘭橈橫肩笈箸出夜來春水生應恐
沙磯失

百禽雙鳳圖爲宋黃門廷用賦

金盤曉掛扶桑樹萬國須臾歛雲霧天風吹
下雙鳳凰鳴聲一一諧韶護憶昔長楊五柞
宮選徒千乘旌旒紅韓氏金丸每竒發鷺禽
遠避平原空武皇仙去五孫死狗監鷹坊俱
廢弛上林春霽百鳥閒旦夕啞啾亂人耳初
聞黃鳥遷垂楊巧舌百轉真如簧次聞博勞
惡聲鳥亦以缺舌鳴其傍乾鵲媚時惟報喜

向人強聒殊未已鸚鵡南來鸚鵡西竊爲人
語終不似凡此等類俱庸禽百無一二能好
音若持媿美丹山喙譬以箏琶誇素琴黃門
此圖未易得無乃畫工巧比德寄言百鳥且
吞聲鳴鳳朝陽方振翼

評云

聯內有含蓄有
悲感尾句好

懷二首

一春行樂又成空情況蕭條逆旅中開老杏
花渾未雨擺殘楊柳尚多風貌衰自笑年徒
壯心肯依然命不通癡坐忽忘天早宴西山

返照入簾櫳

評云

起句突
兀自在

帝里光陰屬禁烟客邊興味轉蕭然如何枯
木逢春日還值黃楊厄閏年薄宦久居懷祖
下壯心不及武皇前可堪家有龍鍾母綿上
東風待我田

郵亭琵琶圖

葫蘆學士使江左下視吳兒無一可乞食歌
姬老丐夫巧將艷質燃心火郵亭長日寂無
譁敝衣挾帚人如花狂心擾亂不可遏相與

夜狎彈琵琶琵琶絃斷何年續臨別殷勤仍
 贈曲曲中心事誰則知明日南堂開宴禱請
 君歸去不須遲正是列侯歌舞時回首郵亭
 莫惆悵餘情留付宦家姬

評云通篇好結句尤佳但葫蘆吳見
 巧夫等項字面欠穩重老成

清明

清明村郭雨餘時獨客無聊出逕遲野草未
 可經燒色園花先試出墻枝當年綿上人何
 在此日墦間乞可悲我自欲歸歸不得幾時
 黃已見雙眉

評云三四景象清

挽錢塘范處士

城柳逋梅不似前小山人去已多年林間深
 鎖藏書屋湖上空閒載酒船竒字久嗟無客
 問良方猶幸有兒傳錢塘我亦曾遊地把卷
 題詩重惘然

評云三四佳

良鄉

回首蘆溝隔暮雲良鄉路向馬頭分去城十
 里塔先見喧道萬車雷不聞沽子當壚常喚

客行人帶劔半知軍塵容俗狀誰能辨自取
冠彈柱後文

評云中二聯着
題可喜

涿州

涉盡重岡與斷丘殘星三五柳梢頭林深馬
度天猶暗村遠鷄鳴柝未休逆計客程臨涿
郡漸聞人語似瀛州浮名役我真堪嘆歲秒
辭豕到麥秋

評云第六句尤可愛久客思歸聞
人語似鄉人則心益切矣

新城

新城遙望樹蒼蒼一騎下明窗光陽市酒不
能成客醉野色時或近人皆也黃紙功名
好無奈紅塵道路長幾度倦來思馬肉錯將
汾水當君浪

白溝

雙旆征鞍駐白溝主人下馬問河壩張燈六
話前朝事把酒權銷萬古愁白骨枕沙猶泣
鬼黃金鑄印已亭侯夜深無寐西窗下一枕
河聲帶雨流

椎縣

東田漫稿 卷一 三
維堞連雲古，塹長雉州元。是漢封疆喪，師莫
非曹南院割地當。誅和敬，虜夷夏本來分。首
三英雄空自裂肝腸，而今此鎮歸畿內。十里
營聲轉綠楊。

評云

曹瑋師小血其志秋拓境出十年
前已識九吳矣豈可深罪若致膽

鄭州

城東有扁鵲廟
則南院當怒後塘當誅之故

鄭州經過憶宮持秀空城馬去遲，遠亦亦

全歸翠麓居民，德解祀醫師。驚塵滿路新如

惜飛，笑漸人鬢，益絲擾擾。生成底用奚囊

空貯紀行詩

河間

遠樹依依宿靄，謁收鄭州南去。是瀛州漸無盜

警，行人早時喜。鄉音野父，咻市賈懋遷多馬

筮，居民生理半魚舟。十年此地三經過，贏得

霜毛上黑頭

評云

五六着
題可喜

獻縣

野黍離離，穰麥黃。樂城風土似吾鄉，通衢午

市人初集，小店春醪。客過嘗雉，鄭漸遙無網

苦濤沱將近有帆墻百年遺俗猶公道不祀
瀛王祀獻王

評云馮道句有興致有風刺瀛王也

望家

宿雨初晴白苧涼平原曙色正蒼茫流鶯未
轉綠楊濕瘦馬不嘶芳草長瞻

闕尚多回首領問程知漸近家鄉羈懷此日
應消盡稚子後門母在堂

東園避暑

近郭幽居夏日長避喧聊復此徜徉雲連遠

樹林光合風帶長河水氣涼

天上雖無冰蔗賜人間幸免簿書忙蟬聲紙
恐傳秋信又逐嚴程戒客裝

評云結謂秋當赴
疎耳可念

李少叅翁姥輓詩

采石高堂掩悠悠歲月更依窓停盃織春籠
憶龐耕白壁雙埋玉紅羅再製旌空令遊子
淚長洒助江聲

沈靈卷為前人作

君自清如水年來沈更清千江隨月瑩孤鑑

照人明箕穎徒汗耳滄浪可濯纓何如方寸地不遣一塵生

評云如此著題何害

高良紀異卷為前人題

王事兼程急深山去路昏火方窮介子風忽反劉昆自謂木冠烈安知玉石存憑君持此意博施救焚恩

湖州宅同李汝弼賞蓮

盆池過雨著朱華家釀初成不用賒康樂雅懷同季惠子雲高興對侯芭萍蓬須記功名

路桃李從輸富貴家便欲狂隨韓吏部再歌船藕未為誇

評云湖州者公兄湖州太守也李侍鄉公門人也

赴延綏

兩足黃塵未得閒
絕離滇海又榆關
壯心已逐歸雲倦
老態難憑大藥還
千里轉輸叨重寄
十年供奉玷清班
荷衣芟製今誰是
空鬼移文在北山

評云南荒西鄙備歷奔忙故微有怨意

雨卧書臬司壁

官舍蕭條木葉殘山風吹雨入窓寒瘦軀倦
擁黃紬被短髮羞彈黑豸冠天上貴人青眼
少世間俗吏折腰難不知拋擲浮名去依舊
東山卧謝安

入宜君界

同川漸遠宜城近馬首寒風颺雪花山路行
經千百折窰民居僅兩三家草枯石出遙疑
虎木落林疎靜見鴉如此畏途如此景軟紅
無怪憶東華

評云

五六句
有
味
未

望中部

林靄凝寒日漸昏郵坊遙望歎銷魂山腰路
狹纒通馬澗底冰堅不飲猿古廟鬼無香供
案破窰人以席爲門北來郡縣猶如此邊戍
荒涼更可言

評云

起得凄楚
類邊塞狀

宿三川

蕭疎公署集昏鴉比屋居民祇數家垣遶四
山無草木門臨一逕足風沙中堂冠蓋經年
至隅地星辰入夜斜却憶上林風景好而今

飄泊在天涯

曉發甘泉

有輿清曉發甘泉風雪遙連塞外天野店客
敲門問酒土室人隔水炊煙山無草木惟多
石地產毡裘不衣綿試叩征夫前去路成鴉
聲裏是延川

安塞懷古

即羽王秦降將董翳所都高奴之地分司有戴提學詩挂壁

咸陽火後此誰都千載喑鳴笑匹夫不識真
人翔灞上却教降將王高奴今逢

昭代三邊靜欲考當時一字無賴有詩家題

句在松牌年月未模餽

發安塞

塞門西望益荒涼山色如焚野日黃路入懸
崖愁度馬川呈亂石宛如羊逃亡屋圯塞猶
在逋負田蕪稅亦償到此踟躕不能去無邊
憂思攪詩腸

保安即事

百里黃沙草盡枯永安風物類高奴僕夫襁
褠初疑丐胥史猙猙不辨胡峽盡馬如從巷
出磴危人似躡梯徂回頭却起家山思松菊

田園跡半蕪

暮投園林驛

落日深山路轉迷驚聞虎嘯與鳥啼眼穿不見三家市膽落仍臨萬丈谿野燒入林星隱見群峯攢嶺玉高底平生不識春明外潦到干今出塞西

評云山中行景象聯真是

順寧道中

高崖萬丈鳥飛愁積雪層冰路滑油石出樹梢番下瞰山迴澗水却西流貼危命繫湏臾

事跋涉心懷百萬憂却笑浮名是尤物移人到此未知休

評云前六句是何等詩抵靖邊營

遠塞孤城落照間故鄉回首動愁顏長年擾

擾成何事十口迢迢度萬山危險尚須談蜀道宦遊再勿入秦關當時把似滇南去今日

豪恩得賜環

評云三四句亦自

再發安塞

塞門東望雪初晴
驄馬搖搖趁曉行
面日遠山明
似近背風深
塹積皆平
僧開野寺林
穩散人叩柴扉
若犬鳴不是
六花粧點好
黃沙白草若爲情

評云中聯甚佳起語亦自在

夜宿聶石峪鋪

深山積雪少人行
郵舍三間戶不扃
聊入鮮鞍因假榻
空勞待旦不聞更
窓中歷歷星搖影
牆外時時虎作聲
追念少遊平口語
可勝秦亂故園情

書安定分司壁

遙望汾川迤邐行
夕陽殘雪照人明
羊腸路險疑連棧
鬼面山欹欲壓城
戍火隔林微見影
野禽依樹凍無聲
公庭下馬晚衙散
一首新詩又告成

望榆林

榆塞關城入望遙
雪凝貂帽馬蕭蕭
朔風聚俄成壠野
水冰堅勝度橋
蕃部牛羊歸
羶胆漢家軍馬屬
嫖姚從來俎豆書
生事老逐征鞍骨肉消

身日... 評云

靖邊營分司十首

時邊才疎心仄官拙
田園之興無日不發

因詩見志
漫書于壁

散却晨衙日轉槐閒庭寂寂燕雙來田園歸
興濃於酒軒冕初心冷似灰詩怕傷時常少
作人非知己竟多猜從今擬脫樊籠占東閣
毋勞更愛才

宿雨初晴柳色新邊城四月始知春籬根沙
暖山鷄浴門外蕪平澤雉馴幕府文移無印
信野人詞訟半婚姻散髮弄一笑吾將隱明月

清風待此身

評云可備一
故事

階下衙人報午牌驚回幽夢坐高齋柳風試
暖簾歸燕花雨塵晴壁篆蝸金紫銀青思爛
熟山間林下志全乖憑誰寄語羊求仲早晚
封章便乞骸

評云險韻
佳作

晝漏沉沉篆火微明窓淨几對斜暉細推達
與窮俱夢不待今知昨已非騎虎未深猶可
下思鱸如甚合言歸古來賢哲知多少五柳

先生最見幾

評云五六名

一春多病卧邊陲夏燕成巢總未知瘦骨怯
寒猶擁絮殘牙怕硬每憎糜米諳風土歸何
恨自課功能退亦宜却笑樂天非達觀苦聽
妻子乞分司

評云三四老態

羞把功名較觸蠻邊庭無事且偷閒一簾風
雪門前柳四壁丹青屋外山飽喫飯餘呼枕
卧靜支頤罷取詩刪分明只類休官者猶羨

西林倦鳥還

評云三四

公館春深白晝閒倦時隱几健巡檐雲開山
色常當戶風懶楊花不入簾客裏形容嗟獨
老人生吏隱有誰兼親除大拜非吾望歸去
山中酒正甜

評云三四雖止裝景語意

分司廳事面山城寥落難為遠客情行馬歲
施沙沒足靈鼉晨擊雨無聲地偏朔漠寒常
倍人雜羗胡語不明惟有春風如故國吹教

芳草一齊生

十年供奉

玉宸前此日栖遲紫塞邊官署虛街無印綬
案兼公劄理詩篇前魚恩寵成飄瓦左角功
名倦著鞭君比車少留吾計决瀛東何地不宜
田

評云通篇不費力起語尤自在

邊頭薄宦苦勞生爭及林間掉臂行
棊已著殘輸亦喜弓雖痛定見猶驚
顛毛有二羞解鏡酒量無多不耐觥
如此不歸何以待洪濤

日夜減滄瀛

靖邊營理舊名范將軍馬營柳陽曹大撫時有作因次其韻

小范當年此駐營披圖直過古長城
山川已入

皇朝版父老猶傳故國名萬馬總肥
兼上飽六騾遙遁喜時清我來官裡
渾無事繡斧乘春一省耕

寧塞營舊名兀刺城亦並文正公所守之地

重城斜跨北山隅樓櫓爭嶒嶸
雉堞紆勝國地名傳兀刺清時
文教款單干一川雨霽

流衣帶亂壁雲開展畫圖却向邊人問邊帥
即今還有范公無

把都河堡

行臺無事戶多封睡起支頤百念慵風柳似
為渾脫舞雨花常帶別離容城圍白屋高低
住簾捲青山遠近重日暮詩成吟未穩一聲
忽送戍樓鍾

評云

八句俱佳二聯尤俊麗遠勝前數首

永濟堡

驛車西過此時踏問俗人傳古義渠公署地

高山可數軍營屋少穴無居一官碌碌司儲
侍終日勞勞了簿書安得匈奴來欵塞掀髯
一笑賦歸歎

新安邊營

按此本古西戎之地秦滅義渠漢成朔方則遂為中國邊郡地矣今屬慶陽之安化境即隋慶州也唐始改今名高宗即位靈武時又改為靈州

宗即位靈武時又改為靈州
即隋慶州也唐始改今名高
宗即位靈武時又改為靈州
獻銷沉漫不可考姑依孫科
度如此爾因作詩紀之庶來
者徵焉

城枕山坳百雉長下臨天塹水微茫元封拓
地歸炎漢弘化升軍自李唐兩市人家如隔

岸幾區官舍盡連墻我來督餉無餘事惟助
將軍替戾岡

評云

境地沿革建置
大畧俱見于此

新興堡

一山高聳萬山中山頂層城結構雄到海雖
賒完見日去天不遠易招風范家父子功何
在夏國君臣業已空

今日華夷歸一統虛勞邊餉積陳紅

定邊營次曹大理韻

誰言禹跡尚茫茫夷夏今從此畫疆沙漠北
連多列障河源西望渺殘陽府中僅有羗兵
衛城上渾無藥草香千古市朝成幾變山川
良是自洪荒

舊安邊營

絕塞孤城滿日愁疲兵絕足守邊樓黃沙白
草連千里北虜中華限一溝戰骨未收啼舊
鬼捷書誰奏拜通侯停車重感前賢語肉食
何人與國謀

柳樹澗廢城和壁間王威寧韻

野色蒼茫帶遠岑空城歲久白蒿侵更無粉

堞悲笳隱惟有黃沙古道深荒日晝昏人影
絕剛風西起塞雲陰題詩豪客今何處牢落
襟懷付短吟

評云雄渾不似和詩五六尤奇

鎮靖堡

鎮靖城邊紫塞斜遙看直北是龍沙何人馬
上魯橫梁老我官中未代瓜題壁忽愁人掣
肘銜杯燕怕酒沉蛇醉吟兩字尤難得况復
生擒李左車

評云起語自然餘六

龍州城

其山最高虜地望而見之誠
以爲險東行二三里有良田
千頃其平似掌俗呼千頃坪

侵晨遙見此山峯迤邐行來日下春千頃前
田平似掌一川流水曲如龍登車自秉澄清
志投筆誰當定遠封尚賴時康邊事少沙場
豐草歲豪華

清平堡

南風拂曙散輕霏沙磧新秋試葛衣白草寒
遙青草徧黃雲城上黑雲飛山河有誓龜裘
遁烽燧無煙組練威自念為儒身計拙是誰

長嘯解重圍

威武堡

官廳中雜華花木時夏盛開翳然可愛故為賦之

山城長夏日如年草樹生香雨後天恍若身
猶依 近禁都忘宦已落窮邊水從沙漠流
來遠路接雕陰屈曲偏縱有好懷還復惡強
成佳句歎誰憐

給餉

過威武時值雨暴至倉廩或壞粒米狼狽予為親臨放支有作

塞垣得得餉軍來倉庾陳紅次第開人聽唱
箕帚魚貫進家欣負米蟻衙回須知一飯猶為
德何必千金始費財我亦月支官廩在厚顏

無以答涓埃

評云

三四曲盡軍下支糧像貌

懷遠堡

圓水遙來自朔方水邊城屬漢封疆罔巒極
日高還下亭障兼程短更長自古華夷分首
足而今衛霍領金湯令人却恨平城役
天子如何可自當

嚮水堡

城外有巨川即無定河也河邊豐碑屹立而亡其文字故未句

及

戰馬無聲塞草深朔雲垂雨晝陰陰城邊山

勢分夷夏磧裡河流自古今
虎旅幸逢耕守日狼胥莫起
擅封心請看道左前朝石字
滅豐功不可尋

評云垂字俊麗

龍州邊外

大荒渺渺接天平落日蒼皇
敢計程沙裏或驚胡馬跡
草間猶委漢人兵前駟相
戒銜枚過外境那堪按節
行忽憶江南佳麗地水村
山郭正啼鶯

評云鴈得十分可畏邊塞之苦至此

平夷堡

一聲寒角起邊頭水柳沙
蓬滿目秋連鴈去遙天漠
漠恠鴉鳴急樹颼颼黃金
築土魯招士白骨如山始
拜侯勒馬不勝惆悵意野
河依塞自東流

評云雄渾悲壯不愧作者未謂惟水無情耳

秋日榆林道中

荒荒野日照邊城疋馬長
途愴客情白草地寬天共
遠黃沙磧冷鴈無聲將軍
笑擁胡姬醉戍卒貧同乞
丐行甘使堂堂三表計輸
他

東日漢相 三卷 三十一
年少一書生

評云

賈誼之策當時已謂其為踈今日欲如誼之策亦不可得無窮憂思

千谷驛

驛舍荒涼秋已深空階吏散下幽禽樹圍知
有百年壽客到每懷千里心刺水殘山空復
在來牛去馬幾相尋因思浮世猶如傳郿塢
何勞積萬金

延安分司題壁

延州城外樹蒼蒼小雨隨風送早涼東望黃
河天漸遠西連紫塞路偏長人歌韓范言猶
在地考金元志已亡為感廢興成久竝却題
詩句紀山墻

鄜州

野水寒雲望不窮鄜州風物去年同樓臺碧
樹秋風外城郭青山暮雨中避地衣冠傳杜
甫祀天壇壝本秦公停車欲問當時事雲自
西飛水自東

評云

八句俱可結語俊爽有興致

宜君道中

馳駟畢竟為誰忙烏帽籠頭去路長山雨趁

人無歇意野花迎馬有來香蟬經殘暑聲初
咽水入新秋氣自涼莫向西風恨行邁即今
元凱佐 巖廊

評云 中聯
意新

同官偶成次前韻

春燕秋鴻有底忙海鳧元短鶴元長桓温死
後空遺臭荀令生前本自香棊局謾勞爭勝
負扇純終是有炎涼西風尺馬同官路漸覺

江湖勝 廟廊

評云 律純熟但意
太露少含蓄

耀州

長擬投閒未得閒每逢會意即盤桓林間僧
語遙炊寺馬上詩成半說山野意但應同薄
宦溪流清可鑑衰顏頻年鞍馬華原路剛勝
崎嶇蜀道難

評云 三四
可喜

三原

去年曾此駐羸駝今日重來祗自慚身已桑
榆將暮景宦猶橄欖待微甘孤雲挾雨還投
此一鴈驚秋又向南誰念阿婆塗抹倦西風

雙鬢正盤髮

評云

西以上諸川人物但句律俊麗可傳而

春日敬陪

秦王郊行限韻四絕

曲江南畔杜陵東杏塢飛蹊細細風

帝子乘春聊騁望旌旗來自百花中

評云

好前二句後二句未稱

水邊楊柳綠偏東夾路花香兩袖風莫恠

金鞍歸去晚梁園賦客酒初中

評云

獨感調

腰裏騎嘶綺陌東杏花香度酒旗風春遊記

得條桑記願譜 寧王玉笛中

春水蒲芽乳活東禁烟時節野棠風郊行不

用笙歌擁人在 河間禮樂中

奉送韓公都憲出鎮寧夏

璽書濃墨爛金光

天子煩公鎮朔方三尺總歸中執法隻輪遙

遁左賢玉南山舊價元同重滑水離情更比

長去去莫嫌邊地冷黃花晚節正秋香

評云

三四鍛鍊極
五六亦稱

華清宮

在館

天寶繁華此地偏而今全不似當年新豈樹
老無人度繡嶺宮荒有曲傳碑折半埋秋草
裏鴉啼還自西陽邊我來不用溫泉浴留取
塵纓濯渭川

評云

未韻呵警可喜所
以鄙皇者至矣

高陵

馮翊城荒近早秋渭川依舊昔城派西風野
濶行人少落日天底去鳥愁

評云

此詩上清中

同宮題壁

絳帷睡起坐西窻自取文書校勘忙厨未午
煙人語靜樹繞秋雨鳥聲涼青山似識常相
對白髮綠愁積漸長幾度倦來還拄頰閒看
蝸殼上危墻

宜君道中

路入宜城草色秋盤盤石磴去應愁風從谷
口推雲出雨到溪心雜水流瘦馬怯泥真款
段恠禽啼樹幾鈞輶行人莫起鄉關思野店

青旗酒正筇

評云

中極工起結亦稱

至宜君再次前韻

蔓草荒煙滿目秋宜城風景足羈愁野田隨
地高低種澗水依山曲折流雨挾早寒侵皂
幘嵐疑毒瘴撲華輶我來憲府深如海酒薄
村遙不用筇

評云

前不及

破屋

蒼山碧水我意來破屋人家尚未回薜荔書

頭紅子熟蒺藜沙上野花開椽摧盡失踈簷
瓦土黑猶疑故竈灰對此不須惆悵在咸陽
原上有荒臺

中部道中

高原驛樹晚離離八月邊城已授衣絕塞風
雲天外變孤村烟火雨中微山容似病青初
瘦客病驚秋黑漸非因念為官身計拙一身
常與世相違

洛川喜晴

溪雲忽散雨全收暫倚肩輿豁病眸野逕花

香蕎麥晚山園果熟杜梨秋原頭獵騎歸
捎兔壠上耕童卧牧牛風景北來剛見此
行人不信是邊州

評云邊地雨後
氣象如此

中秋有感

前度中秋見月時一家十口未分離
三年甘旨俄成悞兩月妻孥敢動思
坐久桂花疑墮影醉來竹葉反增悲
遙知故國當今夕老母登樓亦念兒

鄜州

風煙竟日迷関塞曉盼山城到却昏
鍾定僧歸黃葉寺市收人散白沙村
千林爭趁霜前茂一水新經雨後渾
試問郡中誰作守相逢都道是西門

評云八句俱好時
戈勉學先生守
鄜公姻家也甚有政譽故未句云

發安塞

風雨龍安道愁來句不豪草侵山逕
狹石激水聲高鞍馬勞雙髀鄉関感
二毛故人誰念我白首困青袍

評云二句
亦創見

再宿聶石谷郵舍

再過郵亭宿悠然感物華山昏雲釀雨溪折
水鳴沙候吏秋眠穩厨人夜語譁嗟予行後
慣到處即家

評云三四近唐人

清澗

丹頭山下景荒涼遠客悲秋歎斷腸一雨汀
洲沙盡白未霜揚柳葉先黃孤城按節今三
度野壁題詩定幾行少日功名渾已矣更無
才思賦長楊

再過無定河

無定河邊草樹涼村無雞犬祇牛羊黃沙又
沒新官渡白骨猶傳古戰場巨石塞川如砥
柱奔流赴海自龍荒我來亦起鄉閔思何事
征人不斷腸

宿米脂二首

野水荒山行路難蕭蕭黃葉逗征鞍二毛總
為三年病一疏能淹兩世官宦境雲泥盧杞
覺邊城風雨晏裘寒故人天上誰青眼終合
桐江理釣竿

評云凄楚可念

長夜無眠有所思邊城寒鼓到窓時不才謾
辱山公啓失意徒工水部詩去住此生勞泛
梗輸羸何日了殘棊床頭幸有吳鉤在一寸
丹心許獨知

宿柘林堡次壁間曹大理韻

月白邊庭葉墮林夢回飢粟冷森森十年塵
事三更枕萬里鄉心一夜碁路出城闐連大
漠山經野燒變荒岑詩人到此豪應減擁鼻
聊爲出塞吟

評云六句未稱耳

神木縣分司題壁

兩鬢如絲未得還忍將踈散博間閑路衝寒
雨來千里屋共秋燈卧一間已分漢陰終抱
甕敢期綿上或焚山屠龍騎鶴諸公事讓
我開籠放白鷗

評云俱佳

永興堡題壁

馬頭塵起駭雙輪短日寒山去路昏黃葉驚
林無定鳥赤藤蘸水有懸猿細思潘岳親同

市爭及陶潛子候門行矣不須留戀在故園
松菊幸猶存

鎮羌堡書懷題壁

鞍馬頻年走北隣鬢毛已慣北風吹賈生當日固年少李廣此時猶數竒家信杳無黃犬寄塞寒惟有黑貂知平生總為文章累墻壁從今莫賦詩

府谷縣

萬山深處縣城開里巷蕭條半草萊官不挈家如客寓路從開國少人來瘦黃餓吏供呵

幾曳白書生試憲臺更有驚心無寐處黃河
窻外響如雷

評云府谷風景人物如此可嘆可笑

遊水寨府谷北十里者偶一登臨慨然

女媧殘石未消磨帝遣龍荒鎮濁河千古不
隨風雨壞半天應有鬼神訶中流砥柱分明
是南國金山未足多歇馬偶來凌絕頂一聲
長嘯鎮林阿

評云金山志外一種奇作也可喜可愛

題壁

野無平衍盡坡陀此地經年少客過城上風
雲連朔漠縣前楊柳匝黃河高秋羗笛沿村
起落日并兒隔岸歌老我不勝鄉思苦敝裘
寒透倚闌多

再賦水寨

一葉扁舟鳥外回盡收風景入行臺山如灩
澦中流見河自崑崙萬里來夾岸晚田登穰
稔傍岩秋寺老莓苔臨風欲賦空搔首安得
蘇公赤壁才

評云

此首又勝前作一時
又勝前作一時
又勝前作一時

孤山堡

五原東接樓煩地疋馬西來日下春恠石草
間蹲怒虎枯松岩畔掛乖龍白雲倦出知人
意黃葉將殘類客容却笑貴人頭似雪東華
猶自晚聞鐘

評云

未句少
含蓄

神木堡

老樹無枝可著花猶遺城郭鎮龍沙將軍擁
節新開府縣令鳴琴早放衙秋戍龍貅煙萬

竈春耕襍襖雨千家何時文武還歸一再見
詩人詠兔置

評云三紀四事

葭州

病眼經秋此暫開越羅寒透立行臺城邊樹
繞黃河去天外山從朔漠來老我尚為文字
累是誰不困簿書堆西風莫謾吹華髮已約
陶潛醉菊杯

評云三佳四句

延長野寺牡丹縣北七十里地名交口有僧寺馬中植牡丹數

本秋意開珊花枝搖落
一駐馬感而有作

野寺秋深木葉殘名花流落此誰看將移上
苑愁無路曾向東風笑倚闌蒼苔似難同物
外芙蓉番共笑江干靈根遮莫僧知重回首
空山歲已寒

評云全不着力自佳
着力者不能及

宿雲鋪有感

萬疊青山晚望通數家鷄犬一村同溪橋雨
過莓苔滑野逕秋深枸杞紅薄宦已諳分陝
路清時豈有避秦翁悠然忽感當年事

魯拜金門夕照中

曉發雲岩

銀漢初斜斗欵沉滿天風露濕衣襟水村客
去鷄鳴早山逕人稀葉落深曙色漸分勞望
眼秋聲遙起暗驚心獨憐岩下幽栖者日上
衡門正擁衾

經廢武帝廟

在宜川山中

野廟荒涼戶不扃當時翠輦此曾經空餘老
樹藏風雨無復靈旗閃日星芳草又從秋色
變故山猶出晚雲青人間興廢都如此可但

遼陽鶴姓丁

再過鄜州

秋日鄜州路郊原草木凋寺遙先見塔水冷
漸成橋沙鷗常驚馬山貍小似猫行人歸未
得一日幾魂銷

宜川道中

浮生空孟浪薄宦此奔波僻逕捫蘿入危橋
下馬過山深人語靜林茂鳥聲多回首斜陽
沒前途可柰何

山城驛次壁間鄧繼申韻

東坡詩集 卷三
絕塞無人到長途
祇自憐林黃霜後葉
村白雨中煙
孤館生秋思
殘燈入夜眠
牙冠猶欲挂魚袋
更須懸

評云中四句好

石溝驛閏九月

瘦馬凌兢度石溝
酸風如箭射雙眸
途中節感黃楊
閏塞外寒驚白草
秋憂

國每慚髮婦
締報

君誰斬月支頭
從來燕領書生爾
投筆能封萬里侯

評云黃楊閏白草秋天生對也

高橋題河西道壁

塞垣風景惡
况属杪秋時
野濶人行少
沙深馬去遲
狂飈鳴獨樹
寒燒入荒陂
試問晨征者
憂來鬢幾絲

寧州述懷

廟堂何必勝江湖
南畝東阡是壯圖
文仲尚然擠下惠
叔牙空自薦夷吾
衰容照鑑經秋減
病影隨燈入夜孤
獨有感麟雙淚在
等閒不肯泣窮途

評云第六句好

試諸生

臺鎖諸生校藝時文章燦爛墨淋漓盛名本
自無虛士百戰還應有健兒沙裏揀金良獨
苦璞中得玉始為奇須知此特雕虫技留取

山龍獻赤墀

次咸陽奉寄仰年兄

絕塞高秋按節時聞君秦地又分司歸心便
欲從南鴈舊事重論立
右螭不意笑談還有數却教文字久相羈長

安此去無多路明日樽前慰所思

再疊前韻

憶向西垣共直時別來兩地各分司音書
水底沉雙鯉歲月車前駕

六螭敢謂劔南還玉節更同常曲駐金馬羈從
今便擬頭俱白不作江雲渭樹思

評云此仰晉卿也與公同為司諫惜好甚篤此時自蜀移臬分陝

二月二十四日富平道中見花

寒食頻年不在家慣於馬上見開花病軀欲
傍難禁酒老眼雖看似隔紗隄柳晚飛千樹

雪野挑春爛一川霞羈人對此偏惆悵便擬
臨流買釣槎

臨潼時久

十里坡陀信馬行東風吹送入華清野棠將
盡燕初到山雨不來鳩正鳴當日巡遊成底
事百年興廢總閑情居人謾唱開元曲亡國
從來是此聲

評云三四

再過新豐

馬蹄再入新豐市撫景分明似去年郭外東

風芳草地水邊斜日落花天韶華撚指三過
二世事勞形萬復千安得棄官歸栗里杖頭
常挂酒家錢

灞橋春晚

灞上春殘綠漸稠酒旗斜出水邊樓一天素
雪楊花晚萬頃黃雲麥穗秋馬踏亂紅逢野
寺畧隨斜日晒漁舟漢文有道今何在遠岸
惟存土一丘

鄠縣西二里即漢陂今廢為民田矣

北流入咸陽界行

幾家煙火羨陂東
聊解吟鞍向此中
花落鶯啼官舍晚
月明烏怨文墻空
千山不斷秦連蜀
二水交流渭合豐
獨凭闌干正凝思
柳邊忽送一襟風

重陽宮次白司馬韻

在蓋至縣東之祖
在蓋鎮元時有玉重
陽者嘗監酒于此
遇異人得道山去當
時因盛立宮觀今類
類毀獨殘碑在草
者甚富云

外監樓臺罨畫微
斷碑人過讀應稀
一瓢春酒生曾醉
兩袂秋雲去不歸
華表空傳丁鶴返
黃庭誰養子我馬
肥臨風不用多惆悵
漢苑

隋宮總夕暉

評云中道俱可五六
謂神仙渺茫宮
中道土求愛書者亦
難得耳

蓋屋縣東有長楊五
柞宮故址其南抵
終南山麓西則太白
山在望矣

莽蒼連城晚望通
時平却喜戍樓空
浮雲太白終南外
茂草長陽五柞中
水漲陂塘初過雨
麥收時節偶觀風
前驅莫遣行人避
恐有顛連帶索翁

郿縣即漢董卓藏金
處其此二里許即
渭川其南五里許
即斜谷其東六

七十里則橫渠祠在焉

萬人垂魯向此中
藏今日經過漢竟亡
斜谷猿

東坡詩集 卷之三
啼山月曉滑川鷗泛水風涼市頭客舍新栽
柳郭裏人家舊插秧何事橫渠祠下石獨遺
殘字兩三行

評云

三四裝
綴可喜

連雲棧東河橋驛

一路松聲雜水聲碧山如畫夕陽暝棧連絕
壁千尋起雲向行人兩足生孤館夜投聽鼓
坐殘燈時對結花成明朝試把青銅照雙鬢
應須白數莖

題壁二絕句

公庭長夏無人到簾捲青山不下鉤何處飛
來雙燕子杏梁猶自話春愁

評云

細媚
可意

山窻影落梧桐月忽聽猿啼三兩聲鴻寶枕
寒衾又薄一場歸夢不能成

評云

此是樂
府體

吳山

西鎮
也

吳嶽凌寒似早秋廟田五月麥初收四時玉
帛遵周典萬古山川鎮雍州高鳥入雲通絕
頂神龍行雨出靈湫老蟾未吐陽烏沒惟有

青山在上頭

鳳翔書懷

山雨初晴官舍幽且教吏散暫科頭階前鳥
下厨將午庭外風來竹自秋斗米久拚歸靖
節尺書無便寄浮丘從今縱得文章力未必
能封萬里侯

鳳翔藩司有竹數百竿鄭方伯所種者

詩以柬之

畫師雖老尚多情愛聽簫管戛玉聲移得數
竿窓下種月明疎影學梅橫

茂陵在興平道傍

萬戶千門事已非獨留高冢對斜暉馬卿病
後書多遺蘇武歸來樹可圍芳草有情猶滿
地行人無淚為沾衣如何不是閒丘壠荆棘
年年野雉飛

評云漢武耗國蠹民此詩句向風刺作者作者

涵碧池

上瀦蒼水下清泥玉甃參差柳覆齊風過連
漪沉翡翠雨餘清淺浸玻璃漢娥入夜嬌留
影山簡乘春醉欲迷老我不堪重洗硯金花

東口流和 一三九
箋上試新題

賦太乙真人蓮葉舟應教

夫容老子下層城
擲却青藜自在行
衣惹九華香
霧濕身隨一葉水
風輕長河杯穩
緇郎渡遠漢槎回
織女驚更擬長流
何處去蓬萊
仙藥采長生

評云二聯俱佳

賦得荷葉露應教

花氣侵晨濕畫闌
池荷如洗翠團團
誰將天上金莖露
瀉入波心碧玉盤
風動每愁爐汞

走雨餘應訝浦珠還
十年曾作

西垣客此景親從太液看

評云詠物着題不廢逸興似此甚難得

送張希載侍御入京

貞元花下舊同年
忽謾相逢向渭川
尊酒未酬文字飲
祖筵又賦別離篇
秦蕪曉發蕪程馬
灞柳涼喧十里蟬
去去北臺人望切
才華久矣待箋天

白豹突馬身有黑花作鴈熊二物狀

沙場汗駒走且僵
陳王白馬何昂藏
中官牽

來金勒鉗滿身黑花浮練光初疑從獵漢武
 皇射熊館下雄翱翔又疑角鷹養支郎共爾
 神駿俱非常遂令二物協嘉祥變現異質為
 爾章爾章不數十錦良爾價不數千金償會
 當持爾獻 尚方芝房寶鼎同揄揚

黑豹突馬

身有白花
作伏兔狀

燕昭不惜千黃金市來駿馬烏同黔白花亂
 點疑雪侵中有狡兔形可臨毛竒骨異難重
 尋伯樂顧瞻應悸心

王門得之過獲珠置諸華廐如海深香篋滿

檻奚園森衆馬引弊徒羨歎我見笑取桑落
 斟醉持老穎成狂吟君獨不見李翰林五花
 換酒曾酣沉

評云

以栢梁體咏物
故難得竒語

寄意

曾向

先朝拜拾遺老來僻性尚耽詩蜂腰鶴膝成
 何用狗尾羊頭正得時把鏡自慚無貴相學
 琴誰信有深思東臯舒嘯南窓傲早晚泉明
 是我師

書堂應教賦蓮池

清宴高張

帝子家芰荷池館日初斜舞歌翠袖風翻葉
浴罷紅粧露浥花綵仗漫移看濯錦羽杯頻
送泛流霞

主人自有笙歌在不用尚書兩部蛙

武功行臺寓留一飯即赴扶風

綠槐庭院午陰涼簟簟鋪八尺床無那困
來方美晴一聲啼鳥又斜陽

岐山行臺偶書

長日勞勞未得閒偶餘公務此開顏鐘鳴暮
雨知隣寺簾捲秋風坐見山世故妄疑非夢
裏身謀才與不才間夜窻靜數黃塵客都為
浮名兩鬢斑

評云三四
好

苦竹鳳翔司

不是江州司馬宅却題湘水鷓鴣詩凍雷驚
笋猶頭出積雨侵梢鳳尾垂聲入西風敲戶
急影隨南月上窻遲而今若有洋州可定乞
生綃駕一枝

隴州道中兼簡閔光甫大叅

隴水南流更北流，幾村烟雨隔汀洲。
鷓鴣逐婦槐初雨，鸚鵡將雛稻正秋。
人望關山遙黯黯，樹僧歸吳嶽晚橫舟。
不知若箇雲深處，玄晏先生卧一裘。

和閔光甫韻

世故多君懶應酬，歸來叢桂小山幽。
白鷗已放飛南國，黃犢親牽飲上流。
兩屐輕雲春采藥，一尊明月夜登樓。
遙知舊日書千卷，惟有南華在案頭。

評云八句俱佳，第在

苦雨東鄭方伯

秋陰隴坂黃泥滑，終日馳驅兩鬢斑。
細雨忽來昏碧樹，浮雲不散困青山。
僕夫冒雨猶持鞚，候吏侵晨未啓關。
寄語同行鄭落長，萬金難買一身閒。

書華亭分司聽壁一絕

疑是欲了公家事，一日途兼兩日行。
無柰東書山雨濕，暫隨殘照曝秋城。

華亭道中喜晴

羨旬山雨阻修程今日秋光始放晴弄笛牧
童牛北山過何人好鳥樹頭鳴纖雲不起千岩
秀萬壑都歸一水橫說與前驅休喝道暫時
立馬聽松聲

評云

未思李義山雜纂
事亦自滑稽可喜

宿安家空邨舍

妾病黃昏母白頭孤身萬里使交州郵亭此
夜聞山雨今古如何共一愁

過乾陵

病乞還山尚未能瀟瀟風雨過乾陵野田耕

遍楸梧盡寢殿頽平瓦礫增郭近郡樓寒起
角寺遙村逕晚歸僧行人自是悲秋客不爲
前朝感廢興

評云

言我自傷非爲武
后其人不足傷也

晚渡咸陽

野色微茫接渭川白鷗飛盡水如天僧接紅
葉林間寺人喚斜陽渡口船表裏山河猶往
日變遷朝市已多年漁翁勘破興亡事獨坐
秋風釣石邊

評云

懋盛句不
唐

次韻題光甫草堂

廣厦千間志已酬，草堂買占碧山幽。
鳥啼藥圃春長在，花落柴門水自流。
萬里橋邊工部宅，十年江上仲宣樓。
歸來不待移文促，一把黃茆自蓋頭。

評云

隱逸情況味歌盡之矣

題扇面小景二絕

水向人間流去遠，松於石上長來高。
道人相見不相識，惟記從師舊姓茅。
青山不費一錢買，暮暮朝朝在眼前。
何用杖

藜蕪命僕沒來由，立大江邊

途間喜晴

小雨濕衣細若絲，西風吹散晚晴時。
山橋碧瀉泉雙耳，野店青搖酒一旗。
鳥隔亂藤啼不怠，馬逢平坂度忘疲。
歸裝自喜無餘物，博得秋懷數首詩。

評云

第六句新

送馬宗勉太常還吳中

布帆風飽木蘭舟，賜告歸來寵渥優。
禁裡幾年依日月，江南千里憶松楸。
華筵共餞金

臺下綵筆曾拈玉
數頭去去奉常班
內客綠蕪春水渺
予愁

題便面小景

杏花村郭水邊樓
隔岸春山翠欲流
沾得吳姬新壓酒
小舟載過大江遊

春日東軒小酌聯句

東風庭院杏花殘
客裏聊偷半日懽
笑語正稠人欲醉
推敲不定字難安
金爐香裊黃雲直
銀甕醅浮綠蟻寒
回首韶華剛過半
踏青還擬聚雕鞍

壽劉考功母

壽酒春香歛艷杯
高堂慈母笑顏開
螽斯有美千年又
鶴筭無窮八秩纔
北闕恩馳申國老
東曹保養阿戎才
韶華歲歲三過二
海上蟠桃始獻來

評云三四好

李國英庄上待遊山同伴

穠綠媽黃望眼迷
鄴侯別墅禁城西
古槐覆瓦陰初合
芳草侵階色未齊
雨後簾櫳雙燕入
水邊庭院一鶯啼
不知酒

伴來何暮獨憮吟髭半日稽

評云第二句在西聯俱佳自成自

遊西湖

十里琳宮接具臺是中佳處勝蓬萊雨餘山
色畫圖出日落湖光奩鏡開載酒且拚文字
飲了官權閣簿書堆多情却有長堤柳曾見
先皇行幸來

評云三四寫出西湖佳處

公署即事

兀坐高齋對綺寮紙屏髹几亦難消池塘雨

足揚花老簾幙風斜燕子嬌壁上詩篇唐制
作案頭書卷漢科條從來淺薄知無似白髮
終然負

聖朝

評云三四頗類晚唐

促陳元溥水雲亭之遊

萬里橋邊黃四家水香雲暖小亭斜少陵頭
白猶強健肯許樽前醉落花

評云此絕亦類唐語

輓何都憲封君

先生家住沃州西青壁丹崖白板扉城市薄
遊金不愛山林高卧虎忘機平生教子惟黃
卷中歲馳 恩亦繡衣惆悵東門瓜尚熟召
平一去幾時歸

評云

優柔自在
不類艷詩

送馬太常在告

棟花風裏放吳船澤國城邊有墓田
魏闕恩優貶兩世客臺春盡別群仙宦遊乍
許相如病自誓休同逸少賢別後思君無那
遠江南江北水如天

評云

起句甚驚人結亦稱
送人詩少見其此也

登水雲亭

近郭亭臺罨畫明

紫宸朝散此閒行城邊水泛宮花出橋口雲
連苑樹生人靜小簾飛乳燕日長深院語流
鶯相逢莫惜金貂重且共樽前一暢情

評云

三四見得
水雲意

涂黃門兄弟奉使南中便道壽其公翁

奉使槎隨萬里風兩郎歸自

五雲中黃堂老子鬚眉古綠野仙人格調同

卷裏詩誇千歲壽酒邊顏似少年紅更憐舊
業門生在一鶴南飛曲未終

張黃門使廣便道壽其母

白頭老母人間少青瑣賢郎

天上歸內法一尊斟壽酒

御香兩袖舞斑衣比堂瑞日萱花好南海蠻

烟荔子肥莫恠星輶行復止白雲紅日共依

依

次李西涯韻簡屠元勳二首

詣

闕丹楓曉行邊白草秋士趨嚴武幕客避庾

公樓雅愛烏魯及餘香席尚留千金與雙璧

此意詎能酬

迂疎猶似昨衰病不禁秋薄宦蝸粘壁危機

鼠墮樓雨中荷漸敗霜後葉難留撫景都如

此新詩亦漫酬

早朝遇雨

右掖鐘鳴曉殿開百官班裏雨聲來禁鴉不

散綠槐重仗馬初牽黃帕回溜意千簷疑倒

海雲迷雙闕尚奔雷緋袍沾濕烏紗墊半代

爭如陞盾木

評云佳

挽人父母

少微雲霧掩江天
婺女星沉更隔年
孔相尊空賓客散
柳家九在子孫賢
青山佳處埋雙璧
白首同期赴九泉
料得吳中人物志
一門名德自今傳

輓謝方伯

亞卿父也

鶴袍犀帶老藩卿
掉臂香山社裏行
少日官資韓吏部
百年家世謝宣城
文章有後枚遺

稿政事逢人說盛名

國史似公宜有傳
短章安足盡平生

挽謝方伯余夫人

不向河陽坐板輿
夫人名德更誰如
家貧尚舉梁鴻案
年少曾通伏勝書
八座累封頒紫誥
五男多貴佩金魚
南風近綠宜男草
堂背無人恨有餘

送畢嘉會

一官南去謫監鯨
更買南船繫潞河
京兆吏民遮道泣
揚州沽客扣舷歌
青雲後進推輪

少白首相知按劍多折盡柳條沽盡酒留君
不住柰君何

評云感慨悲壯想亦情真故耳

題小畫二景

溪友敲門留白魚浣花翁舍酒應無多呼阿
段衝寒雪黃四娘家得得沽

八月洞庭湖水平岳陽樓上晚風清孤舟欲
繫城南柳吳楚乾坤句未成

壽白司寇

尚書門外人如簇盡是駟鞍與朱轡登堂爭

獻東海桃花甲初周介多福維時臘月凍全
消瑩莢階前六葉翹群仙滿座紅日上共飲
沈瀛歌雲韶雲韶歌罷餘清響銀燭高烧光
一丈笑談轉劇賓主歡香煖壽筵春浩蕩有
此須臾斗柄橫孤星法星同度明主人不醉
健復飲無乃夜降南極星我聞古六誥言偏習
上壽由來百二十願公方來如已徂
三殿年年聽履入

評云調高語健集中少見其比

題斗方鶴鷄飛鳴宿食

東日涉稿 三卷 六一
不作儒衣結飛來白草坡西風未忝外應恐
有虞羅

評云妹句

杞菊幽叢下奔鴉兩兩鳴上林鶯莫妬西舍
鴨遭烹

朱雀飛應倦雙雙宿隴頭可憐風雨夜沙黑
鴈奴愁

北穀垂殘穗飢鴛啄處紅苔入誇鸚鵡粒贏得
閉雕籠

輓林黃門父教授君

閩海高人瘞玉時可益山下塞風吹玉門不
醉葡萄酒巖舍空傳荔子詩鄭老襟期官獨
冷賈生才調死堪悲承家賴有書香子簪筆
頻年立 右螭

送李彥明太守書最還泉州

曉風雙珮正珊珊太守從天報政還燕鴈北
來趨 魏闕島雲南盡見閩山杏園春釀魯
同醉柳舍寒條忍重攀此別尺書如念我好
憑京使寄朝班

送韓錄事

折木秋風卷素濤封君歸興繞歸艘新從
北闕馳鸞馱舊向西涼署馬曹九日忽思陶
社酒兩卽齊着漢宮袍靈椿卅桂千年事誰
說燕山竇氏高

會合聯句

有序

先帝時四方無事士大夫每休沐暇輒觴咏
暢情如蘭亭梓澤者不可勝數維時予與都
憲李公在給舍太守錢公在西臺實為同社
距今餘十年矣升沉聚散踪跡頓殊良可歎
也今年秋李入曹

京師錢需次選部予備貢大理十月初旬復
會於大興隆寺之東廊挹酒之頃憶往事感
舊遊因共聯句得詩三首視前作蓋千百之
十一矣不知將來者復何如也漫錄於此臨
卷惘然弘治乙卯十月二日中錫識

十年重醉

上林秋蕙

聚散無憑是宦遊錫

此夜綢繆知己話

承德

明朝離別故人愁蕙

西風蕭寺驚黃葉

中錫

南客

都城易白頭

承德忽憶舊時行樂處蕙芳筵欲去又還留
中錫

剪燭西窗斗欲沉中錫酒杯爭似故情深蕙

森森臺栢陰連棘承德濟濟朝紳誼合簪中錫

天上有恩春拍塞蕙官中無補歲侵尋承德

相逢且共掀髯笑中錫不負

明時有寸心蕙

故人忘勢又忘形承德久別相逢眼倍青蕙

今夜壺觴聊會合中錫當時朋舊幾沉冥承

德黃花滿徑秋香晚蕙藁竹當窗凍雨經中

錫却喜坐中無俗客承德金蘭談笑有餘馨蕙

評云情三好四

春社

治龍當此日數戌自微陽膳肉陳平宰村醪

杜甫嘗風花迷道路煙柳淡池塘處處聞田

鼓扮榆引興長

評云五六好前四句恨故實堆架耳

暮雪

凍鳥寂無聲黃昏雪未晴壓枝危始墮掃地

積還平韓句形容酷陶茶風味清是誰頽玉

處猶恨紫貂輕

二月一日風惡

石闌干外東風惡
花信今年第一番
未怕柳柔禁
不得祗憂竹勁勢
難存漢皇志
遠空高詠宋傅才
踈感舊恩幾度
出門吹欲倒
小窻孤坐對黃昏

賜衣

宮錦離披五色絲
上元分賜百官時
自言客數無毛遂
敢謂

君恩漏介推
錫命幸遭三褫辱
退公空詠五紵詩
朝來却喜東風暖
併脫春衣當酒資

評云

未謂得賜衣始可脫春衣言貧無兼衣也脫去又與酒家其貧尤甚

可笑

朝陳元溥瘡面

玉女嗔君貌似潘
至今唾面未曾乾
便湏急傅何郎粉
莫遣閨人誤索癩

評云

滑稽有趣味可喜

輓李黃門母

磨笄山下桑乾水
此日經過恰客懷
白髮已違司諫養
青羸曾守太常齋
窻支舊石機絲冷
草合春墻匣玉埋
惟有同時鄰舍媪
成遙砧冷記吾偕

輓盧方伯

舊都山水暮年情一枕邯鄲夢又驚愁見里
門題孝子空聞藩省說名卿被閒姜榻寒猶
嫩花死陶籬恨未平惟有野城當夜月清光
偏照阿戎明

馬東田漫稿卷之三

此會應知慰宿期不勞千里更相思山城莎
雨連牀夜驛路松風並轡時令假憲威脩播
易裝因邊務束歸遲平生青眼今頭白消得
樽前幾首詩

道中言懷用前韻

東風花鳥負佳期獨凭肩輿有所思豹尾班
邊朝散後羊腸路險雨餘時諸邊番部羽書
靜古戍人家煙火遲按部却慚無寸補但歌
刀休采薇詩

沙嶺道中即事

在後長

寶山住氣鬱葱葱一徑無媒萬木中春淺燒
痕猶自黑花遲風信未全東前駢漫遣行人
避南望應知複道通向晚濃嵐收不盡沾衣
微雨又濛濛

評云

三四調清雅且寫
出邊城凄苦之態

白瀑寺

在居庸關西百里寺中畫壁
碑志皆金大定年物也

白雲深處萬重山寺在雲山杳靄間四壁丹
青圖海會斷碑文字紀完顏俱餘盤石僧初
定齋罷生臺鳥未還世上紅塵應不到正宜
長日掩柴關

龍門道中聞北虜入貢

在紫荊東
二石餘里

獨節雙旌建馬前理臣銜
命出行邊東西亭障餘千里表裏山河已百
年塞外紫駝遙入貢回中黃犢盡耕田居民
漫說昇平事得見昇平豈偶然

德勝寺

在居庸紫
荊塞上

山寺樓臺帶晚霞從來車馬不聞譁青松樹
下盤陀石綠水橋邊躑躅花老宿殘經猶在
案前朝斷礎半沉沙行人不解悲遺事爭向
村中問酒家

紫荆關二首

春盡邊城按節來一聲清角九關開懸崖花落前旌過遠徼塵生探騎回老大尚餘橫槊興踈狂空負請纓才不知客路還多少萬里封侯念已灰

評云

第三句有思

駐節關城日已昏漢兵十萬此中屯未逢尹喜留函谷且學班超度玉門兩鬢蒼浪無藥駐一囊羞澁有詩存歸來何用安邊策昨日新降吐谷渾

浮圖峪

西接廣昌即古飛狐道李廣出軍處共商易州也燕昭王故城

關城樓櫓出層雲獨自憑高日又曛易水遺墟燕太子飛狐故道李將軍戍連朔漠兵威盛山隈幽并地勢分弭節恠來無一事虞廷長夏奏南薰

廣昌道中

即古飛狐口今屬山西

華髮居然兩鬢生又持龍節按邊城堽墜小列元戎隊感栗雙吹出塞聲草色漸回初過雨柳條猶短未聞鶯不知了却餘生事合得

雲山幾萬重

評云

尾句自在
聯俱好

倒馬關

山有兩關對峙其路極險相傳
宋楊六郎至此馬踣故名其此

可通恒山
及朔州也

山上重關結構同戎樓相對隔西東將軍戰
馬斜陽外老子青牛紫氣中恒嶽煙嵐春可
望朔方烽火夜曾通茲行却喜逢三月花逐
吟鞭日日紅

評云

八句
勻稱

阜平縣

同年錢世
恒曾宰此

萬壘青山一逕斜縣城回首即天涯不嫌踪
跡常萍梗秣恐風光又棟花雲外戎樓連驛
路林間樵火隔人家因思二十年前事有客
乘春此放衙

評云

五六
好

龍泉關

在阜平西百里
去恒臺山甚遠

歷盡邊城此最遙曉行嵐氣濕征袍路緣樹
抄羊腸險山入雲中鬼面高筋力漸衰鞍馬
倦軍儲多廢簿書勞憊來兩鬢黃塵滿安得
餘情付綠毫

温湯

在阜平境北距易州三日程即燕谷也

呂翁曾此煉瓊膏流出山根火未消色比華
池清更絕氣通燕谷暖應饒偶成春服思童
冠欲濯塵纓限市朝向晚披襟閒照影不知
雙鬢已蕭蕭

曲陽謁北岳廟

恒陽靈氣藹神州花縣春深古廟幽五嶽風
雲連岱華千年玉帛獻春秋中山地迥稀遊
客北斗壇高禮道流我有瓣香從內出祝
禧此外更何求

軍城鎮

有宋王都監詩刻墩壁間缺裂給半因次其韻

落日悲笳隱塞城羽書稀報喜時清斷碑經
火留殘字折戟沉沙辨舊營

天子治安猶講武書生迂濶豈知兵停車正
遇邊墟散爭說邊頭米價平

龍華道中

在紫荆南四五十里

數聲鷄犬隔煙蘿候吏遙驚使節過馬首驛
程何日了山中傳舍閱人多杏花看已青如
豆蒲葉來猶淺似莎撫景不堪春又去且歌
烏帽下坡陀

評云久因仕途方知此詩非虛語也

過懷安廢城

古戍多年廢牛羊散碧蕪水聲南入漢山勢北連胡士馬乘秋簡旌麾向曉徂所希邊報靜凌閣未須圖

評云雄渾闊闢宛然盛唐人語

柴溝堡

大閱逢秋日名城奠朔方塞雲常作陣沙鳥不成行前隊旌旗整中軍甲冑亮忽聞飛騎報哨得左賢王

評云此等作製字宙間自有數不勝嘆服

葛峪堡題壁

孤城臨大漠猶屬漢提封月暗秋罍柝風嚴曙閣鐘胡兵窺近塞戍士謹遙烽努力伊吾水

朝廷賞自穠

評云惟渾可誦

過楊武襄墓

武襄一節四夷知千古遐思駐馬時偉績憑誰歸太史平生高誼此殘碑墓田蕪沒居人

東日漫稿 四卷 七
少屋瓦歌傾弔客悲見說北邙山下路野煙
荒草更淒其

評云深悲極怨不止
為揚武襄而已

威寧王公再起總制并涼軍事

單于十萬寇湟中

天子臨軒又起公玉笋班頭今耆老金貂行
裏舊元戎重持漢節殊方悅一掃胡塵大漠
空願蒼昇平辭富貴扁舟還向五湖東

書行臺壁五首

金帶奚堪束沈腰小山叢桂謬相招

朝廷寵重臣才劣邊塞功成士骨銷退虜恨
無中令郭漏師元有寺人貂不堪倚柱成惆
悵况復風花一片飄

坐拂吳鉤看斗文春來青海靜妖氛邊頭樹
與中華接屋角山從北極分萬里長城勞戍
卒十圍便腹負將軍含情欲語無人會翹首
東南是

五雲

評云起語十分憤恨
五六當有所風

病骨稜層倚瘦藤感時懷抱積難勝

尚方寶劔憑誰借下澤巾車擬獨乘囊底幸
仔醫藥費案頭猶苦簿書仍平生豪氣今除
盡可柰青銅白髮增

書卷長拋案有塵春歸無處不傷神桐花院
落紅初減荷葉池亭綠未勻鄉夢每勞多病
客邊愁不到早朝人呼僮暫洗舒州杓莫負
樽前見在身

評云五六所謂春歸傷神者情思可念

候鴈飛歸塞草春悄愁人臥已經旬浮名可
但途千里厚祿深慚歲百緡既逐鷓鴣甘腐

鼠敢辭犬豕混祥麟思量總被殘編誤燈火
教兒且漫親

評云五首俱佳作第

帥府東圃帥府東圃有小圃中建池亭

所月十八日簡士馬畢元戎恒置酒
高會於此以暢雅懷弘治丁巳春都
督阮公既佩印適宿其期印循故事
與同事諸公來此聚飲或謂不可無
作以紀其事因各賦詩一首刻於
於亭庶將來茲盟可寒亦可尋耳

洗兵池上射堂前美酒今晨費十千倚座鶯
聲來細柳捲簾山色對燕然單于累歲無傳
箭嫖姚諸軍總控絃况復青春照金紫豈容

無句記流年

細柳謂仲府城南郎燕然山也

送何德章員外清理屯田還京

按節桑乾驚歲晚一尊臨別重徘徊屯田為國真長計民部多君是俊才踈柳漫從河畔折寒花猶近磧中開憑將充國當時意獻上黃金百尺臺

寄劉司徒時 賜告還家

乞得還家

詔旨優安車夙駕更難留山林已遂先生樂廊廟誰分

聖主憂偶以蓬麻親受益敢言膠漆舊相投從今漢水方城外人物真成第一流

登野狐嶺關

絕塞孤城落照邊行人猶解說當年白旄一去無消息

黃屋重歸有變遷胡馬夜嘶關月暗漢兵秋戍陣雲連斷碑臥草前朝物欲讀摩挲字不

全

評云

五六氣象雄大邊關留題不可無此等句

書懷

年年邊草見黃時，黃色無由得上眉。
沈約宦情金帶減，班超歸計玉關遲。
路遙鄉信何曾達，日短程書

聖得知一夜北風愁，裏聽曉來雙鬢總成絲。

評云

前四句悲壯後四句畧似下稱

輓賈僉憲母趙孺人

乃翁嘗為長史

衣笥香塵積，帔霞南風吹。
老北堂花路迷，鈎弋夫人宅門掩。
長沙太傅家，剪髮厨空賓已散。
斷機牕冷月猶斜，不堪遊子乘驄後。
獨對靈椿感歲華。

評云

三四切題

春寒夜坐

三日晴明兩日陰，越羅衣擁峭寒侵。
杏桃已識春風面，松栢猶堅晚歲心。
吟筆乍拈燈欲暗，熏籠斜倚漏初沉。
不堪病骨稜層瘦，可恠休文帶減金。

評云

八句俱佳三四意有所含蓄不盡露

春晚三首

獨坐風簾晚，空庭小雨餘。
衙兵收隊仗，院吏罷文書。
病為愁多劇，才因老至踈。
願言揚得

意莫更薦相如

花落高齋靜公堂退食餘蜂鑽窗裡紙燕泥
案頭書醫藥經年在琴樽累月竦自慚頭已
白於道尚紛如

思家千里外算老五旬餘終歲了公事何時
讀我書天寒花放少地僻客來踈檢點從前
句而今媿不如

評云尾句常情也

別上谷

馬首東歸第一程猶凭熊軾建雙旌鄉心杜

宇枝頭血世事鷓鴣江上聲統幕地寒春閒
寂摩笄山晚水紆紫高原回首踈澗久不見
黃雲萬里城

評云自直府得告歸詩也八句俱好

謝病還家八首望廬

十里垂楊兩岸鶯病眸家近豁然明吾廬次
第船頭見故老相將水際迎烏帽尚為行路
扮白頭遙慰倚門情不須藥餌扶持在已覺
微軀氣漸平

及家

入門憂病兩俱忘筋力猶堪拜北堂市近盤
殮嗟可辨坐來親舊話偏長五旬之壽宜知
止二十餘年為底忙却喜歸囊無長物南華
一卷久珍藏

壽親

七十慈親見在身眼明猶足辨諸親蘋蘩久
相先君子

鸞鵲新封太淑人壽酒歸來斟合再病軀拜
起喜忘頻從今擬汲清漳水盡濯斑衣往日
塵

理病

病足

行藥巡簷總要扶前身恐是甃浮圖芒屨竹
杖徒為爾曲几方牀不負吾意外幾時歸塞
馬世間無處覓醫盧天公可道於人薄與免
殘年走畏途

評云

三四見得杖屨口疎牀榻日
密爾滑稽可喜後四句弱

觀稼

二頃東臯習郭田黃牛耕罷隴頭眠舊苗半
雜新苗長大麥常收小麥前斗笠倒歌遮赤
日籃輿仰卧看青天有時樹底逢樵子談笑

聊同一息肩

灌園

不忘平生咬菜根
還家依舊灌西園
揮鉏謾有旁人識
抱甕惟甘古道存
杜甫芋區誇錦
里召平瓜地接青門
蕪菁爛煮肥於肉
况對田家老瓦盆

憇樹

長夏科頭坐茂林
更無榮辱可關心
黃鸝不語日將午
玄蟻移封天欲陰
三宿詎生塵世
愛十圍空感歲時
侵槐根醉卧東村
老呼起

聽予快活吟

讀書

茆屋東頭甕牖前
展開黃卷坐青毡
首參義老先天畫
次及莊生秋水篇
開闔始終總一部
是非成敗已千年
廢書又復成長嘆
輸與邊韶鎮日眠

秋江獨釣便面寄陳元溥

舴艋小於杯
鱸魚肥似瓠
故人如可來
沽酒蘆花渡

評云

項無可喜

東日... 四卷... 漁舟晚泊便面寄周載文侍御

怕經風浪惡且繫釣魚船君踏東華門江村
我正眠

評云

格調亦類唐人
微欠點檢耳

雨後

林下披襟坐蕭然息世機涼隨絲雨至暑共
火雲飛朱鳥昏雖見青奴夜已違不知塵網
客何苦觸炎威

輓李都閩

謝却章逢輦長楊百步穿

先朝魁武舉中歲解兵權勲業賢郎繼聲名
戍卒傳秋風易水外高塚正累然

圮橋進履

六籍初經劫火餘圮橋一卷更何書留侯受
得渾無用祗與高皇創帝居

渡江擊楫

胡騎縱橫滿洛京江東惟仗茂弘卿如何舉
措全乖刺坐使中州哭祖生

耕

昨夜典園收息錢大兒買牛耕麥田向翁耳

東坡詩集 四卷 五
語已種黍酒熟正當秋社前

織

老蚕上箔桑葉稀小女手中新繭肥數日繰
車怪不響阿婆裙練先登機

評云

二絕佳甚盛唐人
語也三復起敬

嘲田濟民

酒泉郡外初歸我飯顆山前忽見君身謝簪
袍貧似洗心關桂玉熱如焚故人牢落空懷
刺舊學荒唐尚鬻文獨有盛名隨處滿米家
顛子是前聞

嘲韓宗康

南園狂老子花裏一生忙夢雨魂應斷恨紅
竅亦香綺羅淹歲月脂粉浣肝腸千古誰堪
比風流乞食郎

贈鄭端本民部遇例 貶封父母

喜氣榮光塞劔川名郎翁媪受封年

恩頒北闕常資外官署東曹此例前竇氏義
方人未老柳家勤苦世稱賢題詩遠寄高堂
上翠翟烏紗共儼然

遊鄰寺憶泰高峯上人

二十年前掃石苔杖藜今日我重來綠槐過
雨葉初靜紅蓼受風花自開解帶謾為西教
重留未恐起後人猜寺門流水依然在不見
當時老辨才

評云 頌 聯 佳

西田父子析居詩以嘲之

一夜鴻溝判閩中侵晨橋梓各西東弟兄本
合常同被父子從來有異宮棊裡舊聞爭局
道御前猶自隔屏風願言他日芝蘭茂無改
而翁與太翁

評云 戲得有趣 故實太多

和李石城學士祀闕里韻

畢方夜見魯東家學士侵晨奉白麻三獻直
臨洙泗水頭綱先

賜翰林茶詩驚白傳傳郵竹禮候嚴公掃逕
花莫訝西風吾在告從來痼疾染煙霞

簡景守馬世維

塞國歸來兩鬢絲閉門高卧雪殘時足同粟
里先生病酒賴江州太守齋枉駕况勞臨下
邑連牆曾共駐京師襟期歲晚何人話幸有

同宗是故知

舊居

河聲樹色繞吾廬一徑蕭然草不除多病祗
宜玄晏卧卜鄰原近董生居流年窓外三竿
日今雨門前駟馬車昨日曉寒聊袖手西風
為展案頭書

送王縣博謫山陰河泊因便道長沙省

其親

芹泮橫經二十秋升沉歲晚寄浮漚青毡舊
物還湘水黃紙新除上沃州門外客來竒莫
問江頭船集稅初收臨行最恨長亭柳折盡
柔條不可留

雪

同雲黯黯朔風吹三日柴門未啓時折竹有
聲驚馬蔣夢凍梅無影入逋詩籬邊酒路晨初
掃江上漁簑晚正披獨喜風流陶學士煎茶
調笑党家姬

新春試筆

東風楊柳受偏多綠遍柴門遶御河自笑身
猶窮措大不須人問病維摩結蓍已扁休休

東坡漫稿 一四卷
字拂枕還為浩浩歌一卷太玄空白首試持
覆瓿看如何

雨中自述

春寒何事起來遲抱膝掀髯揔費詩一雨閉
門纔十日百花待酒已多時園林小樣茅亭
結山水橫披古畫垂醉了却醒醒又醉從今
行止更由誰

再用前韻

今年寒食踏青遲減却詩人馬上詩卧病無
醫三月裡朝

天有夢五更時梨花欲破酒應熟燕子不來
簾尚垂睡覺日高剛丈五柴門常掩任敲誰
西田見和若遲又疊前韻促之

詩壇老将戰何遲三月纔吟兩首詩句律固
知猶壯日情悰應不似當時陳思七步才安
在賈島三年淚欲垂愧我偶成還草草媚娘
宮錦奪婦誰

閨怨二首

羞把高樓玉笛吹玉人心不似當時婦期屢
負金錢卜別恨虛勞錦字詩醒後酒痕猶的

東田漫稿 四卷 十一
歷病中花事已離披口脂面藥無消息紉扇
秋風冷漢姬

評云

頗近李義山

永夜鸞簫獨自吹小紅休更說年時望迷天
上牽牛會情切周南卷耳詩團月自甘班扇
棄雄風曾頌楚襟披長門咫尺何須怨萬里
烏孫嫁帝姬

述懷

已還旌節下

形闌老瓦盆中酒正肥三萬六千塲始半東

西南北路初歸春風有意來茅屋湖雲無日
上鐵衣早晚只除些事累催租益菜苦相逼
過鄉校為群蒙正句讀有感

名場可但此心灰青鏡頻看退亦該兩眼昏
多便大字百朋量減怯深杯病慵已絕思

朝念性拙原非濟世才只合終身栖舊隱
兔園冊子教提孩

杏花

探
膽瓶寒貯浸花泉折得紅芳祗自憐
曲水舊

恩榜後牧村新指酒旗邊影橫夜月梅應肖
色醉春風柳傍眠今日書齋伴幽寂出牆嬌
態漫爭妍

閨情

紅日花梢起繡遲舊愁新恨有誰知前魚靜
憶龍陽寵青鳥頻違阿母期萬里縈砧空錦
字千金蓋白輟烏絲春來似少闌干債一日
先闌十二時

下云結語可喜

短述九絕

盆池受水剛斗大湖石假山高尺餘午倦拋
書聊寓目儼然彭蠡及匡廬

殘紅已褪成青杏一架薔薇爛熳開分付花
光須記取莫貪結子且徘徊

兩童肩水灌蘭花屈指來回二里賒使我有
田過十頃夸娥定遣挽雲車

逢蟻採花鬚忙釀蜜螳銜蝶翅亂隨衙幽人一
笑輟吟事獨倚闌干春日斜

評云有醜藉

不種平章宅裡花蔓菁蘆菘繞籬芭客來無

東坡詩集 卷四 十一
用誇顏色羸得春風每在家
頭髮不巾鞞不襪宿醒未解出門遲童奴忽
報漁船過正是梨花酒熟時

評云

樂府題
有古意

獻玉無心運甕慵黃牛飼飽健如龍年來頗
諳田家事毋怪樊遲學老農
栗留西郭繞雙轉楊柳東風已二眠草草韶
華過又半百文虛掛杖頭錢
書卷廢多生壁蠹硯池濡少冷銅蟆蓬門深
掩無人到落盡春風棠棣花

評云

九絕
俱佳

夜半開雨時久旱二麥未登

譙鼓聲頻轉四更忽驚風雨入踈櫺青綾坐
擁歡無寐麥壟明朝餅餌馨

今朝立夏剛三日小麥青青一尺高好雨知
時來夜半田家翁媪睡能牢

如膏小雨通宵下宿麥斬斬遠近齊縱使多
收過十斛也應難易戾度妻

半夜山風吹雨過淙淙簷溜到天明急呼傭
保醒來聽此是儂家打麥聲

評云

調似琴操
可喜可愛

偶成用別上谷韻

西村赴飲恐稽程東社塵詩未倒旌雨過園
林增事料鶯來楊柳送歌聲行燕瞥眼還成
夢得喪於心了不索却笑杜陵緣底瘦不如
一醉破愁城

擇里

不出衡門歲月長南鄰無賴北鄰狂從來知
者居仁里無怪門人惑互鄉幾欲移家關壘
祇未能成俗愧朝堂温公涑水堯夫薊也托

看花駐洛陽

江村釣舟便面

獨樹圓沙艤釣舟白蘋風起滿江秋蓴羹鱸
膾年年飽何必人間萬戶侯

即事二首

燕市新辭買駿金板扉茅屋卧青林盆花種
活自佳色籠鳥養馴時好音捫虱倦談當世
務屠龍慚負少年心欲將勲業還看鏡短髮
蕭蕭不耐簪

多病休文怯帶金經年高枕卧園林野花夾

徑麝蘭氣山鳥隔簾絲竹音案上陸方多誤
字林頭周易可醒心客來莫問人間事華髮
蕭然已擲簪

送王民望自峽藩陞秩巡撫次三原王

太宰韻

分陝旬宣屬雋才又持繡斧岱宗來柏臺望
重憑熊軾蓮岳光寒動蟻杯士設禮羅期盡
取人惟法畧喜童開犧樽會見歸

清廟可但青黃是木灾

六月望新舍成與呂太守韓明府會飲

殘暑相逢笑口開小堂新構近城隈寒瓜再

摘浮冰椀短笛雙吹勸酒杯花外香知韓掾

過韓風情人故調之柳邊駕報呂安來主人卧病文

園久欲賦慚無授簡才

次前韻

莫道蓬門近市開會心無處不林隈身閒懶
束黃金帶量減猶堪藥玉杯親友屢成聊燕
賀比鄰墻短任鷄來獨憐無地樓臺者剛得
人誇宰相才

施太守見薦詩以柅之

一卧滄江歲兩移驚聞剡薦及支離孤舟已
泊經風浪驚馬那堪再馬羈藥喜新方抄陸
氏琴慚古調奏鍾期丹崖青壁吾何敢且乞
餘牛食蛤蜊

太宰屠公致政歸四明詩以贈之

金紫班頭早拂衣官船恩給去如飛
朝逢尚憶山公啓鄰曲爭迎賀老歸晚節保
全真得計急流勇退是知幾到家相近中秋
節玉帶花前父子圍

評云三四
著題

聞虜寇雲中感而有作二首

城下平明虜騎圍城西昨夜血沾衣褰創出
戰士多死囚首被俘人幾歸關塞極天烽歷
歷沙場經雨燐輝輝材間可是無醫藥懶性
從來與世違

聞道邊城久被圍邊兵猶未解戎衣請纓事
笑終童誕勒石功慚竇憲歸劍挂壁間秋水
淨旄懸天上夜星輝可堪醉尉呵人後藥裹
關心雅志違

評云二首
感慨

秋雨病中二首

閉門十日臥秋陰欲起巡檐力未任書對短
檠空二尺家藏敝帚尚千金薔薇浥露新生
刺菡萏含風正苦心藥裹滿前挂不去相如
消渴近來深

評云

五六古人所未道者

歸田生計勝為官林下幽居十畝寬溪水度
雲茅屋暖山風吹雨打窗寒案頭本草閒時
檢篋裏離騷醉後看一枕倦來還穩睡豈容
塵夢到槐安

評云

三四可愛

卧病苦雨

城頭黯黯雲堆墨屋漏床床雨似麻巷陌泥
深稀過客比鄰墻地盡通家聲繁如沸蛙鳴
草粉重難飛蝶困花門外會看秋水至何妨
博望一乘槎

評云

第四句新

簡施太守見過

五柳庄前菊未開陶潛脚疾久停杯忽驚穉
子雙雙入報道江州刺史來

自述

明時何事賦歸田屈指知非又六年前著舊
慚禪

廟筭左符今喜解兵權劉伶酒頌狂文字陸
羽茶經贅簡篇五斗醒來還七碗回看塵世
是虛船

評云

虛船未經見未知是
用莊生虛舟事否

述懷四首 聞薦

百尺危樓八尺床歸田歲晚卧滄江蕭何底
用追韓信鮑老而今笑郭郎細為身謀歸最

穩飽諳世味澹備長山瓶乳酒東籬菊且醉
陶家五柳庄

罹謗

日高丈五曠方酣世事逢人口不談彼諧詩
雖有北我生箕或在維南病婦豈類瀕陽
剪知足常懷柱下聃檻外有花樽有酒且拚
雙鬢醉鬢鬢

評云

三四對工可
喜亦有醞藉

校書

酒殘朝來尚未拈西齋高坐校牙籤硯難磨

為生來滑筆易頽因強出尖虎豕並訛真莫
辨熊魚雖美詎能兼不如徙倚虛簷柱且對
寒花一撚髯

評云滑稽可愛三四有所諷

對菊

秋菊花開滿徑黃自臨深甕取醅嘗東籬敢
奪陶家好老圃聊薰魏國香此日詩須三百
韻餘生醉尚幾千場虎符龍勅都交付且避
人間馬足忙

謝黃侍御二首

故山霜葉繞吾廬歲晚勞君慰索居鄙吝未
交黃叔度宦遊先念為相如多儀遣使恩私
厚一病逢人禮法踈獨恨晨寒侵筆硯報章
呵凍不成書

舊雨柴門長徑苔親勞柱史寄聲來人才自
古推西蜀風采於今見北臺雅意並隨牢禮
至病眸遙為法星開題詩欲報無佳句提筆
深慚贈隴梅

九日述懷

懶作人間了事癡柴門高卧起常逢玉弘酒

到即高品靖節花開無醜枝不俗不僧仍識
字半醒半醉且吟詩年來况與漁樵契温樹
從前本不知

評云

未用孔光事翻得極好又以見初未蒙優渥也可念

贈歙商吳以時南還

到處風花豁壯眸世家喬木在南州弟兄力
作千金產湖海深藏一葉舟旅館生涯淹累
歲故園歸興動高秋願言此去毋濡滯慈母
重門倚白頭

報王僉憲

群童對面忍相欺歲晚滄江卧兩時
池遭毒手祇綠騎星遺長續
褫入矢親勞聽五辭
濡筆寫新詩

社飲

晨起掃風軒花磁淨於玉時年稍豐和談笑
聚鄰曲左手螯正肥中山酒初熟哨壺矢上
遲寬韻詩成速意適軒遊仄月令嚴高冷蜀性
資頗任真禮數亦諧俗隱媿尋陽三
溪六情深各盡觴畫短繼以燭塞冷忍
鴻

籬香還北菊流光衆所同此樂吾應獨爲語
世間人紅塵莫相觸

評云

情真意洽衝口
有致亦自可嘉

擬古八首

行樂秋水濱蕭蕭木葉下僮僕知我勞凭肩
健於馬歸來憇柴門返照身簷瓦取復一長
歌曲終和良寡
雨過秋氣清茆齋淨如洗珍藏葛氏方謝絕
山公啓硯酒有瓶泉厨空無甑米停披坐澄
心此味甘同菘

病起晨梳頭華髮不盈把勃上事多違山林
傳亦寡非魚安知魚呼馬謂之馬日暮溪
流蒙莊真達者

南簷坐負暄愛日熏人醉栩栩然假寐餘忽見
槐南使高車駟馬遊飽諳塵寰事一覺百憂
空隣翁方美睡

評云

是選詩
聲意

中歲究墳典頗知滋味長尺枉尋豈直珠沉
波亦光薑桂老逾辣椒蘭枯乃香肯將一斗
酒末路博西涼

薄暮坐一室焚香彈素琴冰絃足古調玉軫
無繁音不奏廣陵散唯工梁父吟紛紛箏笛
耳誰復稱予心

評云 此二首不是古詩
只是五言律耳

寒鼓遠聲微踈簷響秋雨林空萬葉殘一一
委庭宇獨卧掩荆扉沉疴久難愈感之坐天
明所念非三釜
經年耽肺病藥果堆如山雖失據鞍健却辭
行路難心忘軒冕靜身處衡茅間內外兩無
事優游穹壤間

評云 仍是律詩
無古意

田家

農家歲事畢日晚關蓬門兒女笑燈下牛羊
卧墻根火煨楮拙煖酒漉茅柴渾陶然取一
醉其樂不可言

長門行

金屋佳人正專夕翠華忽幸平陽宅平陽宅
裡春晝長妙舞清歌圍綺席就中艷質霍家
親珠翠滿頭恩澤新酒罷携婦後宮去妖嬈
不數邢夫人經年再辱重瞳顧苴苴含胎滋

東日... 四卷... 世...
雨露坐使長門閉阿嬌黃金却買相如賦相
如詞賦天下工卧病茂陵松栢中得金沽酒
掉椽筆六百餘言追國風后復承恩上心喜
金勝未啓能如此九原寄語赤烏公莫賦東
山勞婦士

評云

詞調頗似
溫飛卿

點絳脣

詠臘
月雨

殘臘凝寒六花忽變廉纖雨墊巾歸去泥泥
先生履試問天公此事真成異天無語蜚廉
屏翳錯亂風雲劍

評云

臘月雨本異事
故風義有所在

庚申除夕

滿城蕭鼓歲殘時珠斗闌干柄欲移十口傳
杯燈下酒一年稿盡枕邊詩辛盤預簇春將
近寒鼓猶敲臘去遲屈指五旬明又六聖尼
知命我何如

評云

第四
句好

辛酉元日試筆

曾持龍節鎮龍沙晚卧滄江鬢欲華一病未
嘗康子藥百年徒繫聖尼瓜孤松遇雪姿還

茂弱柳隨風勢易斜會得歸來無限意武陵
川上看桃花

和元遺山正月九日立春韻

寒逐泥牛送曆家吾廬晴煖更何嗟一年生
計從茲始萬里春光詎有涯挑菜甫能過幾
日探梅猶未試多花令人苦憶遺山老獨對
東風感物華

調迎春花

以竹枝結
屏植盆內

誰把迎春乞汝名小盆移種近前楹金花細
綴行還密翠梗交盤葉未生風外扶持須竹

祖雪中開放讓梅兄一樽未盡詩家興來歲
重尋此日盟

十日自述

故園今日又逢春水北原南柳色新已辦青
樽延故舊何須白眼待時人百年詩債償纔
半一月風光過又旬如此不拚懷抱放山林
何以著閒身

對客自述

雪消風煖近燒燈病起前簷理瘦藤浮蟻酒
香留客醉駕鼇山好記吾登青春有限休虛

擲白髮無愁亦漸增五十六年真一夢悔教
籬鷓笑雲鵬

宮怨

彩線金針事事慵新恩不似舊恩濃千金縱
買長門賦一杵誰憐未卷春翠袖舞多顏色
故羅巾泣罷淚痕重春寒見說梅花瘦未必
花枝似病容

病述四首

抗疏歸來卧一丘盡將榮辱付虛舟杜陵晚
節從人笑阮籍狂名舉世讐大海浮槎終杳

渺小山叢桂合淹留東風吹綠門前水兩兩
沙磯下白鷗

評云結句有味

元龍豪氣已全收抱病春來卧小樓一枕殘
燈千里夢半窓斜月五更頭經句不赴蓮花
社何日重尋杜若洲遮莫強扶藜杖起與誰
桃李夜同遊

載酒尋春合暫休閉門高枕謝同遊獨醒洞
口桃應笑多病山中桂適留弦索譜生拋綠
綺斗文塵滿閣吳鈎誰言春去愁如海東海

東坡詩集 四卷 甚
還當有盡頭

杜陵勲業近如何青鏡流年兩鬢皤
狗豨餘同土芥檣烏泊後任風波
病多自笑非閑酒和寡安能獨浩歌
昨日林僧相問訊謬言予類古維摩

木蘭花慢

懷詠

向名場宦海縈馬去又牛來喜近日林間陶
腰緩擺阮眼狂開從人翻雲覆雨更不須計
較與安排說甚蘭臺柏府何妨草閣茅齋
思量多病為多才把似學癡騃且領取餘年
驚枝鳥定駭浪船回春來訪隣尋里對故人
無限好情懷新醉梨花美酒舊乾荷葉深杯
早春自述三首

杏花雨過柳花風睡起凭闌酒正中一椀午
茶麈醉吐半溪春水帶愁東沈香乳燕窺簾
入巢拙鳴鳩借樹同試問春光還幾許少年
人病已成翁

評云

組織甚上

十載金門籍謬通歸來還作著書窮睡醒旅
屋日初上病起柳塘風已東華髮無情垂素

東坡詩集 四卷
領朱顏何計返青銅步兵雙眼毋勞白末路
誰人肯恕公

摩挲雙眼對青春花漸芳菲柳漸勻酒有別
腸堪敵客詩無奇句可驚人百年息壤盟何
在一枕邯鄲夢不直早悟滄浪終濯足肯將
吾足浣黃塵

杜工部

草堂為卜錦宮城短褐麻鞋萬里行南國魚
龍方寂寞中原豺虎正縱橫愁深異域吳郎
狎醉極登牀僕射驚李白沉身公藁葬令人

空恨翹先生

閒述

茆屋三間樹一灣仕途今日得真還非閑霄
漢無人顧自是山林要我閒驄馬凌兢歸馬
逸朝衣狼籍舞衣斑而今不是籠中翼何用
開籠放白鷗

評云

三四是用唐人一代交游非不貴
五湖風月合教貧意語微不及

自咎

東風搔首據胡床自取平生一較量富貴已
教伶俐折憂愁還把笑談妨欲凭醒石誰容

醒不飲狂泉反謂狂形狀被渠描畫盡未描
惟有鐵肝腸

評云

三四老於世
故之言也

病起偶述

案頭殘字了玄文病入今年較一分刻水自
容癡老子灞陵休起故將軍春光滿眼濃於
酒世事無心懶似雲獨有新詩猶作崇未能
即取古囊焚

溪上即事言懷

門外春波鏡面光渡頭春柳麴塵黃釣魚船

小竿三尺沽酒旗斜字一行淑氣已催黃
轉機心久與白鷗忘而今雙足浮埃淨不泥
滄浪亦未妨

評云

第四
句新

花朝會飲

酒香隔座藹如雲花氣穿簾煖似薰朋舊二
三聊會合春光九十已平分高談正喜眉雙
展俗事何勞耳重聞却笑杜陵懷李白一樽
空自悵論文

讀騷有感

四壁殘燈一卷書蕭然華髮照吾廬衰形扶
病經春後寒影隨人入夜初銅柱功名羞據
馬碧山風致在焚魚丈夫出處從來定何事
湘纍著卜居

評云

句律純熟自
在三四尤佳

索居用前韻

手挾農家種樹書會心無處不匡廬百年在
世真長夢一醉忘情即太初意外危機虞氏
鼠眼前欺態校人魚何須更說紅塵事抱病
林間且索居

評云

不似和詩
自在極矣

擬古

氣序忽流易暮春黃鳥鳴幽人卧空谷感此
微物情海水不西返薊轅豈南征君恩如可
恃富貴何須輕

評云

三四流麗可傳
結句人情也

酌客

良辰具雞黍朋舊過我談疎雨霽遠近微風
來東南共悅名理妙安知醪味甘古人不及
亂吾敢獨沉酣

評云調高可作琴操

築墻

黃土周遭築短墻小園十畝護紅芳
版間豈有調羨相樹下應無立馬郎
低度山雲連野色亂過隣蝶限春光
杏花留取供詩興莫放狂枝出路旁

評云五六好連字限

贈樊都尉時江南冊

錦纜牙樯艤渡頭前相曾記及高秋

中朝駙馬官曹重南國

親王禮數優平叔風流今絕少宗師文采古
難儔相逢草草還相別君自乘鸞我飯牛

近村杏花

近郭村庄載酒來還當兩度杏花開
若教芳樹常今日安用紅粧
侑此杯墻外繁枝春正鬧
水邊踈影月應猜東風吹落無人惜
狼藉人間十畝苔

十姊妹花即麗春

移得芳叢最好枝暮春庭院見開時
便分麗色來書幌兼有濃香入硯池
體態似秦還似

鏡面顏宜粉又宜脂憑君莫辨彭衙石留取
當年杜十姨

評云

杜拾遺人記為十姨遂為故事以之咏十姊妹亦自可喜

連日風寒遊賞盡廢有作

柳外東風慘似秋豈徒堪恨五更頭顛狂十
日尚未已斷送百花空始休芳渚浪高無客
渡長途塵漲使人愁閉門一卧青春老安得
南薰入舜謳

約西田看杏花

階前園子報昨日杏花開載酒尋春去期君

得得來

田間自述

歸來能幾久一瞥又殘春律熟詩方淡年衰
夢不真青衿遊稚子白髮奉慈親偶讀幽風
罷蒸梨餉野人

評云三四好

西園同西田看花三首

小甕新開釀携來看杏花園林須我輩句律
本誰家正喜青春好還驚白日斜歸來重秉
燭莫待鼓晨撾

西園風景好文杏繞芳筵杖履春香外樽壘
夕照邊先生將去也太守已頽然此會應須
再無勞憶舊年

評云

三四平易冲淡五六
用見成語對偶切題

侵晨步屨來日落尚徘徊公忽頽然醉吾今
甚矣衰園花相調笑林鳥不疑猜明日能過
此牀頭有舊醅

村飲

兩角黃牛駕小車隨行童子髻雙丫南隣北
舍連朝酒野杏山挑是處花嬉笑一場村鬼

偏輸羸幾陣瞽琵琶歸來醉卧茅檐下消得
盧仝七椀茶

評云

題本村飲故此作
亦只用村語體

病起

對鏡

閉門三月盡一病尚懨懨末路詩偏苦中年
騁不甜自從書卷廢誰共酒杯拈惟有青銅
在應憐白髮添

寄王希曾都憲

與君先世舊通家况復慈恩共看花闊別宦
途餘歲月旬宣隣境仰光華魚書遠自

東坡詩集 卷一 四
朝廷下能軾新聞父老遮咫尺病中良會阻
寒宵空憶剡溪艇

留客

小院春深靜重門晝半關盆花經雨活簾絮
遇風閒病久形如削吟多稿自刪童奴沽酒
去客至未須還

霽景樓卷

為李世賢
學士題

學士當年此建樓斗城風物陋黃州星辰句
好裒群玉湖海人豪卧一裘綺陌香塵高處
少紫宮王氣望中浮而今却抱先憂去江

雨霏霏倚石頭

石城雪樵卷

同上

三日柴門受雪欺洞庭樵斧出林時一肩犀
桂千金重兩足鴻泥十里遲澗底暮歸應煮
石山間寒坐謾觀棊年來弛却煙霞擔聞逐
瓊龍入鳳池

東塲

柳外鶯啼日正長黃雲割盡已登塲怪來一
月無詩句相逐農人打麥忙

東庄

東田漫稿 一四卷
水北原南二里餘五株高柳簇庄居病夫此
日乘駘罷斗大中車駕一驢

自述

不獨陶潛悟昨非我今林下得真歸已除嫁
女婚男累政墮求田問舍譏赤日尚須遮席
帽黃塵無自浣荷衣倦來何以消長日把卷
時扃白板扉

鄉會四首

鄉里交遊為此會筵前白髮照烏紗花能侑
酒如傾國詩不驚人豈作家先口具書邀杖

屨有時接席話桑麻香山洛社吾何敢聊以
優游卒歲華

評云

絕似白樂天

南風吹入雞豚社兩袖微涼透越紗序齒我
應居末席論交誰不是通家門無凡鳥題為
鳳心似孤蓬欲倚麻如此主賓良不惡且憑
樽酒醉芳華

小堂雨過琴樽淨安石榴開剪絳紗飲散誰
當為後會天生吾合作東家新詩即席還留
草世事關門任若麻獨喜高陽諸酒伴年來

雙鬢未全華

社酒滿缸乾未得簷前斜照射窓紗山林此
日須吾輩鄉里何人更會家晚趣自甘如倒
蔗專封誰擬聽宣麻掀髯一笑東西去明日
相過醉眼華

題便面画二老携琴登山中茅亭

人間不洗箏琶耳三尺枯桐奏向誰山裡草
亭如斗大伯牙握手有鍾期

呂太守希仁高元健韓宗康二明府程
依仁少府俱致仕於家予亦

賜告每月望日醵于予舍詩以紀之

樹色花香襲酒樽五人華髮會柴門翟公雅
重惟高允韓擘深交有呂温月每望時來結
社冠從挂後各忘言不知地主還誰是絳帳
先生卧一村

評云 用姓 戲劇 東坡 曾有 此體

東田八景 桃溪 在縣東二里予家別業

之 所 也 東 田 之 真 退 休 者 鮮 衣 盤 礴
即 其 所 有 題 為 八 景 仍 系 以 詩 將
酒 後 朗 吟 以 詔 田 翁 社 友 豈 敢 為
達 官 長 哉

夾岸穠華滿逕苔柴門春曉杖藜來林踈未
許漁郎問庭小何勞道士栽兩袖香風吟不
輟半簾紅雨夢初回無言盡日知誰似李膺
平生最有才

柳逕

兩衙高樹綠陰生路繞村回二里程北塞歸
來聊繫馬上林別後此聞鶯飛花似雪晝無
影病葉吟風秋有聲恨殺灞橋殘雨外一枝
猶自送人行

杏塢

點綴孤村入畫屏酒家春雨正冥冥花間朝
士頭渾白路上行人眼謾青照水梅應同雅
淡出墻桃或妬娉婷百年可笑王摩詰獨把
辛夷種滿庭

槐庭

簷前嘉樹午生涼一卷南華坐日長根瘦可
勝隣叟枕花開已屬世兒忙清陰早歲分多
士餘澤他年及二郎試問南柯新郡守近來
塵夢幾多場

豆田

農夫藝菽繞吾廬麥後新苗已漸鋤七步敢
誇才子句一緘深惜友人書香箕未刈秋風
冷翠角初飛夜雨餘稍待歲寒成粥日飽食
還可敵蓴魚

瓜圃

一團蒼玉冷含津把種桑陰萬顆勻繁處漫
勞將聖歎熟時還濟故侯貧無心納履從渠
議有意揮蠅怪底嗔莫道郎今吾得代葵丘
猶有未歸人

麥壠

可是漁陽解印歸貽年歲下兩苗肥波濤勢
湧難垂釣餅餌香來豈與魚雲剛曉黃蚕正
簇風吹暖綠雉初飛田餘十斛應多事寄語
家人早下機

禾場

九月幽人已築成村莊種黍正嘉晴好吟
老開筵句莫聽王家打麥聲田夫只說
秋隣雞遠過短墻鳴優游卒歲只何
春風屬忍平

溪山一月不止

一
更爲雙足茅屋聊能庇禿顛蚊喙刺膚勞
撲運聲聒耳減秋眠不知綠底琴書潤慢却
清商第二絃

盆池荷花

初日芙蓉照水紅盆池埋置小堂東當年曾
載西湖酒今日還追外監風墜粉千房憐意
舌潛泥百尺有絲通平生豈識傾城色見此
無自詫同

東塲早秋二首

雨泥茅齋淨涼生兩腋風秋槐可院綠隣棗
過墻紅久病心憎藥無官首任蓬客來僮莫
報吾正註叅同

柴門近水開病間此徘徊掃葉掬苔破移花
帶草來吟經夔子國夢覺蟻王臺俗轍休相
過殘年百念灰

評云

三四幽
開可喜

蓮開獨賞二首

庭外盆池蕙菖開遠觀近覷去還來鏡湖人
已千年往誰共花前舉一杯

照水芙蓉獨自開日高庭院少人來憑誰為
起瀟溪老同酌南風白酒杯

評云

二首同一格調俱
于末後見獨賞意

自述十首

本招物議坐踈慵回首雲霄隔萬重誰向車
中明蕙苾自甘江上採芙蓉詩篇信口無存
稿疾病終身有瘦筇昨暮偶過田舍飲日邊
書到未開封

百年纔半得真歸今是方知昨已非報

國此身曾敢計於人何事不相違宣尼尚有

投棗謗華植安逃棄甲譏著輩鐵衣無可著

衰遲却喜著荷衣

欲斬鯨鯢報

聖明豈知燕雀自相驚中山遂起三年謗息
壤空勞五月盟心質鬼神無內疚病思田里
即東行殺人曾子今安在枉死冥間合有城
柴門無夢更朝

天行愛山林坐愛泉浮世纔堪幾納袞虛名
不直半文錢右軍誓後工書帖外監歸來放
酒船賴此風流傳不朽未知鐘鼎復何傳

少誓墓不仕季真捨字乞婦皆有所為
故序令名使富貴終其身未始知有此否
耳所以末句云然非謂當時
鐘鳴鼎食者皆不逮二公也

敢向

明時便擲簪生來骨相合山林初心本擬能
穿石衆口誰知可鑠金白日西飛天色暝清
漳東去水聲深少年英氣消磨盡贏得凭闌
一短吟

新秋門巷雨苔封獨坐空堂思萬重可但文
犀誣遠祖也知貝錦是說訛宗才踈祗合王官
隱詩瘦還堪飯顆逢落日隔溪山徑裏有人

曾笑武侯龍

評云武侯尚不免薛能之笑况
吾儕乎固宜其不免也

古方拋擲病懨懨往事兼將髮雪添漢法自
寬新息枉蜀人難治孔明嚴行藏歲晚樓空
倚凶吉年來策謾占獨有詩逋并酒債藥船
筠管或猶拈

病謝交游久索居薜蘿深處結茅廬已無驛
上留田奏賸有農談種樹書人衆果堪疑市
虎眼明不合見淵魚隼旟豸軾今何用斗大
巾車駕一驢

東日漫稿 一四卷 別
五株踈柳獨家村

天上歸來此閉門伏枕豈堪書怪事蓋推應
可息流言前魚

恩寵無由報左角功名不用論今夜碧空雲
物淨明河誰挽洗煩冤

壯志全消逸興多殘年高枕卧煙蘿達人知
命乃如此君子信讒將柰何林外歸雲含宿
雨門前流水渺層波白鷗與我忘機久啣得
鱸魚夢釣簑

琴

槁梧三尺帶朱弦壁上空懸二十年欲取向
人彈一曲廣陵散絕已無傳

碁

賭却滄溟與太山少年敵手只商顏而今奕
品公然劣徃徃無心勝負間

書

萬古綱常六籍該自餘文字誤人才不如併
與金樓子一炬風前化作灰

畫

一幅丹青直萬金市朝不畫畫山林若教持

東田漫稿 一四卷 五十一
與巢由看猶恨山林畫不深

評云

眼前言語
興致非淺

寄師言

華髮蕭蕭一病身暮年唯望汝成人桂花折
擬三秋早楊葉穿教百步真鄉榜姓名追世
舊科場文字逐時新歸來可但吾心慰堂上
兼能慰老親

秋日期宗康不至

魚箋摺素印文紅西崦招人赴灤東嵇駕秋
泥猶未命孔樽春酒與誰同霜前葉報先生

柳花外香占少女風終日期君君不至懶敲
碁子只書空

評云

聯雖未免故
實意却好

秋睡

鈿枕紗厨午夢長秋槐過雨綠陰涼門前水
隔蟬聲遠庭下苔深鳥跡荒禮法倦開雙白
眼功名消熟幾黃梁明朝遊莫西風起紈扇
同歸篋笥藏

自遣

免被紅塵汚兩梁拂衣歸卧水雲鄉驂騑絡

鮮霜蹄健鸚鵡籠開翠翻長五柳先生陶靖
節四明狂客賀知章寒醅一甕詩千首紫蠟
初肥稻正香

評云律純熟似陸放翁

言懷

水北原南一草堂坐憑曲几卧方牀短章細
和陶家韻小帙親抄陸氏方霄漢故人成間
阻山林逋客坐踈狂朝來試取青銅照自笑
鬚眉比舊蒼

寄顧良弼院長

官河曾共泛蘭舟一別從春又到秋
長樂鐘鳴楓葉曙小山門掩桂叢幽自慚骨
相無犀腦所幸心知是虎頭聊摺花箋題草
字西風為我寄 皇州

寄王明仲大理

一緘迢迢托雙魚熏沐親題細字初
都下遠詢班景倩林間倦卧馬相如朝簪照
眼官方貴藥裹關心病未除記得別時春欲
暮秋來雲樹重愁予

刑部陳郎中奉

勅畿內讞獄兼省其親憲使公於濟南詩以
贈之

都官雅望重層城家學仍兼律學明

恩勅紫泥秋被

命獄書紅燭夜求生寧親使道過青社奉使
先聲入玉京可仁福星臨輔郡他州持法會
皆平

贈馬宗源縣博之官太原

童時曾逐舞雩群林下風飄白練裙此日却
驚聞絳帳暮年深藉守玄文太原學舍新虛

蕭灑儒流舊數君去去莫嫌官職冷執官
吾意懶於雲

久雨屋漏書卷盡濕

鳩婦晨猶隔樹啼癡雲不散雨冥迷池塘夜
漲芙蓉水巷陌秋深欵段泥新檢藥方科內
外舊篋書卷漢東西不堪草屋牀牀漏濕盡
紅籤與素題

盧指揮惠石苜蒲

似惜休文久病軀小盆持贈石苜蒲延年紫
府丹何有止渴金莖露本無細雨剪秋秋院

東田漫稿 四卷 五三
靜寒燈收爍夜窓孤葡萄蕙苾俱為累乞與
醫家自笑迂

秋日遊西園和韻

水邊林下一身閒日有高人共往還紅槿花
携金露酒銀絲膾薦白瓷盤良辰何必由旬
劫芳榭才消一兩間分付詩奚存好句菊時
遂此濺龍山

西園對客自述

絮雲絲雨半陰晴花外巾車駐復行乳燕見
人癡不避老駮繫柳瘦還鳴酒因量減常先
醉詩愧才踈每後成獨有鬢毛衰未盡白中
猶黑兩三莖

與元健宗康放船小酌晚至東庄步歸

溪風搖樹酒船移溪水澄沙照鬢絲蘭棹坐
剡將十里葛巾狂脫已多時偶過田舍閒爭
席便指煙霞一賦詩破鏡忽并殘照下嘯歌
歸去少人知

登樓懷古

經秋懷抱鬱難裁今日登樓強一開渡口水
渾溪正漲城頭雲黑雨還來扣舷漁父滄浪

曲戴笠詩人飯顆才千載豎儒同一律憑高
眺遠益堪哀

評云

三四登樓所見者
五六聊以自況

秋雨簡社中諸友

芹曝由來計本疎瀛南別業閉門居貧同五
柳先生傳病憶三茅道士書花發每宜傾社
酒萼香兼喜膾鱸魚廉纖細雨端當止明日
香山欲駕車

東庄言懷

數家雞犬住成村無復魚書更到門玄晏先
生終歲病貞元朝士幾人存樽中綠蟻非狂
藥架上紅牙本贅言一醉忘情拋午卷北窓
高枕夢羲軒

秋晚登樓

風煙澹澹慘孤城日暮登樓寄遠情連鴈影
寒雲外度亂蟬聲急水南鳴權將組練三千
解詩倚闌干十二成一笑行藏都是夢悔曾
王粲久留荆

評云

三四登樓所見
所聞語格自好

西菴四首

東田漫稿 一四卷 五五
遠林開宿靄散策叩禪扃簾寂知僧定花踈
見客行短籬初蟋蟀深窳欲蔓葺我本逃名
者淹留懶入城

評云五六
好

坐愛禪房靜來憑曲逕通荳蔻先雨白柿葉
未霜紅籬犬金絲小林烏玉項同猶嫌城市
近或有趁齋翁

評云細瑣
可愛

遙聞鍾磬響僧出紺園迎墻草秋先死龕燈
晝亦明庭寬通野色路僻少車聲忽憶臨邊

日安能此放情

評云第六句
不稱

獨居方丈室旁有百年墳火斷隣庄乞泉香
近井分問名臨濟派作課梵王文我欲閒來
徃毋勞贈衲裙

遊西庵二首

十日九回遊此地不同酒伴即詩家狂題壁
字大於斗醉拄野筇聊當車年紀雖徂猶健
浪身名俱困不咨嗟獨憐老衲知人意掃地
焚香更煮茶

評云三四雖相硬却有興致

小槽新壓茜耕釀携向紺園來看花真率不知誰是主過從盡欲此移家身顏上苑三眠柳吻喝東陵五色瓜一笑西風吹面醒簾前白日未西斜

秋日同希仁元捷宗康飲西菴有作

雨中風帽此年年竟日淹留紺樹邊金谷舊人頭盡白玉關婦客髮猶玄詩囊已富仍耽句酒券初成不責錢爛醉却忘村路晚一天涼月馬頭懸

評云前四句佳甚感今懷昔不勝悲慨

久雨西齋

壓樹癡雲晝不移撲簾涼氣雨來時苔錢疊地人稀到籠火熏衣婢獨知清淺池塘初點點黃昏庭院尚絲絲借言愁殺山中客誰寄韋郎五字詩

評云八句句稱可傳

聞遠寺有竹遣人賫百錢求之至則唯石竹數叢而已盖北人初不識竹見者謬認以告予也一笑有作

東坡詩集 卷四 五七
自取金錢施老禪，要分疎竹種窓前。青鸞忽
避王猷去，香麝還依杜甫眠。風雨長身愁不
見，驪黃具眼妙難傳。凭欄一笑秋庭晚，松友
梅兄又隔年。

評云

末句見得明
年須種耳

北村

雨後平原眼界寬，北村倚杖獨盤桓。垂楊葉
老林容淡，蕎麥花殘野意闌。隔水綠簑漁舍
笛出墻，青旆酒家竿。城闌此去無多路，陌上
秋泥恐未乾。

送盧漕使還括蒼

京國多年別青樽，此日同君才猶漕帥我病
欲衰翁。潦盡河流瘦，霜嚴木葉紅。如何便分
袂，一棹入南中。

絕句

團頭紫蠟連糟膩，大粒黃梁滿筋香。一飽不
知門外事，小窓靜坐嚼棋榔。

評云

逼老杜
太甚

踏莎行

詞

懶上金鉤長，垂珠戶礙他。紫燕雙飛路，香風

東坡志林 卷之五
不動晚禩參韓郎儘被偷晴覩障柳遮花移
烏轉兔青山隔斷無重數祗宜掛向妓堂前
歌聲又引行人慕

評云亦可喜

園丁送黃菊

白衣不送淵明酒擔送黃花滿意開把種東
籬吟未就隣家雙蝶過墻來

評云亦可喜

輓吳廷珍都憲母太安人

栢舟詩後更何人此姥孀居白髮新滄海未

填精衛石青銅又翳舞鸞塵鄉閭

勅旨明華楔阡表

恩封感石麟五十八年天合鑒子孫相繼立

通津

黃士華載酒西菴邀予賞菊遇雨

短筇長榼怪來頻老圃寒花雨後新令劇坐
多浮白者興高吟對姓黃人非關湖海餘豪
氣自是山林要此身屈指重陽都幾日暫將
華髮墊烏巾

寄臨清馮太守

幾年淹作縣此日寄專城已踐大夫秩猶傳
進士名口碑爭頌德手簡獨馳情述職如相
過蓬門倒屣迎

代人輓鄭宜人

賢母平生信可書笄年纔過即孀居哭夫淚
染湘妃竹教子官登孟博車

恩許贈封空誥勅扁題貞節尚門閭而今把
卷濡毫處說著含飴恨有餘

約西田賞菊以病不至折枝贈之

黃菊開時人卧病不來相對賞西風童奴似

惜芳華老折得一枝聊贈公

逢小沙彌問訊日華上人

病起逢僧屬秒秋漳河歸去祈津頭汝師若
問吾踪跡弘景年來學畫牛

贈李汝弼

豸史辭天日麟兒發解秋移舟經故里按節
向中州病久文園馬交深鉅鹿侯尺書如可
寄衛水日東流

九日

茱萸時節病猶耽強起登高望蔚藍校盡古

東坡詩集 卷一
方追陸九寄來新句笑潘三籬邊晚趣黃花
外雲裏寒聲白鴈南我醉不須風落帽華顛
久已謝朝簪

評云八句俱可

踏莎行雨中

青杏垂丸綠荷繁蓋廉纖膏雨如輕霽年年
人病怕春歸春歸今又慊慊害薛荔墻頭
芭蕉窗外斜侵密洒真無賴曉來風絮委芳
泥休文定搏黃金帶

卧病苦雨

杜陵車馬不相過門巷連陰柰若何貧士正
為秋雨歎

君王空作大風歌枯桐挂壁朱絃慢古硯
泥綠蘚多一卧經旬憂底事西郊生耳有
禾

評云三四無限含蓄不獨對偶親切耳

聽雨

藜床筠簟嫩寒欺卧聽空林夜雨時初密漸
踈檐溜辨欲晴還未壁燈知漏聲雜耳重門
掩塵事驚心獨枕欹明日試看聽事外綠荷

隨漲出盆池

戴司冠自南都改比院臺長

宿名高並秣陵山此日喬遷覲

聖顏都憲一官虛左待尚書五載自南還入
朝曾上星辰履執法明趨繡斧班我病強扶
方竹起喜公扶日五雲間

靖康

九鼎胡雛盡比移九哥泥馬獨南馳厚顏妾
婦偷生日駢首忠良就戮時良嶽草長迷覆
轍汴宮花老訖殘棊可憐五國城頭月夜夜

寒光燭帝纍

評云佳作

馬東田漫稿卷之四



東田澤和

一四卷

六三

馬東田漫稿卷之五

東田馬中錫著

沙溪孫緒評

筆山文三畏校

秋日西園

散策西園一逕幽
袖風巾雨足淹留
鳧鷖塘淺蕙葭晚
蟋蟀籬踈蕙苒秋
恠事謾勞書咄咄
別名還擬號休休
客來莫共談機事
抱甕先生已白頭

評云前四句好

雪中

鼎鼎寒威曉尚侵，病纏衾鐵臥空林。
藍關羸馬宦情澹，灞水寒驢詩思深。
遠店閉，酷無吠犬虛簷窺，食有饑禽滿爐煨。
芋遲遲起不用，長門買賦金。

評云

結意謂遲起不用探金取酒耳

對雪

撲盡爐中榾柮灰，誰招滕六入簾來。
西湖處士梅花句，南國佳人柳絮才。
借照有書堆小案，敵寒無酒注深杯。
晚晴試倚東樓柱，六合

無塵病眼開

雪後自述

六花無賴矮胡乾，獨坐空齋守歲寒。
平仲孤裘歸後敝，王恭鶴氅病來寬。
眼非把卷常時眩，膝每登樓數日酸。
唯有鬢毛衰未盡，暮年偏稱鹿皮冠。

西田父病詩以奉問

西田臥病近如何，兩月風光一瞥過。
社裏酒樽延客少，卷中詩句憶君多。
古方試檢還應效，晚景將殘貴養和。
我是朱陳舊知己，無端

先亦抱沉疴

評云鎮情真語
第六句新

賦雪

已逐漁蓑江上歸東華不必點朝衣銜枝破
蔡功何有授簡遊梁事總非蒲地梨雲同落
莫一天梅月正光輝憑誰說與王猷道明日
晴乾叩竹扉

評云故實多耳稱恨

一夜遙山失舊青侵晨鳥跡篆空庭瓦罇酒
薄冰三寸錢箸仄寒火一星映案尚慳開竹

簡掃簷先合試茶經想應凍殺東鄰老過午
柴門未啓扃

評云前四句好

雪夜次韻

踈簷僵樹北風乾吹墮冰花釀作寒茅屋漸
昏燈已炙布衾初煖炕仍寬槽頭酒熟寧嫌
薄甕底釐黃正帶酸小案矮函箕帚妾殘年
相對卸塵冠

評云眼前俗事
句可喜

短述
審中有一本

東坡遺稿 卷之五
得喪與窮通何須問塞翁歲華彈指外心事
撥灰中臘近梅先雪春遙柳未風杜陵人
病依約去年同

評云五六似
杜子語

寒夜言懷

譙鼓連敲入二更殘燈窓下滅還明梅花帳
冷難成夢蘆絮衾寒却有情一品官衙誠長
物三場文字是虛名原南水北歸來晚恨殺
儒冠誤此生

偶述二首

東華倦踏軟紅塵乞得歸來白髮新函谷五
千餘字叟阿房三十六年人風雲自古時難
際岩壑從今日見親莫向宦途歌此調宦遊
聞此益沾巾

尊羨鱸膾日加殮門外黃塵了不干半世多
愁綠識字三年無病賴休官書篇今古冥心
會棊局輸贏袖手觀獨有新詩猶作祟夜來
一句未吟安

陳瑞卿憲使寄惠宣聖壽星二圖又稽
奉謝因詩見意

栢府丹青寄竹扉天機妙奪世應稀東家夫子感麟出南極老人騎鹿歸敬祝瓣香瞻聖表咲呼樽酒壽親闌山程咫尺封疆限莫訝書郵數月違

評云句律不牽強不厭太著題

自述

鏡中華髮已刀騷病起茅茨擁黑貂醫到三肱無可折味逢衆口竟難調憶歸此日還尊菜贈別何人正柳條村酒熟來拚爛醉肯牽纓冕誤漁樵

雪夜

春前積雪蒲庭中凍木無聲戰北風小窳婦開醅漸綠矮窓人坐燭初紅斗移昏柄遙旋左月擁孤輪又出東金帳羊羔消不得屋山一炕煖如烘

評云第二句好謂木冰而僵直故風吹無聲

雪

慘淡同雲晝不開黃昏滕六駕車來高眠未著幽人節白戰先誇學士才大地山河同一色九衢車馬絕纖埃病夫土炕如春煖時為

豐年一舉杯

哭仰晉卿

與我同年先我死
哭君連夜夢君過
寄來書信千行在
一讀新愁百倍多
泫水孤舟歸旅覩
芝山故宅老庭柯
此生二十餘年友
未卜他生更幾何

春述

南柯之榮終半餉耳後車之載能
勞歌牛二句云然夫夢蝶既不足
之求所以見啞於此游也

簾箔褱褻懶上鈎
春來舊病雜新愁
窓風暗入頭風劇
簷雪全消鬢雪留
半餉功名勞夢

蟻百年貧賤幾歌牛
贏餘未必真求得
縱得

何如馬少游

十年征袂厭京塵
歸卧柴門草色新
失意謾勞憐得意
忙人終恐愧閒人
光陰似客吾為主
書卷無讐酒是親
分付百花潭上路
浣翁明到岸烏巾

窓積蛛絲案積塵
病驚門巷柳條新
玉嬙去國終懷主
鮑老當筵正笑人
十里煖燕黃犢飽
半篙春水白鷗親
相逢莫話封侯事
華髮蕭蕭滿角巾

評云和乎渾厚
遠勝前詩

休休何事咲勞勞把鏡清霜點髮毛蚤歲功
名嘗諫獵暮年文字欲箋騷數椽茅屋孤村
柳一葉漁舟兩岸桃誤矣東華門外路十年
空羨軟紅高

評云中聯好欲箋騷
怨也却不要露

瘦軀還藉瘦藤支春入陶園勝習池睥睨二
豪花下酒依稀四老竹間碁掀髯獨笑無人
識倚柱冥搜得句遲款取素琴調一曲黃金
誰為鑄鍾期

昔年疆場事多違祖甲光中早振衣久卧却
慚玄豹隱未歸先放白鷗飛農書午倦拋田
舍樵擔春逢話釣磯尚恨不如蘧伯玉五旬
過七始知非

日日花邊結伴來題詩纔罷復傳杯閒人無
乃翻多事

聖主何曾棄不才簾絮晚憑風勢橫林霏朝
見日光開無端却被頭顱惱消得黃金更築
臺

博山爐換水沉香深院無媒日正長愁極睡

還中酒聖病來心欲禮醫玉落花時節鶯聲
苦流水人家燕翻忙一葉漁舟數聲笛晚風
門外聽滄浪

評云八句俱

閨怨

睡殘雙鬢斂雙眉日照疎寮未起時零落亂
紅春又盡玉關書信到來遲

便面小景

村遠雲迷樹橋危水拍湖抱琴歸去晚賴有
短筇扶江上茅亭小雲邊野樹疎扁舟垂釣

者應不為鱸魚

評云可

春日郊行

東郊花柳豁吟眸携杖真成爛熳遊田舍酒
肴留客儉村莊兒女見人羞漚池水暖先浮
鴨沃野雲開漸試牛况喜昇平無一事何妨
沒齒卧林丘

評云中二聯寫得郊原如

村行用韻

咲拉南鄰訪北翁葛巾猶帶晉人風年登酒

價偏逢賤春透花枝不惜紅隔樹一聲鶯轉
午捲簾雙鬢燕來東黃昏歸袖沾雲濕須
林間木火烘

評云第四句極新

小園春集

橫塘西畔曲闌邊暫合朋簪輟草玄花放辛
夷春始半酒論甲子酌誰先踈籬小尺來能
識高柳新鶯坐忽遷此日不將懷抱放餘生
合得幾流年

村居絕句

荷葉洗斟新醉酒柳條穿買小舟魚村在
不出連朝醉牛角何曾掛漢書

重有感

謾勞長日坐書空今古元來事盡同蜀道少
年疑杜甫漢庭前輩忤梁松浮沉隨俗資身
策輕薄為文不世功恠底高人腰懶折歸來
一枕北窓風

落花

枝枝狼藉畫闌東眼底穠華又屬空弱
禁三月雨香魂易斷五更風乍離芳樹應思

綠欲點蒼蒼不惜紅一片無何終萬點
愁殺松陵翁

一評云工緻可喜句句見惜花惜春之意便覺宋景文兄弟為凡近

頭風

露頂花前未有期小窓層紙護風吹經年不
愈徒工檄對客頻搖合廢詩茅屋仰時無磨
旋藜床卧處覺船移華陀已死無人問有檢
方書欲學醫

樓觀

溪上危樓復絕攀偶凭闌檻瞰人間

抹陳文字北褱南梳假髻髮惹苾價騰珠友
賤桔槔機巧甕應閒謁來一笑無人識目送
孤雲入遠山

酬張給事中

驪珠委道旁又為塵所汨中直難自明含情
愧魚目不與世爭妍甘同玉蘊匱一朝遇隋
侯持擬天池浴波澄塵不留光燭鮫人窟珠
重勿暗投神龍睡方熟

輓倪冢宰

九重震悼有察悲又勒中郎第二碑

龍尾履聲聽累葉鳳毛文體擅當時銓曹選
拔生多啓鄉國居留沒可祠歲晚病中驚得
訃短章聊以哭吾私

簡張給事

自味無能合退休林間掉臂復科頭八公詞
賦謾招隱陸氏方書初校讐廢廐病駒蒙起
日驚弦傷鳥倦橫秋薦章讀罷無由荅持共
嵇生舊稿收

輓蕭大司空

半生薄宦辱公知短些於公忍遽題都憲舊
聲分陝外司空新訃大江西玄文掩卷童烏
歿清血沾襟小阮啼

恩俸許歸

恩典葬哀榮南部幾人齊

七月一日花下獨酌

晚涼花下淪花甕的歷花光照髮絲紅槿媽
穠終俗態白蓮雅淡却仙姿秋來浹月逢今
酒病入殘年減舊詩獨有醉餘猶故習咲稱
嵇阮是吾師

評云起句
豪逸

是月二十三日北庄

輞川千載說王維敢謂吾庄可繼之村近柴
車來不厭樹深茅屋到方知厨催脫粟敲茶
曰坐折新荷當酒卮野老鄰人三兩輩咲談
相信不相疑

贈李時雍大司空之南都

貴人風采故人情樽酒高談一座傾南北行
臺分擁節東西諫院共題名斗司喉舌天垂
象履上星辰

帝識聲此去舊都根本重可還回首憶瑤京

腰疾

可但薰心卧不安起來常是倦
闌干瘦同沈
約醫無效懶比陶潜折更難一束豈勝金帶
重十圍曾佩寶刀寒豪纏萬貫非吾事空愧
揚州鶴頂丹

夜雨不寐有作

小窓孤枕五更頭簷外淙淙雨未休一句吟
來剛得穩百憂推去又還留病眸睡少偏憎
夜華髮搔多不耐秋甚矣吾衰吾不恨恨無
清夢到成周

東庄

東坡詩集 卷之五
門對寒臯路隔溪茅茨高爽土墻低碧槐暎
戶日初上黃菊繞籬風已西多病故人踈似
孟絕交當世懶於嵇秋來酒熟連朝醉咀盡
牀頭一甕齏

評云前四句好結
句亦不惡

九日對菊述懷

踈柳環村一逕斜此中茅屋是吾家白衣未
送淵明酒黃菊先開栗里花本為病多辭豸
繡可能年少落烏紗西風夕照牛山冷千古
何人更一嗟

九日會客風雨偶作

風雨滿城佳節至聊將短句繼潘江黃花醉
插鄰翁帽白酒沽乾市媪釭此日華筵能有
幾流年雪鬢已成雙笑看塵世功名者蠻觸
相爭未肯降

菊二短句

五柳先生宅周遭種此花秋來多逸興彭澤
早休衙

楚澤多秋菊幽香繞落英騷人冷不盡千載
有餘情

勉里胥方鑑役滿

早年讀律際

明時鴈鷺行中歲屢移賀宴樽豐逢菊月公
門案牘及瓜期烹魚事往還當鑒劾鼠才高
未足竒此後功名宜努力趙堯金印肘纍纍

送馮知州陞南都刑曹員外郎

馮涿人

都官行李大江船家在樓桑舊宅邊

紅日白雲回首切北人南宦沐

恩偏淮陽此去三千里州縣曾勞十五年莫
道祗今成遠別兩京冠佩總朝天

脩書成陞官

三絕韋編已白頭轍環無路遇諸侯若教際
此脩書日玉帶銀魚未足酬

送曲宗潮之官嵩縣

部檄今重領嵩陽路幾何一官裨赤縣千里
涉黃河松下吟哦靜門前頌議多政成吾亦
喜

霄漢沐恩波

獨笑亭

蓋茅為瓦竹為椽小隱從來此地偏推枕有
時聊莞爾抱經無日不欣然坐間曲水流觴

東田漫稿 卷一 五
遠醉後蒼顏白髮鮮幾度巡簷還復止梅花
踈冷自年年

草亭書懷

一簾草色半庭苔門掩東風畫不開柳已綠
陰鶯未語杏將青子燕初來遺經高束焚香
坐舊稿傭刪蒲案堆猶被鄰翁笑多事問奇
人到或銜杯

評云前四句好
後句弱

夏日園亭即事

何處避囂塵園亭俯衛津樹深三依爽花久

半年春抱膝了公事科頭留可人太玄慵更
草一醉任吾真

評云五六
可喜

得雨

曉風清枕簟夜雨溢陂塘庭草增新色園花
洗舊粧酒樽涼更綠書卷濕猶黃誰道門前
客衝泥去路長

評云真杜律也
細玩自見

春懷

畫牛無復畫熊頻水北歸來五見春花柳且

東坡先生集卷之五
開窮相眼山林雅稱苦吟身極知晚歲非初
歲肯把閒人博貴人何事磻溪老漁父釣絲
風引屬車塵

贈韓貫道尚書南都守備

根本居留屬老成

寵隨

龍勅下層城單車觸火留無計雙履辭

天聽有聲南甸任專新管鑰北都名重舊銓
衡他時當守思者宿重謁

宸旒在此行

貽鄉大夫二四五六七言

歸故園會親友烹黃雞酌白酒較雨商晴尋
花問柳醉後科頭狂來極口蹇衛穩於車團
標小如斗靜閱春還秋歡從卯至酉炎涼扇
外冥心勝負棊邊袖手黃金白壁雖無明月
清風賸有回頭分付兒與孫鉛槧犁鉏任汝
取吾今天地一閑人不樂殘年能幾久

評云

古來不見此體當自
成一家言亦可喜

市醫獲盜受賞

門前冷落少人過肘後殘編字半磨聞說近
來金頗富藥囊猶足提荆軻

田園秋興

雞肥酒熟正秋風，莫把閑愁故惱公。
玄聖有文垂井渫，步兵無命感途窮。
經霜苔蘚痕猶碧，照水芙蓉影自紅。
窓外一竿斜日晷，睡時西下覺時東。

李將軍射獵圖

南山早霜秋草白，猿臂將軍來射獵。
大黃持滿殫於菟，一飲田間過一石。
歸來日落灞陵城，醉尉訶人亭已扃。
將軍奮髯怒不已，明日應詔謁天子。
重剖銅符守北平，單于十萬遙

相驚，如何不取封侯貴，却乃先謀漢陵尉。

評云

惟逸老致于驚愛亦以自况

二絕句

辟除豈是真工部，供奉元非正翰林。
千載人人知李杜，流芳全不在華簪。
道左窮碑二丈強，官銜先刻兩三行。
當時國史元無傳，爭及詩人藁葬香。

評云

二絕有道之言也

口號

街頭盲叟抱琵琶，聽唱市人來遠近。
漢卷唐

書此未題為君先打河南韻

評云風謹有古意

白蓮

曾共耶溪靚曉粧
冶郎空斷水邊腸
而今會盡人間意
淨洗鉛華祗淡粧

評云不枯皮骨可喜

朱槿

曾插花奴帽上頭
三郎搗鼓最風流
任他暮落朝開易
病眼從春看到秋

評云後二句有風致可喜

芙蓉

一夜西風百草衰
芙蓉塘外早霜來
雖然不識東皇面
金菊含香晚共開

評云似晚唐人言語

薝蔔

多病無人理禁方
小齋孤坐日偏長
自慚不是維摩室
薝蔔花開有底香

瑞香

東風吹雪雪花飛
病入新年減帶圍
一樹瑞香開小閣
下簾相對避寒威

東田漫稿 五卷
夜合

歸時移此種前庭樹未勝巢髮已星雙眼夜
開花夜合一天微雨酒初醒

紫薇

此花元是蔡經身一見麻姑即被嗔今日書
齋伴幽獨何須技癢玉堂人

斑竹

手種森森玉數竿病中深藉報平安如何却
向秋風外自洒煩冤淚不乾

芭蕉

病起芭蕉已丈餘太湖石畔雨踈踈年來左
手書空慣不用揮毫葉上書

薔薇

雨浥薔薇晚未乾枝枝無力卧闌干摩挲病
眼空惆悵不似東山舊日看

薏苡

明珠萬斛粲秋天辟瘴輕身遠客憐珍重歸
輿休滿載當時曾誤馬文淵

芍藥

國色天香壓衆芳承恩曾記侍花王南風一

東坡先生集卷之五
夜韶華盡爭及荷花似六郎

送景守馬世維之京

早歲名題塔中年宦刺州地形分

輔郡官職比諸侯陽子催科拙吳公治行優

茲行公是定書最侍

宸旒

寄友

送別魯臨衛水頭白蘋紅蓼兩經秋何時樽
酒重相會爛醉西風不解舟

壽韓宗康大尹乃翁

此老行年八十六誕辰欣遇陽初復蟠桃如
盤棗如瓜壽酒蒲缸浮鴨綠賢郎花縣仍歸
來芹泮令孫誇雋才拜舞樽前欣不極人生
似此能幾哉東家有翁空白首儲無甌石寧
論酒西鄰有叟復蒼顏閉門無兒誰為壽爭
如此老五福敦雙耳猶聰眼未昏會須一百
二十歲長揖安期與羨門

喜客載酒放船飲半里橋

華髮侵衣尚未梳喜君載酒過吾廬小舟撐
入蘆花醉短筆拈將柿葉書煙外白鷗忘釣

夕霜前赤鴈字空初杖藜豈憚歸來晚家在
橋南半里餘

評云

結語老健

半里橋

宅舍至庄居一里而橋在中途故得名

京南舍北水平堤半里橋頭碧草齊橫截波
光天上下平分野色路東西當年納履書曾
授此日懸車柱不題賴是短筇常在手柳邊
吟去聽鶯啼

評云

前四句好

朱國用貧而無子狂而善畫一旦携妻

女寓予西庵賦此贈之取笑而已

逢人休嘆卓錫無借爾城西宅一區兒晚獨
携靈照女妻偕何愧孟光夫饑寒老去公然
慣禮法從來不可拘聞說丹青家學妙會應
畫我出閨圖

抱甕亭

似與黃齏有宿緣小亭抱甕灌年年斜陽深
井無寧汲積雨空林合暫眠野馬謾穿他日
牖醢雞曾見此中天漢陰老子如相問一拙
唯君共我然

重陽會客有活魚鮮蟹之饌

雨後東籬萬菊香
咲携朋舊醉重陽
明年花下知誰健
此日樽前怪底狂
魚美從誇西乳白
蟹肥正喜左螯黃
秋風莫謾吹予帽
短髮而今似郭郎

同宗康士華西壕泛舟

潦盡寒潭一境開
小橋斜路抱城回
花間短策携詩入
柳外扁舟載酒來
坐對黃公同醉醒
咲從韓子外形骸
不知紫陌紅塵客
若箇當年是雋才

評云

即事用柳韻

門外寒流是要津
白鷗不與世相親
官舟裸役操瓢輦
公牒瘡微帶索人
街子柳鈴晨警盜
里巫香燭夜迎神
廟堂既遠江湖闊
俛仰乾坤愧此身

社飲

去年此地過從客
今日重來半已陳
一咲果然元有數
浮生未可認為真
村庄酒薄黃花瘦
城市人忙白髮新
草草相逢湏盡醉
百年

身後更無身

放舟述懷

半里橋頭七尺筇一年強半此間行醉鄉別
有乾坤大末路深知富貴輕柳外放舟身獨
健花前爭局眼還明衰遲若不知幾早險被
浮名誤一生

訪西庵有懷舊僧

門掩空林叩不應西庵猶記舊尋僧花深無
路迂雙履苔滑逢橋度一藤風外吟髯吹短
折水邊病骨照稜層年來一鶴猶堪煮何事

支郎却養鷹

評云八句俱佳
中聯尤妙

春怨

酒痕和淚點羅衣掌上纖衣瘦一園燕子不
來猶卧病半簾紅雨送春歸

評云渾厚不見怨意
乃所以深怨也

不寐有感

獨竦肩山倚北墻坐聽寒鼓報晨光玉藏不
用攻他石魚棄寧憂逝我梁殷浩擔梯書咄
咄宣尼環轍意皇皇宦遊自古皆如此莫為

流年感髮霜

評云前四句好後四句不稱

貽朱國用

讀書還讀律歲晚厭紅塵有菊開三徑無山
買四鄰息交金谷貴尚友玉川貧嗟我逃名
久相看亦可人

秋日西庵示國用

為剪荆榛守故墳十旬百遍此尋君夕陽村
落鴉千點秋水池塘鴨一群門對白楊林半
敞路從黃葉寺斜分誰家馬鬣寒煙外碑臥

苔間掩刻文

評云二聯俱佳

贈王廷璽風水人

婆娑雙髮炯雙瞳到處名山勝水空東郭未
悲齊妾婦北邙先塋漢英雄龜趺苔蘚年年
厚馬鬣荆榛處處同地里不殊人事異憑君
一語決群蒙

評云觀此詩足破風水之說矣

對鏡有感

覽鏡公然兩鬢蒼杜陵勲業轉淒涼雞皮何

日還年小牛角當時叩夜長公亦立朝空有
願師丹於事本多忘高歌一曲清光掩謾擬
千秋進尚方

評云

二聯屬對甚工
亦可備一體

輓李汝弼

析津華觀載遊魂千里歸來塋故原留犢空
歌三劇縣乘駘曾按兩名藩政慚尼父臨南
牖豈料王通哭寢門身後茫茫何所慰徐雛
霄漢已高騫

獨酌有述

二首

三徑蕭疎四壁空歸來彈指六春風鄰靡羊
仲并求仲卷掩周公謂魯公

霄漢舊知悲半鬼桑榆今景咲將翁陶然一
醉還高枕蟻蝶無勞入夢中

春光九十去匆匆半屬愁中半病中泣玉淚
乾喉尚咽鑠金口利耳難聰席前日影蕪花
上門外溪流繞樹東人事天時每如此且憑
樽酒醉衰翁

送徐東之經憲判撫州

趣裝辭憲幕佐郡赴臨川共喜量移近寧知

錄用先心還馳北斗身復逐南船父老如相
問覃懷別駕賢

東庄縱步

縱步野人家悠然感物華
蚕遲桑未葉蟻泛杏初花
觸處風光好歸時日影斜
古來曾有句爛醉是生涯

寄朱朝用同年

薇垣初返旆梓里遂懸車
窮有新文送空無怪事書
多君真靖節嗟我病相如
道遠何由會緘詩問起居

春日與客泛舟

官河載酒畫船明日暖風恬
浪不驚芳杜蒲洲魚正美
垂揚夾岸鳥初鳴村醪暈臉
朱顏返水鏡呈形白髮生
一咲不知義馭速醉歸華
月上春城

獨酌

花繞茅檐樹繞溪雨餘芳絮
委香泥狂吟尚喜詩才健
痛飲無逢酒價低蝶厭晝
長無力舞鳥驚春去盡情啼
不知杜老東西瀼有此風
光入品題

評云新奇

贈錢御醫

已精岐伯藝還作子長遊沿牒當年領朝簪
晚歲投懶騎聞漏馬愛駕出關牛樽酒相逢
處文園病欲瘳

憂旱

一春風未息四月雨猶慳沃覲庭花活乾憂
麥隴然鳩誣農不信龍懶帝空鞭安得為霖
手銀河挽下天

題扇面秋江蘆鴈漁舟吹笛

魚罷釣婦秋水靜鴈衝船過夕陽沉簑風短
笛西風外一曲梅花萬里心

評云佳句

東庄二首

別業經年衛水濱柴扉茅屋四無鄰三竿睡
徹東窓日五柳吟同上苑春牛飽桑陰耕子
母蜂喧花底聚君臣平泉未必能勝此須沈
斜川問主人

杖藜携酒此重遊雨後村庄景更幽茂樹坐
拚三宿戀好看擬十旬留苦吟可有驚人

句多病全無為國謀何事歸來閒歲月也同
忙裏雪侵頭

宗康年幾古希風情未衰股臂間忽感

風疾數日稍愈命妓酌酒如故詩以警

之

宇宙幾萬載人生緣百年世兒斷喪多短折
何紛然修者半百死歿則三旬前君今幾七
秩蓋亦幸而全昨聞司命者有信寄君邊下
欲夷左股上將失其肩冀君稍悔悟不遂蹈
以顛君胡不自愛而詫病已痊依然感廁鬼

一見生百憐所憂積日久司命怒不悛二豎
侵五內三尸訐九天一卧不復起含辛入黃
泉父母甘旨絕妻孥涕淚漣負郭謾千頃充
囊空萬錢噬臍寧可及訾議千秋傳作詩題
短筭聊以致惓惓

評云

全是步驟自黎慰孟郊失子詩然亦可喜

夏雨

避喧長夏掩荆扉林外行雲帶雨歸聲碎綠
荷驚午夢氣凌青簟減炎威衝泥屐叟來樵
徑隔水簑翁失釣磯忽憶徃時

雙鳳闕幾回班散濕朝衣

索居中無可與交者唯朱李兩生一工
繪事一精醫術時時過從談笑而已人
或見誚詩以解嘲

兩生忘我我忘吾談麈吟筇日俱病酒已
勞親送藥愛山還遣畫為圖杜陵謝免逢羊
仲燕市悲歌對狗屠便欲別尋同志者高山
流水世應無

評云起句好

漕運只百戶自江南載送花木喜而有

作

南薰千里漕帆開載得江南紫翠來秋信已
傳天上挂春魁還報水邊梅未携白酒臨風
賞先劓蒼苔帶雨栽幾度凭闌還自笑題詩
安得浣翁才

同錢大用早秋遊西園

迤邐入西園花香襲酒樽門臨三泖水橋枕
獨家村午樹團清影秋苔滑紫痕幸陪熊軾
老一醉各忘言

評云中二聯俱可喜

大用屢載酒西園次韻奉答

園林久窄落忽辱山公遊日載桑落酒而維
木蘭舟詩壇雖寡和宦海曾同流於焉興如
淺慚負江陵樓

評云

紆餘有味

壽韓通政母太恭人蘭氏時年九十

栢舟詩裏見前身此日高堂白髮新教子曾
登名進士地

恩已授太恭人銀臺萱草三千日玉洞桃花
九十春擬壽南山一杯酒風光爭隔漕河津

簡劉大司馬兼謝其推薦

抱病歸來歲月深板扉茅屋卧樗林年衰自
咲三遺矢貌醜那堪再捧心已脫此身完白
璧敢忘衆口鑠黃金緘書為謝東山老慚負
高情軫陸沉

中秋無月

謾詫南樓逸興濃今宵寶鑑玉塵封山河隱
約三千界宮闕朦朧十二重青桂霧深蟾欲
泣白榆風冷兔難春持盃欲共嫦娥語聞說
年來亦病容

夏田漫稿 卷一 五
評云

二聯佳少見其
比也末句尤妙

自述

水北原南又蓋茅慵歌種豆與栽桃鳳穿黃
竹翔千仞鶴倚蒼松夢九臯抱甕有言真可
訓濫竽無計已先逃小窓昨夜西風入吹落
牀頭舊六韜

評云

豪逸閑曠如此襟
懷固宜其自適也

村莊秋熟

茅屋斜連白板扉差科未動吏人稀稻禾高
下山重疊果樹紅黃錦一圍鴛鴦池秋倚
睡牛羊隘巷晚知歸鄰庄酒熟田翁醉稚子
雙雙更挽衣

評云

村正景象
宛然在目

寄施兵備

威鳳文章野鶴姿羸州獨起吏民思豸冠
殊寵先畿郡龍勅新街貳臬司地拱
神京戎壘盛池連蒼海戍樓危一千里路三
年別樽酒重逢未有期

秋齋即事

草樹經霜已變衰空齋高卧少人來眼因字

東坡詩集卷之三十一
十一
晦拋書卷身被詩羸藉酒杯木屐登山秋未
着柴門臨水晝慵開豈知墻外紅塵道俗駕
紛然挽不回

秋懷

曲闌凭罷繞階行空撚吟髭句不成黃葉擁
籬風已暮紫苔粘屐雨初晴心思三刖足前
痛淚向九回腸裏傾便欲白頭甘採菊此生
懷抱異泉明

評云好三四

寄王侍御

按節新聲振彈琴舊譽芳人思花縣雨吏凜
栢臺霜漢豸金梁重桓駉玉勒光而今歸讀
禮誰擬鳳鳴陽

奉和錢大用見贈之作

倦遊南北兩潛夫樽酒相逢興不孤彭澤已
歸三逕菊漢陰猶灌一園蔬高才有韻能追
杜多病無醫可姓盧却憶近時臨水別黃蘆
風冷鴈相呼

贈只百戶漕畢還海寧

漕罷此稽程携樽為送行官艘歸薄海儲儼

東坡詩集 卷之三十一
領辭京風急南鳥候天寒北鴈鳴春來宜早
餉細柳未休兵

自遣

移文不藉北山靈
歸卧衡茅歲屢經
吟苦祗緣詩未妥
愁多番怕酒還醒
蚌珠有淚秋含月
龍劍無光夜射星
忽憶潯陽江上路
琵琶曾向隔船聽

吊仰晉卿

與君同宴曲江時
管鮑深交未足期
諫院十年曾共直
憲臺一任即分岐
剡舟波沒王猷

死鄰笛風來向秀
悲世路茫茫吾亦老
相逢誰復是相知

評云

情真意切故
句律亦苦

調朱國用

善丹青家貧業
勤絲花度日
飲量不甚弘然
得錢即沽酒
沾得醉矣

野鶴襟懷病鶴身
無榮無辱是閒人
剪裁紅紫春隨手
塗抹丹青妙入神
囊祗一錢猶覓
醉家徒四壁不憂貧
行藏舉止誰相似
痴顛張最逼真

述病

心已成灰髮已絲不須回首憶金闈漢槩滑
後新聲減沈帶愁來舊孔移採藥晝迷雲漠
漠背花春卧日遲遲平生未究支離術欲就
蒙莊一問之

送司訓夏守道赴林縣

幾年燈火舊門生新領除書下
帝京教席遠分秋已暮祖筵高會曉初晴林
慮山水馬頭近瀛海鄉關鴈影橫此去莫嫌
官獨冷邑中才雋望陶成

病中

獨抱沉痾負

盛時心如沾絮髮如絲繁頭綠綺琴聲減篋
裡黃金帶孔移無力可能三距踊有形惟願
一支離分明女嫁男婚畢何處名山有煉師

評云此與前述病大意思相
同微不及前作也

照鏡

巧厭菱花澈厭冰暮年勲業照無憑未顏暗
去喚不返白髮陡添駟可能丹翠點膚真古
物魚龍縷背盡奇形朝來稍被輕塵掩却免
人間醜婦憎

偶述

偶思田里卸塵冠一卧空林歲又闌紙帳夜
寒吟魄爽布衾年久瘦軀安空中怪事書何
益暗裡愁腸遣自寬却似嗣宗非達者窮途
終日淚闌干

折枝梅花

誰剪梅花挿膽瓶雪中人見謾遙驚暗香未
入林逋句冷蕊虛牽杜甫情祇耐月窓分瘦
影豈堪風笛度悲聲相逢若問調羹事已與
春光似隔生

西齋四友 硯

抱璞文房不記秋虛名慚拜石鄉侯貌因頑
鈍金同壽性本剛方筆并投廣殿策時旗影
動空齋吟屐匣塵留而今洗墨魚應笑鉄已
磨穿人白頭

評云

詠物詩最難得好句此作儘可

筆

高閣銅龍伴索居東塗西抹愧當初五勞有
病抄方懶萬事忘言點易踈判磴謾誇驚長
史免冠深喜謝中書魯麟獲後交遊絕芥袞

東山漫稿 五卷 十五
憑誰重起予

棊

偶隨黃綺入商顏回首浮生一局殘歲月駘
柯同是幻功名累卵詎能安敲燈有約吟何
苦折屐無憑興轉闌誤矣聖尼賢已訓不如
袖手且加餐

琴

錦囊韜後暗塵侵鳳沼朱題歲月深彭澤
來空有趨茂陵消渴久無音春風羯鼓誇佳
手秋水漁竿惻此心一鶴暮年猶欲煮子斯

何必鑄黃金

和梁家莊驛壁間韻二首

霜葉照秋林停舟感客心漁家臨水晚傳舍
歷年深北接

神州路東瞻泰嶽岑茲行真勝覽須遣畫師
臨

信步入園林翛然會此心地偏稀客到驛古
關人深溝斷木也橫危摧雲根石也疊小岑
興來聊取醉何用卜登臨

評云

勝前詩三四
好五六奇甚

贈魯錦衣景章同程侍御見過

故人夜剪西窓燭凍合漳河酒重沽按節喜
同周柱史問官猶執漢金吾魚頭著姓推先
世

螭首聯班記

北都臨別索予題句贈病中梅使阻脩途

早春半里橋散步

芳草連村柳蘸隄橫塘北去小橋西淺黃乍
泛鶯兒酒嫩冷猶欺燕子泥細雨有時沾袖
濕閒雲無力度墻低瀛南獨客掀髯笑一瞥

風光直品題

評云六句佳甚所恨
結語蕭索爾

西園

穀雨纔收巷陌乾西園花底駐吟鞍柳條學
線繫春短榆莢比錢沽酒難野老忘形招即
至世兒無事與相干所虞疏傳還家久囊底
黃金苦不寬

評云尾句真情
也可念

雨後西園遊賞

雨後園林錦繡開杖藜巾葛此徘徊莓苔石

東田漫稿 卷一
上彈琴罷楊柳橋邊載酒來
絲逐暖風穿巷陌
花迎晴日麗樓臺
回頭笑問同遊者
廊廟諸公有此哉

評云

五六句好
惟渾富麗

書懷

父謝常參與早衙
北窓高枕夢南華
池塘雨過萍生子
庭院風來樹墮花
室祗藥爐無長物
案惟書卷是生涯
所便眠食還如舊
不誤尋春命小車

送岳知縣調褒城

再會知何日
臨行屬暮春
問程將到蜀
作宦重經秦
父老迎新令
銓曹用舊人
莫嫌褒棧險
得失本無真

新建北樓

豪壓黃州結構新
危闌十二出風塵
門無問舍求田客
座有先憂後樂人
紅日下觀滄海
出白雲平與畫簷
親幾回中夜憑
高望萬象森羅拱

北辰

獨笑亭小憇

獨抱幽襟坐小亭春風吹老百花屏酒無人
載楊雄老書為誰拋蔡確醒左右一灣流水
碧東南千古遠山青簷間曉溜琵琶語何必
潯陽夜舫聽

義聞

林太守世遠二親義聞貞則字因摘以題

勅命內有卷末無

不藉山靈為勒文忘名長卧嶺南雲彥方義
重鄉間化季惠風高鄙薄聞峩豸有靈怜孺
子

迴鸞無計起封君所嗟三十人間壽宿草離
： 練故壙

貞則

此堂慈壽髮如絲間道孀居自少時賢比班
姬貽漢則貞同姜氏冠鄘詩

朝廷表行千年柱繡斧地

恩七歲兒惆悵林鳥方返哺一杯埋玉海天
涯

與客登城晚眺時譙樓已圯城中惟草
陵舊址護國古刹存焉感而賦此

落日荒城草樹平恍然猶記昔年登高歌未
竟青樽盡壯志雖存白髮增謾擬攢眉依淨

土可堪回首望昭陵危樓已圯危闌盡何處
能容病客憑

短述

四月二十九日

士安常卧病秋月更春花世味茶如齋神方
棗似瓜耳聞牀下蟻目眩酒中蛇欲起醫佗
問燒書事可嗟

看竹

新種琅玕碧四圍雨餘分色上人衣七賢舊
說嵇康懶二仲今陪蔣詡婦友尚松梅知耐
久士甘藜藿恐難肥今宵試敞南軒坐會見

青鸞月下飛

東庄喜雨

朝朝倚柱望雲生少女風來雨忽傾階下漸
添芳草色池中亂點綠荷聲燕知泥潤穿花
去鳩為巢踈隔樹鳴珍重門人休治具宦途
吾已老於行

成趣園與李醫小酌

掩書終日卧衙門不入城闈不出村行怕雨
苔雙屐浣坐嫌風樹一瓢煩林巢借鵲憐鳩
拙階臂銜虫咲蠹奔昨日偶緣醫見訪強扶

東坡詩集 卷五
衰病對青樽

調李醫

中年始學醫性懶術還疎日日酣浮蟻村村
崎蹇驢怕逢曹孟德愛說夏巫且却被閨人
罵家無醜石儲

郭尖

田巾高裹深衣闊七十行年兩鬢殘伎擅橐
馳唯欠僂名同景尚却無官一丁不識談何
健五斗難醺量自寬更有康強無賴處花開
猶凭小蠻看

題扇寄朝用方伯

為憶薇垣客新詩口自占情深辭不盡思苦
韻何嚴雲樹三年隔風花兩地淹匆匆絨短
簾遙寄禦南炎

評云五六

詠美人

年紀剛纔滿破瓜清歌妙舞教坊誇指拈銀
甲霜侵筓臉對青銅月照花百兩祗宜婚上
國一分元不減東家而今頭白金針冷懶繡
虞裳浣越紗

夜合花 俗呼馬

合昏花發近前楹
酒力微消雨欲晴
葉翠蒲枝張羽蓋
葦緋繞樹綴鞦韆
芳心靜歛幽窓暗
蓓色歡迎小院清
分付淳于休誤認
槐安塵夢恐勞生

評云 曲盡此花態度

張二尹祈雨有應

縣齋方露禱一雨足
西疇助我明農喜
寬君為國憂風柯驚徙
蟻雲樹怒鳴鳩來日
池亭上坡應有記留

獨笑亭偶述

獨笑亭暄柳正晴
科頭長日坐聞鶯
苦吟未了風花債
耽飲難逃麴蘖名
塞上提兵心已厭
窓前讀易眼還明
隔溪漁笛休相惱
不是安州逐客情

哭

恭陵

黼座塵凝玉几空
虞絃無復奏南風
林間病馬徒思櫪

天上神龍已墮弓
百姓仰

東坡詩集 卷五 四
寢思考妣萬方聞

詔泣臣工

翠華想像歸何處多在蒼梧

夕照中

評云

八句極悲極哀便覺末人諸乾大行詩語意為在

病述六首

落莫空齋暑又殘藥爐灰冷硯池乾吟踈稿
覺囊中減卧久書惟枕上看印昔纍纍猶解
綬髮今種種豈衝冠所祈歲晚身粗健不悞
滄浪把釣竿

夢回簷外雨聲殘窓隙風鳴紙半乾遠信欲

緘郵未便古方無效病猶看床頭鉄蝕雙龍
劍筭裏金銷獨薦冠却喜杜陵煙雨外元卿
脩竹兩三竿

勲業青銅兩鬢殘藥欄無雨藥苗乾枕中鴻
寶經誰授案上陰符字懶看短翮幸逃鸚鵡
網枯容羞著鷄鷄冠秋來美睡無人喚不覺
東窓日幾竿

斜月踈鐘曉夢殘金戈忽憶渡柴乾志平強
虜全身退跡被高人冷眼看越榜固應憐繡
被齊虞終是待皮冠豈知失步邯鄲者更進

當筵百尺竿

羽扇綸巾興已殘
石田茅屋雨初乾
藥肥龐老猶能採
花發劉郎可再看
綠野偏宜牛背
笛紅塵不上鹿
皮冠朝來賸喜
村醪熟無謝
長安酒萬竿

蠻觸功名戰已殘
歸來長笑壁蝸乾
庭移新竹吟邊對
籬發寒花醉裏看
短褐出田文傳固知
貧士服岑牟可是
雅人冠栢臺
棘寺遊應遍
老向桐江理一竿

評云

六詩俱穩
受淨潤

七夕用前韻

灑氣潛回暑氣殘
井梧一葉露華乾
銀河靈鵲繞飛渡
玉禁牽牛已卧看
可咲庸愚占結
網那堪蹇拙謬
纓冠年來俗累
依然在犢鼻
長禪晒阮竿

秋夜與客舟中話舊口占

有客鳴榔訪薜蘿
渚禽驚散水增波
因談往事留連久
閒數交遊喪逝多
閭闔排雲成昨
夢琵琶聽月度
新歌今宵縱遇
橫江鶴兩賦
憑誰繼老坡

評云起句佳三四老懷可念

張良潤移贈紫西施相袍紅二菊

遠煩移菊到柴扉把種高秋雨正肥麗色昭
容垂舞袖佳名元宰試朝衣居鄢褻服明垂
訓霸越扁舟老共歸應念西風三徑裏黃花
無語獨依依

評云結意好謂二菊不宜為高士所有但老居林下無聊假此暫娛爾

九日西園述懷

茱萸酒熟歲將闌載入西園強自寬楊柳病
容風外瘦梧桐疎影月中寒聰明頓減事多

忘眠食未衰身苟安一醉接羅還倒着底須
重整杜陵冠

里中兒有善吹笛者一夕卒詩以悼之
不見吾家素寄生梅花舊恨繞江城相逢何
日還三弄獨咲當時秣藪聲出塞忍聞牛背
韻倚蓬空感鶴南情憑誰一賦懷中散宰落
柯亭月二更

西園即事

幽入林館瞰陂塘花樹風生遠近香步履喜
晴還喜雨岸巾宜暖又宜涼松梅與竹為三

友蒲柳輸蓮似六郎一醉頓忘身與世况饒
三萬六千塲

評云

起句好第三句本常語得第四句便覺精神

贈李壽官

詔賜冠帶肉帛

漢皇陵下久移家八十高年兩鬢華共覩
日邊開鳳詔獨從林下岸烏紗家庭拜慶兒
孫喜蕭鼓迎歸里巷誇况復
聖恩兼養老青牛安用度流沙

北村六廢

禮示瘖瘖跛健傳載禿跛
僂合之得五廢蓋跛脚變而
六各賦一詩因以自喻

覽者

歷盡崎嶇隻履穿歸來曳杖老林泉紫苔步
處留夔跡紅蓼攀時學鷺拳奉使無才空辱
衛提兵有計謾誅涓何如靜聽鈎輶鳥獨守
衡門過暮年

評云

三四可

矇者

應被人嫌禮法疎倦開白眼臥吾廬案頭山
積丘明史篋裏塵封李吳書醫泥古方投石
燕聖垂明訓戒淵魚前程聞說還如漆謾向

西河歎索居

禿者

衰殘莫待辱岑牟好共中書罷宦遊露頂燈
昏潛入夜霜毛鏡掩暗驚秋齋人執御嘲何
甚鮑老當筵笑未休賴是蟄申歸去早不然
城市雨濡頭

僂者

怪底相逢喚橐駝病軀匍匐髮婆娑老憑誰
念劬勞久遠起人疑負荷多俛勝易甘淮市
辱折腰深苦晉郵過而今好客無公子潦倒

嘲郭柰咲何

評云

二聯戲
劇可喜

聾者

惡聞衙鼓及歌鐘靜坐林間莫惱公無囑共
人私語少有呼湏爾大聲通震來七箸何曾
大社到樽罍取次空遮莫蛙鳴與蟬噪歸途
都付裊如中

瘖者

平生得喪底湏論哩哩從晨復到昏吞炭事
味情共苦緘金銘好戒常存坡翁撫掌應相

美尼父傳心欲不言羨爾多才能鵬對將因
賦解煩冤

紅梅

羅浮仙子酒初中入洛憑媒嫁相公誰賂一
枝園吏手也來爛熳咲春風

春遊言志

奚奴携錦更携壺可是詩豪是酒徒止足片
言千古佩脂膏兩字一生無肯輸王適奇男
子冷笑張儀大夫夫醉了狂吟吟復醉不知
西兔與東烏

評云

句律爛熟不經
意情志亦可念

病懷

閒劇詩
雅薦

清世無能白髮新束書高卧杜陵春七年病
有三年艾千歲憂無百歲人元亮既歸須縱
飲叔牙相薦豈憐貧黃金聞說臺如昨極目
寒煙渺析津

西園縱飲

簾影潛移麗日斜小堂談咲岸烏紗春聲燕
語兼鶯語風信梅花到棟花吟罷罰依金谷
酒夢回煎好玉川茶旁人未識幽棲景猶道

身田漫稿 卷五
都臺御史家

小閣春酌

病軀初試袂衣新
小閣踈簾淡淡春
昨日風塵前日雨
今年花柳去年人
詩能即席猶誇健
酒或盈缸豈患貧
獨恨田園歸太晚
半生碌碌問通津

評云

第二句好

簡謝閣老木齋

柳條搖落草淒淒
迷黃閣緘書到白溪
疾病蘇州詩已述
姓名沂國榜魯題
鳴梟避地猶東徙
羸馬因風偶北嘶
惆悵雲霄千萬里
何由一隼擁沙隄

又一首

抱病茅茨歲屢經
又銜新命赴邊庭
瀕陽雨露同王剪
遼海風煙異管寧
盛德敢忘東閣老
餘生慚負北山靈
茲行勲業知當勉
無柰青銅兩鬢星

簡陳大守希白

歲晚移文自北山
鏡中勲業付衰顏
已從陶令辭彭澤
又學班超度漢關
持斧兼慚持節

寵盡熊曾許畫牛閒幾年刺得鄉間重深藉
陳蕃一榻間

通州登岸途中一首

晴旭初升繡斧明舍舟策馬戒嚴程春風遼
海新持節朔雪燕然舊署名遷轉
兩朝都御史迂踈一世老書生前訶莫遣途
人避採訪民風在此行

夜宿薊州

寂寂空堂月二更行人今夜宿邊城燈殘獨
對思鄉影角遠時聞出塞聲檐外風枝翻睡
鵲臺前煙柳遲啼鶯從來橫稍書生事為撚
吟髭坐到明

評云

中聯氣
柴雄俊

山海關

鹿頭易破虎牢卑百二金湯此最奇天險九
重巖虎豹海洋千里浴鯨鯢東西柝矢通夷
貢表裏山河鞏

帝畿老我久乖投筆志封侯空負
好文時

將至廣寧

十里旌旗奪目新
馬前甲士麗魚鱗
凌河曉發循東海
間阜晴看近北辰
白帽喜無逃世士
碧幢慚負長年人
袖中點檢長纓在
猶可龍庭繫不臣

廣寧視事口號

手中文案不停披
小吏當階報午時
又坐正衙喬斷鬼
不思前任倒紉兒
履危好去休耽酒
柯爛毋留更看棊
瀛海南頭漳水北
無邊風景待新詩

評云語雖感情則真也亦自可喜

登閭山有感

憑高聊騁望千古
此窮邊水氣東連海
山形北到天路通
肅慎國碑紀契丹
羊老我歸心切
黃金印懶懸

評云真唐律也尾句差弱

庭花盛開客邊無
酒厨人時獻茗椀
一笑有作

竹爐湯沸夢初醒
起岸烏紗坐小亭
碎錦浮香來七椀
殘紅飛影墮三經
酪奴誤入芙蓉館
樵婢潛窺芍藥廳
一任渠嗤殺風景
詩脾

却喜沁中冷

行臺述懷

栢臺高爽枕鑿間節鉞光兼繡斧威豕偶白
題安敢獻鶴如丹頂或容歸衙官祗候橫金
帶戍卒更番授鐵衣向曉憑高聊騁望海鷗
飛上釣魚磯

評云尾句舍蓄可愛前六句太直

遼陽雜述三首

睡鴨香殘午夢回倚屏雙眼尚慵開濃陰彌
院烏雲上急點打窓山雨來客裏愛書空有

癖病中搜句老無才呼童靜下風簾坐莫遣

檐前燕雀猜

評云渾者或謂公詩似許

又此為釣州馬少師作

感懷兀兀坐成癡鈴閣無聲晚漏移麟鳳可
堪鷹犬制棟梁本擬

廟堂支陰雲接塞晴還少新月窺檐蒲尚遲
莫怪哲人歸去早大疏猶在奉宣時

評云尾句謂馬公當於弘治間去老臣
戀國懷恩去已遲矣時人勿訝其

蓄恨句微直

彈鋏休歌巷伯篇從來積羽可沉船將軍已
老遺三矢衛尉何曾直一錢公道生明唯智
者讒言階亂豈誠然不須掩卷頻興歎自檢
丹心對越天

遼陽雜述首四

此州疆域有虞開山表壘間亦壯哉洪範已
陳箕子過黃初纔建管寧回海桑倒影凌晴
旭塞草燒痕見劫灰獨上戍樓成久竚故園
何日賦歸來

徙倚高臺目力窮扶桑東畔更無東鯨波風
惡倭船隱馬市塵腥虜帳空野鳥晝啼耶律
墓土花春徧契丹宮行人莫認閭山錯不似
商顏隱几中

評云佳作然只是宋人詩

營東風景亦堪憐莫道邊州盡慘然滄海望
中波吐日長城訖處堞連天紫茸貂鼠千金
貴玉色銀魚一尺鮮信美豈如吾上樂不歸
猶自待何年

絕塞黃雲晝不開忽傳遠騎報行臺單于舉
部乘羸遜女直諸夷貢馬來堆案譯書多詰

曲造庭番語更喧
旆而今老去思
歸耳豈有封侯萬里才

評云四詩俱佳多
人所未道也

貽朱太監口號
待弘治戊午秋朱常

詔還京予適巡撫於彼
餞送之頃咸惜其去

酒酣予戲謂王太僕云無計可留賢太

監公應聲云有緣還會老都堂

命巡撫遼東而朱先在焉
廣寧一見即誦前

句因共大噉殆成識也夫仕途丙任同

事在章逢已火况一中貴與外察平蓋

又如少矣因足成一詩用紀其實云

十年前共把離觴
舊句猶能記兩行
無計可留賢太監
有緣還會老都堂
重逢遼海成詩

識魯對燕山
怒酒狂今日
萍踪雖暫定
兩鳥安得並南翔

評云此詩可備
故事

壽王郎中乃翁七十

家住城南尺五天
鋼川分譜到維川

恩馳北闕翁猶健
官署東曹子更賢
壽酒每

傾春仲月新詩應
詔古希年阿戎拜
慶懽無

極久典軍儲渤海邊

新秋宿寧遠

坐久虛堂爽氣生
南箕漸見没天星
金鈎夜

東田漫稿 五卷 五
控青綾帳銀燭秋明彩漆屏爐裏寶香銷睡
鴨簾前石火墮流螢書生志輔

茅茨治一束寒毡不厭青

評云第六好

贈岑太監二絕句

馬前甲士鴈行排旗若連雲鼓若雷邊地也
勞

明主慮監軍親遣七哥來

曾珥金鐙 御案前 璽書新領鎮窮邊征
人莫道軍容貴不識黃雲塞外天

寄壽馬公

州鈞

八十遐齡一品銜幸逢

今上許歸田少師官位中朝仰太宰勲名奕
世傳鄉里懽迎皆後輩都門出餞少同年不
才曾辱山公啓無計攀留獨惘然

前屯衛阻雨

在山海關外一程

聽殘山雨燭成灰獨撫吟髭坐北臺代者不
來瓜已熟歸歟如遂菊應開敢思

廊廟夔龍接政恐關門虎豹猜年少終軍今
老矣可能還展棄繻才

東坡詩集 卷五 五十五
雲壓山城晝不開，空階積雨沒蒼苔。行人當去不得去，代者欲來還未來。枕簟夜涼渾似洗，琴書秋潤半生塵。憑誰持我千金帚，一掃頑陰豁憲臺。

發前屯衛

節鉞乘春鎮北蠻，新秋恩旨特徵還。鷗邊白水知連海，馬上青山看入關。送客郵亭纔五里，閱人傳舍又三間。西風吹黑西來面，猶帶中丞舊日顏。

入山海關

出關春事未闌珊，恰入關門暑又殘。割罷旱田平野闊，退枯秋潦去程乾。相逢歷歷皆新道，自咲勞勞是熱官。此日還朝剛十載，鬢毛衰盡寸心丹。

次榆關驛

問關聊此駐前驄，烏帽何時免戀頭。樗樹影斜山驛晚，蕎花香冷野田秋。還朝敢詫遼東豕，行役空驚海上鷗。自咲不如

班定遠，老來一筆未曾投。

宿蘆峯驛

席帽風塵壓髮低又鞭羸馬別遼西高人正
笑禪中虱遠客還聽枕上雞驛樹夜涼山月
吐逕苔秋暗野煙迷流光莫道吟身老橫槩
猶能一品題

評云俊逸

永平道中

平灤風景報新晴馬首西來第二程雨過亂
山濃似染煙銷遠水去如絳原頭草晚牛羊
散沙觜蘋秋鴈驚鳴不用村腔吹折柳行人
已起故園情

評云中二聯俱佳

山驛阻雨

一夜雨聲歌枕聽秋燈短焰寒猶青侵晨征
騎發還止過午怒鳩啼不停十里五里泥滑
滑遠村近村水冷冷從官未諳僕夫苦催取
過所喧驛庭

曉發薊州聞鵲噪尋報代者出京

綠槐聽事綠苔階下馬當關報曉牌遠道獨
來艱跛鼈虛名何補戰腥蝸匆匆赴
召程猶阻草草留題句未佳去也不須占鵲

喜代葵人已發高齋

玉田道中

立馬高原問縣名
藍田遙望綠蕪平
當時白壁如堪種
後世黃金亦可成
山寺古槐高並塔
野籬懸瓠小於罌
重來不作觀風使
一一題詩為紀行

評云自然稱

夏店道中村庄

西風疋馬入京華
野店村橋日欲斜
白袋裹糧人趁市
青旗沽酒婦當家
一籬秋思苦瓜

夏十里晚香蕎麥花遙望

五雲天漸近豈知隔水燦明霞

通州道中

烏帽青駢海上回
無人不道舊都臺
紀行漫有還

朝句箠老元非濟世才
函谷兩篇慚未著
圮橋一卷咲重開
西風北鴈通州道
二十餘年又一來

貽寶通寺恩長老

西風蟬歇紺林幽
遼海歸來此駐驂
吏部貽

詩紅葉晚遠師開社白蓮秋鳥窺坐石僧初
定鷺共聽經客久留何事煩襟前不盡出門
獨自抱先憂

望京

野水荒山兩月程馬頭今日望

神京五城碧玉樓先見 雙闕黃金榜漸明

別苑芙蓉暗晚色官橋楊柳試秋聲行人本

是貞元客華髮還朝似隔生

評云後四句佳五
六亦以自况

自述呈舊遊諸公

兩月邊陲慊未增十年田里病相仍陶潛遺
世辭彭澤蘇武還朝泣茂陵宦拙自慚稱晚
達木疎深恐負同升 重華此日

恩如海欲報滄埃恥未能

題恩長老画卷

沙彌前合十持卷求偈辭開卷閱之諦善財
叩船師初疑即色歟非城亦非海而况實與
船非帆檣貨賄再疑特空耳有寶寔載船城
皆郭連郭海亦波際天謂空涉於無謂色滯
於有有無空色間下筆掣予肘沙彌聞是已

東田漫稿 五卷 五
五體投地云此義未曾有願公著為文予曰
爾來前法華有七喻爾能究竟之予重宣此
義

評云

如語語如夢境可喜
可愕東坡常有此體

十月兵部中見菊

画省無媒黃菊遲
茱萸節過見開時
常參每
悞江州酒退食
空吟楚澤詩
花飈寒香風細
細葉垂秋色
雨離離孤根晚
節人家少須就
韓公老圃移

部堂即事

空堂日轉西樹影
壓簷低封印吏
初散扣輿
人已齊北瞻

金闕榜東近玉河
隄清興悠然發
濡毫試一
題

評云

起句宛然
散衙景象

四時詞

生怕春歸又早歸
朝回睡損越羅衣
殘紅滿地
東風倦輕薄
楊花自在飛
散却晨朝罷
早衙南風吹
破蜀葵花
官閒白晝長
於歲坐對丹心日影斜

禁得西風一夜吹黃花黃葉總離披八公堂吏
散文書靜閒讀汾陰后土祠

鸞尾扶踈壓粉墻北風吹雪滿篔簹紅爐撥
到灰寒處小吏當階報散堂

評云四詞俱可傳却恨俱
粘官况微落凡近

梁叔厚少宰惠磴

誰斲荆山璞兩規黃雲割盡費推移蝘行謾
訝天同度蹇拙何愁路有岐束手老年無巨
判抗聲童日有新詩從今願守兜堅訓落雪
功成付餅師

十二月廿六日有南都之

命喜及新歲過家

雙眸欲識蔣山青臨老陽關更一聽三十二
年南北路四千餘里短長亭黑裘晚弊猶衝
雪烏帽晨征每戴星却訝別京詩句好故園
開歲喜重經

改南京工侍

成化乙巳予以言謫官于
弘治己未予以事謝病

命蓋直道未敢自

于家茲正德丙寅復有是
附展禽而不遇適符頽駟

也故頽聯云云至於
尾句則別有所感也

篋裡貂裘歲月深老披殘雪度寒林形容覽

鏡悲顏駟出處登車咲展禽宦入舊都貞吏
隱詩逢工部足豪吟擔頭一束殘書外還有
中郎爨下琴

惜花春起早

為憐紅雨夜來多急縮青絲掃翠蛾
豈趁曉風推繡戶薔薇朝露浥湘羅
魚開銀鑰梁園幸雞喚香車杜曲過
試問幾時春睡穩綠陰青子畫婆娑

評云

謂無花始安寢
用意亦苦矣

愛月夜眠遲

坐久涼生纏臂金廣寒宮闕夜沉沉
寶奩咲對蟾蜍鏡繡榻閑拋翡翠衾
燭淚滴銀花弄影輪痕碾玉桂成陰
侍兒莫報深更盡要與嫦娥話宿心

評云

結語好五六工
甚不媿詞藻

掬水月在手

一勺澄波浸玉蟾繡停春筍濯纖纖
龍眠海女擎珠出鸞舞江妃把鏡拈
窈窕夜分雲母障嬋娟春闢水晶簾
豈知漢武乘舟後影落金盆禁鑰嚴

評云

起句省力三四句得出色

弄花香滿衣

手撚南枝嗅早梅
不須重問海棠開
翠鞦韆
冷爐邊過綵袖
黃娘宅裡來
清馥繞身經宿
散穠華
彈指逐春回
莫教狎客窺
簾入併竊
人間詫有才

過雄縣

陌樹楂牙陌草黃
雄州風景晚蒼涼
河冰夜合狐初聽
野雪寒凝兔盡藏
弓箭插腰巡邏
騎文書在手
督逋郎
北都有客南都去
過此

猶能一感傷

馬東田漫稿卷之五



國家圖書館, NATIONAL CENTRAL LIBRARY, TAIWAN, R.O.C.

夏目漱石

三卷

六三

Handwritten notes in the right margin, including the characters '三卷' and '六三'.

馬東田漫稿卷之六

東田馬中錫著

沙溪孫緒評

筆山文三畏校

北園早春即事

北園風景藉西陂
春到柴門半啓時
枸杞井荒垂亂綆
蕪葭地煖卓新錐
冰消水鳥來偏早
風勁林鶯轉尚遲
六十二年行役客
暫携酒伴此尋詩

評云三四未
經人道

春日遊西園即事兼憶舊遊

高捲風簾乳燕通小橋流水宅西東落紅滿地桃花雨飛白漫天柳絮風總角將車雙健僕蒼顏醉酒一衰翁可堪屈指年時客零落生存半不同

早春至自京師再遊半里橋別諸親舊又携鷓鴣榼岸烏巾柳市南頭探早春薄酒似柴難醉客小橋如甃可通人文惟能淡情方久詩不求工意便真明日南舫向南去故園回首隔紅塵

登樓憶黃士華

獨上危樓思渺茫是誰吹笛向山陽春風壚在安豐感秋水陂空叔度亡雙屐不來穿柳逕一棺猶自殯茅堂西壕往日同舟處冷落桃花兩岸香

評云不勝悲愴三四用姓亦不

評云牽強士華善釀酒故云

自酌述懷

去年按遼東今赴南都故額聯云然

萬頃春濤一酒壺春風拂面有還無鳥聲東徙人猶惡鵲影南飛我共孤官謝朝班猶寓洛病多藥裹未逢盧廟堂已有羣公在早

東坡詩集 卷一
晚吾當乞鑑湖

偶成二絕句

萍踪無定已多年，剛自遼西到

日邊一席坐來猶未煖，殘書孤劍又南船。

買得南船二月行，一篙春水夜來生。沙頭別

酒無多酌醉後，哀吟滯去程。

評云：婉曲有味。

家園見梅

一別梅花四十秋，巡檐今日豁雙眸。出塵風

韻依然在，却笑時人已白頭。

西壕寓目

金柳搖隄水拍橋，東風拂面凍全消。酒船未

放人猶病，碁局長閒客費招。言寡何勞三尺

喙，愁多那有十圍腰。眼看春色紛紛去，芳草

連天古道遙。

評云：起結好，只作絕句尤妙。

臨清舟中別李醫二絕

載酒清源送我時，杏花春雨正如絲。明年此

日如相聚，一笑西園倒接羅。

桃花新水木蘭舟，一束殘書一蒨緜。載過江

南望江北白雲紅日共悠悠

評云

二絕俱是唐人語

清明舟中

去年馬上逢寒食今日舟中遇禁煙
筭老浮生餘六十問程前路尚三千
茫茫淮水遙連海渺渺瀛州近接天
撫景却驚人上塚是誰一飽乞新阡

評云

好第六句懷鄉戀闕舍蓄不露末句怨而近罵且與禁煙寒食多

犯相

安山書懷

遠携書劍上南州樽酒那能遣宦愁
蛾撲殘燈焚可待蠅攢故紙出何由
山如有約船頭送水自無情樹底流
縱有嚴程風景好此行元異子長遊

夢李汝弼

野水孤舟月四更夢君笑語若平生
無端却被鷄啼醒斜倚蓬窓記不明

張秋偶述

春岸楊花貼水飛北人南宦幾時歸
九迴腸斷愁還在一寸心灰事已非
匣劍有靈常恐

東坡詩集 卷一 六
化篋書無恙鎮相依分明亦上揚州去安得
身騎丁令威

泊南旺湖連日阻風

荒灣斜日艤扁舟病眼逢春恰似秋鄉思
雲俱北去閒愁隨水不東流為驚旅夢憎黃
鳥未息塵機愧白鷗明日謫仙祠下過石尤
風定一登樓

評云八句俱不好且是尾句不弱

南旺遺懷

蓬底支頤對落暉年年身事與心違風花度

水愁千點煙柳垂隄瘦一圍北若欲歸南且
去今猶未是昨全非逢人欲問江東味可有
鱸魚墜釣肥

評云不戒前詩酷似南唐韋莊詩觀者當自見

過分水祠

此地殘年又一經掀蓬垂柳正青青雲
處山光出鷗鷺來時水氣腥市酒一旗風外
裊漁歌雙槳月中聽同來誰道貞元客萬慮
全灰兩鬢星

舟中聞哭

夜泊分小祠下鄰舟寡婦夫死南中扶柩北歸前妻之子

以橫逆加之哭聲
甚哀感而有作

明月孤蓬繫柳陰
卧聞鄰哭思難任
豈知發婦悲鄉淚
偏切孤臣去國心
昌化道中春黯
黯潯陽江上夜深
沉如何二老關情
事千古淒涼直到
今

濟州懷古

白鳥雙飛柳一灣
濟州春盡水漫漫
謫仙樓在風煙古
賀老城荒歲月閒
誰復脫靴眠市上
空聞舍宅厭人間
嗟予本亦踈狂者
逸駕飄颻不可攀

齊州感懷

風氣南來覺漸暄
濟州鷄犬接荆門
數竿酒店通花市
一葉漁舟繫柳村
官岸蛙鳴湖水闊
女墻鴉集郡城昏
分明記得來時路
欲擬歸期未可言

評云中聯蕭散開曠勝前篇

魯橋道中

孤舟無定欲何之
小泊沙頭送目時
春水已肥魚未上
暮雲將盡鴈何遲
一程風物憑詩紀
千里家山有夢知
行到天涯非是遠
春明

東日涉稿 一六卷 六
猶遠似天涯

評云結句含蓄感既

途中次任相之太守韻三首

建業山川本

帝鄉春風吹我上官航琴并古劍都三尺詩
雜殘書共一囊驥驥縱令還北塞葡萄安肯
博西涼白眉老去無才思空愧詩人說最良
柳鞞花發二月天東風作意送南船青山到
處為賓主綠酒誰家問聖賢老我春愁深似
海多君詩思湧如泉相逢遮莫煩相勉無那

衰殘媿俸錢

一麾遙上木蘭船隄柳凝寒色未妍燕薊北
瞻山拔地淮陽南去水如天本兵久玷無長
策邊境曾孤委重權為語同來賢太守偶裁
詩句不須傳

和任太守二絕登隄

物候南來感宦遊柳隄閒步豁雙眸水邊鷗
鷺應相笑汝已功名到白頭

過沛

猛士韓彭古亦希楚猴不戰潰重圍如何過

東日漢稿 六卷 七
沛誅夷盡却恨風雲海內飛

貽相之二子長希賢次維賢

當日城南送阿符一篝燈火一牀書
惟來頭角崢嶸甚曾是龍門點額魚

此子當年氣食牛早傳家學擅南州
秋來丹桂如高折持取添修

五鳳樓

過徐州次相之韻弘治甲寅春予勘事南都留此十日今十

四年矣乃獲再經偶兩阻風輒抒長句

沛泗依然繞郡城重來華髮滿頭生
年光逐

水都流盡風景惟山未變更碑斷偃王祠下
石草荒桓氏道旁塋孤舟載得春愁客為阻
南薰鎮日橫

阻風自遣

日日顛颺阻客程短篷孤倚若為情
河流似不教南去天意如將挽北行
已惡舟人占五兩虛勞津吏報三更
故園何苦不高卧却逐風波役此名

贈答任太守用其音

詩家幽穴許君探老我才疎祗自慚
黃鶴調

高真寡和雕虫句好莫多貪葫蘆久作文章
樣橄欖遲回齒頰甘偶爾南來同笑語老坡
安敢屈陳三

評云體裁只是宋詩然調清律熟亦自可喜

晚泊孤村風雨驟至在新安南十里

千里關河一葉舟黃昏風雨繫沙頭人家住
遠漁燈少客路來遲酒旆收歎老夢中還作
夢憶歸愁上更添愁明朝解纜乘流去猶及
殘春過楚州

倒用知之韻追和途中之什

人家鑪燧火初傳獨客傷懷酒失權陸走水
浮無定日流行坎止總由天春洲魚上蒲猶
短曉岸鶯遲柳未妍題罷新詩催柁叟南風
如靜可開船

評云五六俊語

阻風

颶風終日阻修程雪浪船頭十丈騰安得韓
公重作訟任逢宗慤恐難乘空林夜聽奔千
騎大海晴疑徙一鵬自古浮雲能蔽日吹開
分寸又何曾

次韻答任太守

緘題草草更匆匆日日詩憑小豎通正喜方
舟來薊北却愁分袂向江東水程濡滯還多
雨花信依稀第幾風同是天涯微服者何時
鳴珮

大明宮

評云

第六句對得自然并上句覺妍

次韻別任太守

淮南春色苦無多客裡逢君柰別何折盡柳
條情未已酌殘蕉葉暈拚過病駒起後徒羈
此雙鯉公餘肯寄麼愧我贈詩還草草不須
持向大方歌

渡江偶述

片帆再涉大江流慚負歌牛欲畫牛八座一
毡猶未煖百年雙鬢已先秋鷓鴣附熱寧為
智蟻蚰升高豈善休分付舵師須記取茲行
不是子長遊

江口短述

江水微茫閣重來十四年風光還似舊人事
大非前雲樹遙連海星辰倒浸天曉來沙嘴
立一鴈正驚弦

評云五六
曠遠

輓紀宗直

西楚移家上郡來，元宗人物掇科才。
官資不次超東署，曹務能修振北臺。
老約帶圍驚晚重，阿符書卷喜重開。
平生故舊唯予在，短些吟成益可哀。

送呂秉之太常考最

當年

右掖知中舍，此日南都餞太常。
家學舊推文穆裔，僑居猶仰鄭公鄉。
一官留寺持清重，再駕京塵識軟香。
書最自來歸長職，上卿應簡在巖廊。

壽建業羅繡衣乃翁七十

簾捲薰風啓繡筵，烏巾白髮照華年。
幽居舊近周顥宅，高壽新題杜甫篇。
詩酒一生狂老子，山林終日小神仙。
阿符况秉南臺節，此度稱觴豸服鮮。

送白尚文通府還安慶

秦淮新識面，瀛鄭杰同鄉。
傾蓋情如故，開樽話更长。
梅中完部檄，花外發官航。
咫尺同安

東田漫稿 卷一
路人歌倅府良

南都官舍寓懷六首

不類山林不市朝，煩襟頓向此中消。
疎鐘夜聽長干寺，美酒晨沽白下橋。
穿柳買來魚尚活，隔花驚起鳥偏嬌。
主人自是他鄉客，撫景纔懽又寂寥。

評云

第六句謂花中鳥起并鳥見其嬌耳

一區官舍

禁垣東岸幘朝朝，退自公十日不晴梅子雨。
五更猶惡楝花風，開庶謝燕歸來早看畫陶。

手出處同石訃挽春春不住石榴新火出墻

紅

評云

結語雄渾可愛

竹蔭幽窓柳蔭門，衙回人散寂無喧。
好山捲幔雲頭出，流水通池雨後渾。
花落小簾驚馬旅，夢茶香深枕醒吟。
魂朝來更覺踈，狂甚曹務逢人亦懶言。

評云

結未

門臨流水夾垂楊，庭院深深畫景長。
青竹安梢山雨重，綠荷翻葉水風涼。
書憎燕入衙泥

浣花喜蜂來帶蜜香造物似知人健作故令
官拜水曹郎

評云佳作佳作結亦似火弱

酷暑蒸人坐一齋竹間風細八窓開
簾籠好鳥驚初定被扇襲
蠅去後來冰碗果沉朱李
水寶爐香冷白檀灰南中不是無佳况
苦憶袁家避暑杯

居第分明類浣翁日高門巷火入通
睡殘節過黃梅雨坐久炎侵白苧風
五字有詩題畫扇一弦無力軟
調弓斲食揮汗何時已短壑

青松在望中

賜歸

江上南風送北船

九重新命許歸田在官八十有餘日
筭老六旬餘二年建國丹楓辭

闕下故園黃菊待籬邊行囊一物都無有
唯貯聃翁止足篇

評云首聯頗似南唐後聯當勝恨結句差露耳

菊莊九日壽周官人

為抱柴桑趣幽居種此花寒香生老圃秋色

在誰家小徑風吹急踈籬月照斜年年傾壽
酒一醉落烏紗

野梅

雪後幽人屋寒梅一樹花任他桃與李開向
五侯家

柳樹

自種門前柳摩挲已十圍春來花似雪不向
灞陵飛

評云結句
好

大道

大道公然直行人自不由田間能幾近終日
奪蹊牛

評云尾句委曲
前二句直

城市

忙人城市住恨不住青山聞說山中客時還
憶世間

評云格老真唐人詩
也不勝敬服

丁鴻臚孝思榮養卷

夢松家世重朝紳留寺名卿寵渥新
鸞誥恩賍先僕正鴻臚祿養太恭人長年雨

露宜護草終古風霜感大椿屈指三堯兄弟
後萬鍾誰復逮雙親

臨行題寓舍壁

敗壁吟蛩切踈樵顧兔過明朝予又去此地
閱人多

途間戲簡王大宗伯

江水微茫湖水平關黃河湍急漕河長來無授
節并乘傳安識尚書與侍郎分野更須瞻析
木歸程時復問柴桑謀生况乏千金術空媿
鳴夷一葉航

評云

三四備一時故實
逆瑾時峻刻如此

贈同年張用和陞南京右都御史

烏府新街

御墨題老驄搖繮暫南嘶冠籠白髮仍栽豸
帶束黃金又換犀憲節遠辭

雙闕下法星高燭太垣西此行聞近鍾山住
肯讀移文不一躋

秋日歸田十首

南都解官抵家秋暮載
酒西園舊遊漸少感而

有作漫
錄於此

門掩荆榛屋覆茅歸田風景屬秋高黃雞入

東坡詩集 卷一 六 十五
箸偏逢肋紫蠚持盃更得螯性僻每因拘曲
禮亦踈安敢著離騷客來若問行年幾潦倒
先朝已二毛

評云第三句第六句好

休官高卧舊煙蘿紅日三竿雨一簟閒數社
中同輩少拜驚牀下後生多青尊已辦且須
醉白髮不饒將柰何向晚出門溪上立漁歌
聲斷水增波

兩足浮埃兩鬢霜歸來料理舊茅堂竹持歲
晚梢還綠柳到秋深葉盡黃詩癖未痊添傳

癖醉狂纔罷即醒狂閉門數日無人過嗅遍
籬花祇自香

倦遊南北喜還家身未龍鍾髮已華失匕不
須驚霹靂隔船曾亦聽琵琶寒花繞宅幽香
細老竹當窓瘦影斜睡起午橋無一事流連
杯酒是生涯

評云五六是田間幽人氣味

家在瀛南解綬還暮年贏得一身閒荒園載
酒無兼味老屋藏書有半間謾擬裴公開綠
野常懷白傅往青山疇咨不預將迎少莫怪

柴門盡日關

評云第六言傷于怨

懶向

東華逐軟塵末書歸卧壠頭雲酒能中聖過
三斗錢不通神祇一文藜杖芒鞋行處穩松
風竹雨坐來聞今秋却喜詩逋了瘦比黃花
較幾分

清世無能早掛冠一竿獨釣子陵灘白侵洲
渚蘆花老紅減園林柿葉乾婚嫁已從中歲
畢朝參無復五更寒村行社飲惟常服猶恐
人疑舊是官

寸心無愧一身輕接老林間見太平敢謂韓
公全晚節政憐崔氏喪初名詩因設典驚人
少琴不常彈對客生唯有舊時雙白眼夜深
燈下讀騷明

嘗因一病卧滄江又負三宜返故鄉舊藥尚
存薑桂辣新衣初製芟荷香籠開夜月歸閒
索樽倚秋風美索郎猶幸老來身健在帶圍
不減舊時黃

評云間客索郎對偶第四句好

六十懸車尚恨逢故園朋舊數歸期世情已
任門羅雀身事何勞案拂龜柳下棠舟花下
酒松間茅屋竹間棊短筇高屐風晴後是我
掀髯自在時

過扁鵲廟

丹雘道旁宮鳴鍾祀醫扁老翁持辨香僕僕
拜戶限稱扁能活人班班載經典中包醫國
心外具洞垣眼千秋藥尚靈粒粒瘞壇墀掘
土恒得之服而病如剗子謂老翁云茲人世
良鮮當其擅術時不顧衆工赧李醯如其能

刺客暗中遺遂令亘古今秘方失編簡疲廢
無所依大道日以殮老翁聞此言不覺淚雙
潛因說村落中有醫如禁齋自矜才藝高如
忌後不淺幸扁不生今生今亦難免我聞心
悚然狀類倒執板長揖別老翁嚴程吏催踐

評云此賦而

車過盧溝橋望京師漸近時予被繫

檻車撼頸路坡陀驛吏催程縣卒呵敢謂士
師囚管仲自驚廷尉繫蕭何
鳳凰城近囂塵起虎豹關嚴積雪多試問盧

溝橋下水幾時冰
泮湧春波

評云

佳作佳作
可傷可恨

謁獄神

咎錄古賢聖厥狀如削瓜
佐帝明五刑千載
稱六家茲神刑頗肖藍面
象呼爺居然受香火
祠鼓日再搥寶幡揭危棟
大字題龍蛇拜
瞻盡囚子頸繫而首鬢
匍匐叩禍福一一應
無差所以人起敬
玦籤擲橫斜
我來一再謁
長指手重義問神神
神試聽近法何舛耶
苞苴
怒成笑
禮褻嬉
變嗟平刑
苟如此何以承勳

華神聞斯語已瞑坐
垂絳紗鬼火叱我送
謂咎去已遐此固蕭相國為祠
歲年賒昨暮偶得代凡今屬內
衙神自九天降尊嚴不可加
幸其聊假寐汝退慎無譁
我聞耳良駭我眩眼花
跼踏出門去史巫賽狔獬

評云

語頗奇似
亦少露

獄中自述

月冷風酸驚柝過
園扉可柰夜長何
痴蠅攢紙無由出
倦鳥投林又被羅
誰以清汙明北寺
自甘愚昧繫東坡
平生萬卷都忘盡
剛記

金滕載偃禾

獄鼠

鼠碩且點入夜群行榻前缺中無貓驅之不得戲筒連榻者

老屋閉門昏牀頭鼠似豚欲投還忌器纔睡
又翻盆多穴勞吾塞停燈待爾婚是中猫不
到無怪夜喧繁

評云通篇有風刺

出關道中時解赴遼東倍糧

帶索阻北荒剛腸愁屢絕日暮塞風高鬚鬣
盡吹折獻鹿計已非冥鴻志徒切引領睇鄉
關潛然淚成血

評云苦情苦事語極悲涼

至廣寧贈毛總戎

日下才名閩外權漢家諸將更誰賢建牙吹
角東臨海掃穴犁庭北到天龍虎風雲遭此
日山河帶礪誓他年不知橫稍從容處肯念
詩人飯顆前

評云八句勻稱可傳

傳舍

破榻蕭然老屋中四簷山雨一窓風夜涼獨
對殘燈坐家在瀛南夢不通

憶家

乞

恩辭犴獄嚴譴赴龍沙四月邊頭冷行人正憶家

貽余星士

臺省榮華瞥眼空邊頭邂逅李虛中不須更說雲程事傷翻難禁九萬風

評云心無愧怍故

示黃少卿

山連蒼莽水連天老我重臨北塞邊久客忽

逢黃叔度多讒應念馬文淵戍鳴遠角昏將旦壁暈殘燈夜似年愁極便思浮海去風濤爭阻建安船

評云三四用姓氏亦自然

陳記室乃翁壽卷

蚤傍鍾山學種瓜白頭

恩許岸烏紗臘驚蕙莢纔三葉壽獻蟠桃定幾花

聖世衣冠推此老舊都文獻更誰家嶺南有子呈新卷草檄才高衆所誇

逆旅述懷八首

衰老羈逆旅愁抱若為開
白髮星星出丹心
歷歷灰枕涼山雨過窓暗
海雲來時禁何勞
密原非攬轡才

評云五六

枕上聞殘雨幽窓尚未明
一雞啼遠埭雙角
起邊城衣潤塵生遍庭卑
溜積平羈人睡將
午恰限早炊成
兀坐支頤久空庭客到稀
溪雲歸尚濕山雨
住先微命拙計還拙
昨非今更非故園何處

是回首淚沾衣

秋宵官舍靜簷外雨浪浪
有夢歸綿上無詩
感岳陽燈昏低掛壁枕冷
獨歌斥明日連陰
散天風滿北荒

評云八句俱佳

獨驚殘暑退身尚客遼東
隱几簾移日披襟
扇引風庭蕪隨晚綠林葉
未秋紅白帽何勞
著歸心付短蓬

爽氣入秋城偏傷久客情
半窓山月影一枕
塞風聲酒薄愁難遣
機危夢亦驚白頭同難

東坡詩集 卷一 六卷 十一
者相對話平生

驚心嚴譴地屈指早秋時海闊潮來遠城高
日上遲官厨殘鼠矢老屋富蛛絲聞道黃花
近還家或有期

評云三四

砧聲暮不休時節又驚秋老去慚蕭傳悲來
類楚囚露涼花黯淡風急樹颯颯本是歸田
客邊城可久留

自述四首

細推時事暗驚心破榻通宵坐擁衾半成殘
燈風燄短數敲寒鼓雨聲沉身危未得何候
力形悴猶存夏馥音愁絕便思浮海去滄波
不似往年深

案頭書卷午拋時兀坐空堂有所思情屈九
原諸漢黨才高千古一湘纍踈簾避燕經旬
下戍角連鳥入夜悲試問歸期何以下青銅
黃色見雙眉

歲晚虞羅苦見侵自悲踪跡類傷禽將飛恨
少冲霄翮久繫難忘在野心智比鷓鴣棲始
穩才高鸚鵡禍尤深何時得放山林去占取

安枝作好音

海色邊聲起暮愁客程終日此淹留憐才士
少誰青眼同難人多半白頭勢已踉蹌逢晉
犬身還鷲棘類齊牛而今若許歸田去直問
劉伶乞醉侯

評云語結好

扇

玉塵同麾暑氣消象牀筠簟總徒勞茂弘持
障塵應遠逸少閒題僧頓高明月製來歸素
楮香風歌罷醉仙桃炎涼世態多番復巾笥

清秋亦暫齧

梁燕和張都憲韻

坐着海燕又將雛詩興撩人不可孤綠野別
來秋社近一巢時後憶東都

評云細媚不見怨
意怨乃更深

用前韻言懷

少日虛名比鳳雛老羈窮塞此身孤相逢莫
當胥靡看曾亞尚書歷 兩都

人間腐鼠嚇鷓鴣老我丹心一寸孤莫道塞
垣為客久去年飄泊在 南都

一年不弄老萊雛千里家山入夢孤遼海東
來問阜下此中元是古幽都

賦得鶴再用前韻

恥隨搗粟混凡雛獨立高松性本孤風景綫
來知也未薰絃無復奏 清都

再用前韻言懷

塞邊胡馬獵胡雛遠客驚秋思益孤爭及白
頭劉夢得桃花淨盡到玄都

食瓜有感

東陵人惠此暍病頓令安香嚼清冰片寒凝

碧玉團熟時防兔擾食處恐蠅殘莫恨葵
成秋來得代難

詠錢

一一皆銅臭斑斑帶土痕俗訛稱古老字缺
認開元挑杖誰還健看囊此僅存書生輕阿
堵何物入金門

蝴蝶

纈離東圃即西園風軟花香日正暄飛過畫
簷休孟浪如輪蛛網掛黃昏

評云亦以傷

喜舍姪周詔至廣寧

侵晨聞鵲喜小阮故鄉來時事低聲說家書
忍淚開倚門親待養舉案婦期回何日蒙
恩赦高堂獻壽杯

評云痛甚所不忍聞

鑿巫閭山賦戊辰歲秋予以邊儲逮繫廣寧傳舍望鑿巫閭山

餘不獲一涉感而賦之又恨窮邊闕

茲山之勝也

昔有虞之協帝表茲山以鎮幽視公侯而一
等嚴祭祀于千秋匪後世之瀆禮託乾封而

漫遊矧其自兩儀之肇分與五嶽而並峙仰
則絕頂干乎天樞俯則深根盤乎海澨圓嶠
招而可來狼胥伏而敢起草木紛披于四時
日月蔽虧其萬里左通貢于辰韓之區右接
壤于燕冀之鄙面鯨波以稽天潢背龍荒而
訖地理此則職方氏之攸司而鑿巫閭之大
指也若夫廟貌崢嶸則贍於有衆褒封稠疊
則侈于累朝建寶籙以懸金榜擊靈鼉而吼
蒲牢威靈降而聰明正直形勢聳而具巔岩
峯為斯人禦灾而捍患豈他山絜大而比高

夫何海桑變以靡常歲月流而易邁自漢氏
之中衰淪于夷而可慨烏桓乘莽亂以并吞
慕虜因晉衰而見背肆拓拔契丹之迭侵或
女直蒙古之相代并神州而陸沉將坤靈其
誰賴徒使山囚泣于陰厓而野燒通乎絕塞
者矣若乃高人避難以流寓貴戚釋累而分
封乘玉馬以凝睇歎白帽而慘容莫不痛皇
與之敗績感茲山之不逢嘗追究其所自皆
用賢而弗終顧險壬之是暱致肆毒以窮凶
及河山之不守遂貽恨于無窮嗚呼何我生
之不辰老無慘而邁此欲尋幽而未遑徒反
袂以蒙恥苟吾道之將非起古人亦徒爾揖
山靈而致辭或庶幾其諒只

評云

歷叙山之奇大尊而因以悲其不
遇皆以自况不怨不激老成爾雅

律賦之體

正如賦之體

贈張都憲用和

丙寅年作

利
青海年年傳虜箭邊人裹創猶出戰將軍失

天子驚側席思賢坐忘勸中州庶訪跡弛才
即日

召見金鑿駁一官超次授中丞千里先聲歡
組練犬羊竊伏黑水濱

上勅中丞容自新胸中兵甲姑勿試沙磧第
可敷陽春巨酋滿蠻最雄鷲首率部落來稱
臣腰闕十圍身八尺虬髯猿臂無等倫中丞
下車坐戎帳虎士干將屹相向指天諭以柔
遠恩坎及

九重能將將諸酋羅拜諸部降從此煙塵息
亭障

朝家無憂邊境安功業直超頗牧上便宜十
二遂留田并築塞垣延海墾耕守之人勞
廟筭捐金募士萬五千草肥胡馬牧無計黍
熟農豚祈有年脩攘兩盡賢聲著方召遽能
專美前我今授鉞中丞後欲襲芳馨慚鄙陋
鈴閣公餘閱簿書就中忽見當特奏結盟回
紇携吐蕃坐困先零全隴右此事千年今再
逢金貂會見酬勲舊

評六句律
老成

夜坐聞雨

夜雨響踈林羈人擁衾坐墻判薜荔侵庭恐

芭蕉破鳴雷瀑行行鬧階珠箇箇燈驚鬼鳥
啼簷擬神龍過湮瓦聲暫微打窓點還大涌
頻勞屐興聽久廢秋臥剪燭話無由淋鈴悲
豈那閉門學饑鳶吟入招魂夢

評云

苦語愁思可
以想見其情

蜈蚣

嗟彼洪荒初忽生槃瓠種瘞父終南山替浦
出關隴事聞

帝乃嗔磔死葬無塚化為不僵虫生足一何
荒詭名託吳公見者咸駭悚嚙膚痛薰心殘

饌毒流胃蚤蠱非所倫蝮蛇豈其彙想當螫
人時有眾誰不畏君子固吞聲壯夫亦喪氣
悠悠倏仰間遭此甚無謂主人新卜居地卑
多瓦礫客欲殄斯虫木石皆一壁缺鍾一以
施堂曠迹恠堦忘器鼠不格世情目所擊忽
朝風雨來平地轉霹靂火燒佛水六丁破
柱覓小龍銜伏誅端居頗警懼我志回主心
亟擇高明第棄此汀下區永無虫可揣室家
得清寧宿願身情忘初筵朝恣餐一枕夕
睡從此無一憂得來定多瑞詩成還自吟添

媿卻模字

壽劉部堂

花甲周來三九秋。重開賀宴海東頭。梧桐金井涼。初到萋萋年。塘香漸散。都憲

兩朝誇繡谷。理卿三載臥林立。從今整頓邊疆了。還擬罷肩待

冕旒。

示廣寧吳州判

幾年吳季子。身尚未龍鍾。折木津頭別。整閭山下逢。舊官知佐郡。新業喜歸農。樽酒留連

慶空齋。日下春

書扇贈徐正郎

今年雖并無。猶自辨官逋。海內逢君晚。天涯念我孤。顛風林鳥墮。腥雨壁蝸枯。安得逃名去。餘生老鑑湖。

評云起語打諢可愛固自不經人道也五六雖自况至理亦只如此

積雨忽晴
山窓聽雨坐。愁似天來大。西風忽放晴。吹得芙蓉破。

評云喜較前數絕似此亦可

秋懷

閉門今雨霽一葉忽驚秋故國人稀到邊城
客久留詩窮吟更苦酒薄醒還愁回首平生
業都成海上漚

題傳舍壁示吳生

長望窮邊一鴈飛邊人煙火雨中微詩書避
難還從講田里何時可

赦歸大字斜行題傳舍清秋長夜夢慈闈十
年兩臥滄江晚豈待而今願息機

評云

懷抱可憐使
九重聞之亦當興念

魯城秋夜

塞城秋夜靜涼思滿虛窗疎漏風前滴遙鍾
月下撞蛩聲欺獨枕蛾影戀殘缸不是清無
寐歸心未即降

評云

欺字戀字二
聯服甚工

臥病

海國逢秋早山城臥病初身衰難強藥手勸
易拋書社燕辭巢近江鱸入饌疎何時消渴
愈還返茂陵居

評云

結語情
思可念

秋熱二首

官舍朝來熱何曾枕簟幽青蠅多可惡碩鼠
點難投空復思班扇無勞覆鄂舟願言風雨
至一洗碧天秋

秋日臥藜牀餘蒸滿舊堂燕巢猶附熱螢扇
未知涼海氣連城暗山形出塞長白頭徒繫
此深媿漢鄒陽

張大尹載酒

明府朝騎馬城西訪故侯扣門聞剝啄載酒
慰窮愁滄海魚龍冷問山草木秋頽然拚一

醉萬事付悠悠

螭蟬

掉臂橫行兩目瞋水鄉魚鼈是比鄰豪隨鬱
壘欺秦鬼怒搏於菟比晉人有沫煦珠還易
滅無芒輸海定難親風流吏部今顛顛左手
休誇味最珍

八月九日雨徹夜不止

攔外雨淙淙山城秋夜長孤眠無靜耳百結
有愁腸疑近薰葭岸知侵薜荔墻曉來開戶
視落葉滿階黃

評云起句後逸似唐人後六句亦稱

書懷二首

一臥邊城晚天時人事殊長貧關桂玉臨老
辱泥塗聲渺雲中鴈光逢海上鳥不知梁氏
獄還許上書無

評云足稱佳作後四句尤可傷

末路親知少天涯形影孤久遭尸譖慙敢恨
鬼椰揄囊在千金盡家遙一字無此心徒耿
耿何計出泥塗

苦雨

閉門連夜雨曉起尚霏霏海日光難見山雲
勢未歸生柴欺午竈爛葉擁秋扉憑仗西風
急吹教九土晞

評云八句俱好好三四尤好

十一日再苦雨

歸思阻秋霖黃昏門巷深淋浪天似泣沮如
地將沉窓下愁人耳燈前故國心今宵都滴
碎何計破頑陰

評云前不減詩

重有感

朱芾雕輪白鼻駒
黃昏輻湊五侯家
酒濃共學猩猩醉
炙美誰將鴉鴉哇

紫禁雲煙千態變
金堂簾幙萬重遮
嗟予正墮顛厓苦
空憶春風諫議茶

評云

後句佳結九渾成
誰將二字欠煨

送金遊擊還遼陽

聞君明日去老我失臨岐
蹀馬終千里傷禽未一枝
管寧為客地王剪憶家時
知異河梁別情深重有詩

陰雨彌旬中秋偶晴見月

雲鎖廣寒宮
想見長檠今宵忽覩
桂出青銅鏡
我見再拜之廓然
天宇淨何當斬蟾
蛭更覺清光盛

評云

末句激烈
有風致

旅夜

黃昏山館裏
落葉滿窓秋
燈影塵殘夢
砧聲搗舊愁
潮回東海遠
斗轉北城幽
萬古長如此
令人憶聖丘

邊懷八首用柳韻

層城百雉枕龍荒
東望辰韓更渺茫
白草長

坡沙蕩水黃茅矮屋土園墻聞笳泣罷還收
涕彈鋏歌殘欲斷腸為問幼安三十載秋來
風雨幾思鄉

風煙遼隧接中京歷盡艱危是此行韎韞塞
邊寒燒入蓋牟城下暮潮平詩書豈料臧竒
禍軒冕從來亦強名回首凌河清可濯嗟予
久已卸塵纓

坐對鑿問萬仞峯煙光疑紫夕陽春氈裘入
漢諸夷貢玉馬朝周貴戚封獵火原頭驚成
犬腥風市上販胡繡不知尼父乘桴去東海

茫茫何處容

九夷部落盡東方迢遞山形接太行漢氏以
來盟帶礪秦皇曾此壯金湯竒鷹入貢

青雲表名馬來經黑水陽不是羈人騷思少
忍看遼海即清湘

評云 不忍將遼海比
清湘 愁意愈深

暮程行李困風煙誰料東溟與北邊失水魚
龍秋遁跡隱林狼虎晝垂涎山城酒薄空懸
旆野渡潮回獨繫船多謝公孫虛館待
清時爭比建安年

評云

不減抑詩
結句恨弱

相逢何必歎迷津北塞南關久駐親山館獨
經尋舊主市酤聊醉笑旁人路多坎坷還臨
水鬼正揶揄莫問神却怪居夷與浮海當時
幾誤百年身

老悲生計轉蕭然况復身羈北海邊流火看
來秋又暮殘更數盡夜如年鯨鯢曉浴波間
小鴻鴈寒經塞外天猶賴近城風景好數行
衰柳帶疎煙

評云

二聯亦
勸敵

出門無路欲何之掩袂空勞更泣岐老屋地
卑生鼠婦古墻山近見蛇師風煙慘淡將終
歲天日清明定幾時家在甘陵歸未得每逢
南鴈一相思

感寓

莫向燈前歎白頭報恩三尺有吳鉤暫縲公
冶終宜倩久繫鍾儀可是囚初日欲明人共
仰浮雲如散我何愁高秋倘入揄關去萬里
煙波一釣舟

評云

結語偏強放
逸聊以自慰

東田漫稿 卷一 六 寄贈甯州判

馬足紅塵遠人間白髮長歸田今渤海佐郡
舊樓桑社酒寒仍綠籬花晚更香獨憐翁有
子豸觸與鷹揚

評云

此當是甯都憲果之父

折枝黃紉二菊插山瓶花久不衰

瓶菊從秋看入冬一枝清勁一枝濃黃金罌
叟初禪相紺玉真妃半醉容冷艷未衰滄獨
苦暗香將盡嗅還慵故園此日東籬下左手
持螯憶舊棕

劉都憲病瘥健行數步和其韻

臥治名猶徹漢宮况今平步坦途中籌邊身
健還如舊退食心閒每自公赤舄躡階光錯
落繡裳鳴珮響玲瓏佇看扶
日青霄上藥餌於人信有功

和栢山壽日獲鷹鳥

未放金籠鴿先歌紫塞鷹化鳩從笑拙攫兔
自誇曾擬就高人養何勞使者徵老來風骨
瘦知共鶴稜層

折枝紙梅二絕

壁間山下凍僵柳誰折連仙花插瓶待我洗
明雙老眼小窓細讀相梅經

評云頗逼
老杜

故園一與梅花別雪擁村橋月暗溪今日山
窓忽相見不知身已客遼西

評云亦自在
可喜

雪中飲酒

曉來寒透紙窓風一夜梨雲入夢中門外雪
深山盡白壚頭酒暖火初紅便乾鷓鴣搯愁何
在更著漁簑句亦工毋怪土人相慰說遼西

雲物勝遼東

讀史有感

短日纔消一卷書春陵創業百年餘無端孤
鼠依城社千載令人憶本初

客夜

酒醒歌枕對殘缸愁陣通宵戰未降一杆曙
鐘來野寺半規寒月墮山窓身羈遼海終思
漢家住襄陽本姓龐老去鉄龍無力舞紅光
空射斗邊雙

評云調格甚高後四句尤
好每逢險韻句輒奇

和毛總戎韻

陽春高調破陰寒，惠我應憐末路難。才拙報
慚青玉案，愛深疑濟紫金丹。一機錦繡函初
啓，滿紙龍蛇墨未乾。當日公孫寧有此，抵勞
虛館暫相安。

畫屏紅梅花二首

六出瑤花尚未開，紙屏先見一枝梅。驚回斗
帳羅浮夢，恐是仙娥暈酒來。
羅浮山下月昏黃，曾倚春風試淡粧。今夜畫
屏銀燭冷，却啼紅淚濕衣裳。

評云：二絕俱佳，後篇勝。

代冒同年和毛總戎韻

海上風煙起暮寒，羈人顛顛去應難。政愁秦
蜀鳥頭白，敢羨揚州鶴頂丹。旅舍雪殘衾色
冷，邊庭風靜柝聲乾。茲行不遇詩書帥，一榻
誰容管幼安。

評云：三四切題，冒公揚州人也，結亦衝口自然。此詩勝公自和。

和毛總戎遊鑿間山亭之作

嚴公多暇此中遊，亭上風光豁壯眸。四座酒
香人語淡，一簾花影鳥聲柔。歌殘天外雲垂

幕飲散巖前，小墜鉤却喜塞塵春。晚靜吟鞭
歸去路悠悠。

紫陌看花百拂埃，是誰直上此亭臺。日長松
檜風濤靜，雨過溪山罨畫開。道士叱羊成石
起，元戎騎馬出郊來。蒼疆莫報青樽盡，不醉
高陽不擬回。

評云二律俱佳

鹿徵佳隴

騎鹿仙人去，千年鹿尚留。伏臺還濯濯，食野
更呦呦。林出疑巴放，山深訝舜遊。此翁真曠

達一見卜瑕丘

度索遺祥

花好來南紀，根深種秣陵。蒸霞光葉葉，和露
濕層層。偷苦朔兒久，降聞西母曾。主人應愛
此，避世長雲仍。

燕乳新堂

堂近北山開，堂開雙燕來。定巢經里社，遺卵
應郊禰。巷與烏衣接，庭唯玉樹栽。所祈多子
姓，一一謝家才。

湘筠復秀

宿麥連雲熟脩篁冒雨抽會年高過祖還擬
富如侯老瓦傾銀醉行厨洗玉留杜陵三逕
裡何必問羊求

送劉儀章省其季父都憲還濟南

塞下阿咸歸春寒襲客衣平蕪青尚短別酒
綠初肥圖學陳家獻棋從謝野園行臺書可
寄莫到故園稀

評云起句
好

別劉都憲

旅館經春特地寒遼西猶自繫南冠感君誼

重公孫度愧我才非管幼安傷翼暫忘林木
出窮鱗終賴海波寬前途夷險都休問回首
關山別去難

評云懷抱
可念

五月二十四日下通州

遼海歸來兩鬢秋蕭蕭羸馬折津頭不爇席
帽黃塵滿惟愧巾車紫氣浮投筆更無三策
獻看囊可有一錢留到家合種瓜為業又恐
人疑是故侯

後歸田十首

海上還家如獲更生再涉
西園風景如昨喜而賦此

信乎人下如藥不
知啖蔗之甘也

莎逕逶迤接草亭落花飛絮晝冥冥飲酣常
恐客求散睡美却嗔童喚醒竹影日臨移席
坐松聲風過隔簾聽豈知梁燕街泥入凝却
南華一卷經

評云

起語俊麗三四眼
前事却好後亦稱

莫笑歸來白髮新西園載酒倍精神迎眸醉
認花為妓濺齒酸驚杏有仁一賤一貧從世
態無榮無辱是閒身竹間次第開三逕何必
羊求作近隣

高岸綸巾袒葛衫林間風致隔塵凡落花不
掃童奴懶新笋頻燒老子饒學為家貧珍敝
帚書從官罷絕空函陶然一醉還高枕休咎
從人問季咸

水北三間舊草堂客來終日此徜徉芭蕉葉
大題詩遍蒼筍花開撲酒香朔雪未愁東郭
冷干風先愛北窓涼羊裘脫却煙波闊莫道
漁翁只姓莊

案積陳編壁掛琴也知城市即山林酒隨客
量母多酌詩怕人傳却苦吟偶爾笑談非有

東田詩集 卷一 六卷 四二
約從來富貴本無心相逢莫訝貧如洗兩字
平安直萬金

評云三四句

老法登高少上樓庭花林葉自春秋喜知報
信憐風韻拙不能巢笑雨鳩吟社有時還作
長醉鄉何日可封侯狂來故態公然在大字
如奉錄遠遊

歸來雙髮白鬢髮風月西軒尚可談舊社訪
人存者半初筵觴客至干三機心已息鷗應
下時節無何鴈又南分付寒花須記取醉眠

籬下我猶堪

秋風溪上一茅茨老我歸來養拙時六十日
酣如可得三千年壽亦何為無巾更墊人前
角有笏曾支客裏贖達矣淵明今不見倚窓
為和結廬詩

小橋南畔小亭東秋入西園野望通載酒共
談無惡客題詩一笑有衰翁雨中其菊垂花
白霜後安榴壓樹紅留取甕醅絨過臘春來
二十四番風

歲晚田園未盡蕪角巾偏爾稱霜顛一尊酒

盡誰知已萬卷書存祇故吾字不向空書吐
吐歌寧乘醉作嗚嗚倦來熟寐西窓下却喜
槐安夢亦無

評云

五六微露怨意

寄鈞陽馬少師

寵重

先朝六十年温公經濟潞公權貞心直射

金滕外

顧命曾承

玉几前纔擬獸樽開綠野又

驚蠅壁點藍田浮雲不散陽光歛誰駕颺輪

上

九天

評云

讀此詩却想鈞陽風度不覺愴然

對菊

老去悲秋秋已深寒花霜綴萬黃金不辭醉
作陶公態祇恐殮傷楚客心手撚一枝還獨
臭口占七字更微吟西風莫漫吹予帽潦倒
東籬思不禁

寄贈楊太守調真定

黃堂太守舊烏臺此日更賢自

東坡詩集 卷之六 四
上裁父老共嗟何武去兒童曾逐細侯來鎮
州行部施新政瀛海題名屬雋才老我閉門
秋色裏賀章緘罷又還開

烏臺獎勸卷

臨清狄指揮曹
殺賊有功

曾挽南山射虎弓姓名兩度徹臺中武襄不
媿梁公裔淮蔡惟推李祐功五夜敵驚狼鬣
暗百年詩美兔宜雄而今
拊髀方求士况復志林藻鑑公

和周耆老韻

幾人瀕死得生全治上歸來亦偶然地辟旋

開三竹逕家貧猶種一瓜田共拚黃犬悲公
子獨幸金雞赦謫仙今日此身方屬我不妨
高枕北窓眠

悼才汝粟

儒書讀罷讀兵書膽氣雖豪將畧踈授鉞幾
人知呂社什旗無地墓陳餘當時抵掌談何
易此日招魂事可歔獨倚寒林成悵望北風
吹面益愁予

評云

才司空磊落奇偉愛談將
畧然少踈此詩殆若傳神

新春試筆

塵世浮華夢一柯，禍羅纔出臥煙蘿。窮猿得木遂思痛，跛鼈逢橋更敢過。屈指舊遊都有幾，驚心來日若無多。也知珍重山公啓，叔夜平生素慳何。

送三原王太宰致政

八旬年紀四朝臣，勲業班中有幾人。勁節一身都是鐵，高名千古不生塵。是非此去何勞問，寵辱由來認得真。賴有華山千仞在，與公元是舊比鄰。

四皓圖

胡亥扶蘇事已乖，咸陽猶自有殘灰。如何不鑒亡秦者，直待商山四皓來。

評云

可作史斷

畫圖小景四絕為韓宗器題

石上題詩

石上蒼苔掃盡時，桃花洞口日遲遲。美人悵望不歸去，消得先生一首詩。

鴻鴈

南來北去自春秋，身世飄飄不繫舟。愧我平生太相似，老年猶有稻粱謀。

東田漫稿 卷之六
村景

遠山日落近山雲偶入城闌便返村戴笠支
藤天又晚正勞妻子候柴門

美人新粧

薰風樓閣垂楊晚十里荷花照水紅報道美
人新浴罷銖衣斜倚曲闌東

評云第一首第四首綽有古意

馬東田漫稿卷之六終

刻詩成告墓文

維嘉靖十七年歲次戊戌十二月庚子朔
越十九日戊午不肖孤兒師言速諸凡暨
諸姪諸甥婚同詣我

先考資善大夫左都御史東田府君墓下陳
蔬酌醴泣血以告曰吾

父之歿忽忽廿七載矣岳鄂心迹雖久矣昭
雪於日星而昌黎遺文尚依然斷爛於箱
篋虫鼠噬殘落蠹可掬急為補葺十去五
六恐太史終滯於周南玄文竟腐於甕覆

是陶舒懶惰以無匹桓禘不辨於麥菽典
刑既顛世澤莫續兒雖視息於寰區實乃
門宗之棄物錄續聞見豈敢跋邵氏之高
風書積不讀念司馬公之訓亦多慚蹙矣
與言及此萬死莫贖然而囊無餘貲家非
世族終無藉以鳩工徒興哀於汗竹忽今
年之季夏得好音於空谷蓋澶淵文太守
思敬盛情高誼欲故舊之不遺亦念乃
翁少司馬老叔莫逆我公曾敦好於骨
肉遣行李於一介述顛末於尺牘謂五品

俸入可以辦楮墨之資數邑民人可以備
匠氏之俶兒忽得此形神僕僕若醉而醒
若凍而燠急携家集以而邁不覺涕淚之
淋漓也至則果不食於前言乃竟成功於
梓木有精點畫有美卷軸載以來歸置之
家塾行將刊布九有衍先德於瀰漫亦且
課業諸孫藉良方於鞠育撫手澤之猶存
裂肝膂之如劓凡今之人惟勢是逐涼薄
則相望背馳炎煬則爭為媚熟自吾
父之僊去愴門楣之羞縮門生故史輒同

行路之悠悠里閭交游固宜視兒於碌碌也茲乃視蒙未泱於數旬盛典先及於三服上以成尊翁數千里又要之心下以慰吾翁三十年未瞑之目志養於錫類思敬顯揚已重於桑榆德施於不報孤兒哀慕空增於莪蓼即斯舉以要諸平生固知其非期會簿書今之所謂良牧矣英靈在天其鑒此哀祝乎尚饗

東田漫稿後序

家君同年進士友東田馬公以文章氣節負海內重名三畏家食時每讀公詩文輒加敬賞焉蓋心師追式者有年矣厥嗣監生師言近持公遺稿七卷及我凌川兄書委三畏校正鋟梓以永厥傳向之心師者於是為有終公為當代名臣功業塞乎天地豈俟區區文字而後顯邪而公之子克盡繼述矣公之家教其愈彰哉昔公以正氣不容於時家居

蕭然老父每資薪水以篤友道蓋意氣之孚寔感於德學之同焉耳

毅廟時老父總制宣大為逆瑾所擠進退維谷偶公以致仕少司空膺

命起撫大同老父始克浩歸其契厚之誼相結於平昔故援濟之美兼成於忠愛詩云神之聽之終和且平信不誣也則夫世講之雅愚輩獨不當克篤也邪是役也義不可得而辭者也竊憶老父行年且九十家兄守深轉蔚三畏自渾源承

乏于茲皆數閱歲遠離膝下上舍君能不忘親如此而愚兄弟則從事

國事彩歡久曠其賢不肖之相去何如也家國之念於是重有所感矣若夫公之世行沙溪端溪二公序之詳矣三畏復何言聊述刊書之意以紀歲月云

嘉清戊戌菊月之吉奉訓大夫知開州事年家晚生筆山文三畏拜識

東田漫稿跋

東田之詩以寄志也筆山之刻是詩以廣
孝也觀東田之志君子可以知所擇矣觀
筆山之意可以覘其所與歸矣是故匪得
其詩則東田之志無以見得其詩而不錄
諸梓則無以傳而可久筆山其有功於東
田乎嗚呼豈無所見而阿私所好歟乃若
東田之蘊與其吟咏之雅勲業之茂則沙
溪端溪暨筆山三老先生之序備矣學也
又復何言時

嘉靖戊戌重陽日開州署學正事舉人餘
姚許來學謹跋